

ԼՂ
ՏԱՐԻ

ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ሁሉንም

1979




ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



1959





ՎԵՀԱՓԱՌ ՀԱՅՐԱՊԵՏԻ ԶԱՐՈՋԸ ՓՐԿՉԻ ՀՐԱՇԱՓԱՌ ԵՎ
ՍՈՒՐԲ ՀԱՐՈՒԹՅԱՆ ՏՈՆԻ ԱՌԹԻՎ ՄԱՅՐ ՏԱՃԱՐՈՒՄ
(1979 թ. ապրիլի 15)

«Յանուն Հոր եւ Որդոյ եւ Հոգւոյն սրբոյ. ամեն»:

«Ջի որպէս յարեաւ Քրիստոս ի մեռելոց փառօքն Հոր, նոյնպէս
և մեր ի նորոգումն կենաց շրջեացոյ» (Հռոմ. 2 4):

Ինչպէս Քրիստոս մեռելներից հարություն առաւ Հոր փառքով,
այնպէս և մենք քայլենք դեպի նորոգումը մեր կյանքի:

Սիրեցյալ ժողովուրդ Մեր,

Զատիկ է այսօր, ուրախ եղեք ու ցնծացեք:

Սուրբ Զատիկ, երբ բոլորս մեր հոգիների լույսի տակ տեսնում ենք շո-
ղակաթ պատկերը Հիմուսի հրաշք հարության:

Հիմուսի ծննդյան օր կյանքի: Հիմուսի խաչելության ու հարության մա-
սին զկայում եւ ակառաւուն ավետարանիչների և ժամանակակից հիշատա-
րակիւնները: Վկայում եւ հետագա դարերն ու սերունդները բոլոր: Վկայում
եւ բոլոր ժամանակների հավերժական կյանքի տեսիլքով մահվան դեմ
մարտնոդ անթիվ, անհամար բազմությունները մարդկանց:

Այո՛, ճշմարտապէս «յարեաւ Քրիստոս ի մեռելոց, մահուամբ զմահ
դժբխեաց և խարոսեամբն իրով մեզ գկեանս պարգևեաց»:

Ամեն անգամ, երբ մեր հոգիներում հստկում է լուսաշող պատկերը Հի-
սուսի հարության, մեր գիտակցության մեջ պայծառանում է ոչ միայն հույսը

հավիտենական կյանքի, այլև հրամայականը՝ մարդկային կյանքը, մեր այս երկրային անցավոր կյանքը, Հիսուսի Ավետարանի լույսով լուսավորելու, Հիսուսի Ավետարանի լույսով բեղմնավորելու, Հիսուսի Ավետարանի լույսով քարեշրջելու:

Հարց եք տալու Մեզ, թե ո՞րն է այդ հրաշագործ լույսը, որ ճառագայթում է Հիսուսի Ավետարանից: Մեր պատասխանն է՝ այդ ճառագայթող լույսը, այդ հրաշագործ լույսը, մանավանդ Հիսուսի սերն է ամենապարփակ ու ամենահաղթ: Կարդացեք Ավետարանները և պիտի հաստատեք, թե Հիսուսի մեն մի խոսքը, Հիսուսի մեն մի արարքը, Հիսուսի հրաշագործությունները բոլոր, հստակ ու պայծառ արտահայտություններն են նրա աստվածային սիրո, և միաժամանակ հրավերների, ուղղված բոլոր մարդկանց, բոլոր ժողովուրդներին, բոլոր ժամանակներին, ա՛յդ սիրով ջերմացնելու հոգիները մարդկային, ա՛յդ սիրով շաղախելու կյանքի գործերը մարդկանց, ա՛յդ սիրով արգասավորելու պատմությունը մարդկության:

Մեր դեպի Արարիչը բարեխնամող և դեպի Նրա արարչագործությունը հիասքանչ, սեր դեպի մարդը, դեպի բոլոր մեր մեծները անխտիր, ահա մայր ապրումը Հիսուսի, ահա սեպուհ պատվիրանը Նրա: Աստուծո ու մարդկանց հանդեպ մեր սիրուց է, որ թխում է գոյության իմաստը երկրային կյանքի և ուրախությունը ապրելու, սերը բարու և ճշմարտի, սերը արդարության ու խաղաղության, սերը շինարար աշխատանքի և համերաշխ գործակցության, մարդկանց և ազգությունների միջև:

Մարդու գոյությունը և պատմությունը պատահական և աննպատակ իրողություններ չեն: Անհնար է համոզվել՝ թե մարդկային կյանքը, նյութական տիեզերքի կույր փոթորկումների մի ակնթարթի փրփուր է միայն:

Մեր սուրբ հայրերից Ներսես Շնորհալի կաթողիկոսը Ամենայն Հայոց մեզանից ութ հարյուր տարիներ առաջ երգել և փատաբանել է այդ սերը, Հիսուսի սերը, աղերսելով, որ այդ սիրով ճմլվեն, շաղախվեն սրտերը մարդկանց՝ «սեր անուն Յիսուս, սիրով քո ճմեա, սիրտ իմ քարեղէն»:

Ինչքա՞ն աշխատական, ինչքա՞ն ճշմարտացի են հնչում այս սուրբ խոսքերը նաև մեր օրերում:

Սիրելի հավատացյալներ, դիտեցեք աշխարհին, մեր ժամանակների կյանքի պատկերին, միջպետական հարաբերություններին, միջազգային անցուդարձերին ու պիտի տեսնեք, թե մարդկությունը այսօր էլ տագնապում և տատապում է վատառողջ, հիվանդագին մղումներից, շահագործումներից, բռնություններից, ազգամիջյան ատելավառ թշնամություններից, եղբայրասպան արարքներից, արյունալի պատերազմներից:

Մենք ևս, հետևաբար, Շնորհալի մեր մեծ Հայրապետի խոսքերով դիմենք հարուցյալ Աստվածորդուն, աղերսելով՝ Տեր մեր և Փրկիչ մեր Հիսուս Քրիստոս, Քո սիրովդ ճմլիր քարեղեն սրտերը մեր ժամանակների մարդկանց և փրկիր մարդկային աշխարհը վերջնական կործանումից:

Երանի՜ թե մեր օրերի պետությանց սահմանադրություններն ու օրենքները ևս շաղախված լինեին Քրիստոսի սիրով, Քրիստոսի Ավետարանի խաղաղարար շնչով:

Սիրելի ժողովուրդ, Ջատիկ է այսօր, մեր Մայր եկեղեցին, Հայաստանյայց առաքելական եկեղեցին, աշխարհի բոլոր բույր եկեղեցիների հետ, ցնծությամբ ու բարձրադադակ երգերով ավետում է հաղթական հարությունը Հիսուսի, հավատքով անասան, որ ինչպես հարուցյալ Փրկիչի սիրով ու զո-

հաքերումով խախտվեց մեղքը աշխարհի և մահը պարտվեց հաղթությամբ, այնպես էլ նույն աստվածային սիրո լույսով մարդիկ ու ազգություններ պիտի կարողանան գտնել ճշմարիտ ճանապարհը խաղաղ ու արդար մի երկրային կյանքի:

Որովհետև քրիստոնեությունը լավատեսական աշխարհայացք է՝ Աստուծո և մարդու նկատմամբ, փրկության վարդապետություն է, հաղթության ճանապարհ է:

Հիսուսի կյանքը եթե գերեզմանով վերջանար, այո՛, քրիստոնեությունը կմնար ունայն վարդապետություն, սակայն նրա գերեզմանը դատարկ մնաց, խախտվեց չարը, ու պարտվեց նրա պտուղը՝ մահը: Ահա թե ինչու սուրբ Առաքյալը՝ Պողոս, փոթորկված ուրախությամբ, մեծ ստուգությունն է աղաղակում. «Եթե Քրիստոս չիցէ յարուցեալ, ընդունայն է քարոզութիւնն մեր, ընդունայն են և հաւատքն ձեր» (Ա. Կորնթ. ԺԵ 14):

Հայ ժողովուրդը և մեր Մայր եկեղեցին, հարության տեսիլքով ոգեշնչված, միշտ հավատացին չարի պարտության և կյանքի բարի ուժերի հաղթանակին: Այդ հավատքով մեր ազգը իր հերոսական պատմությունը կերտեց և հասավ մեր օրերի վերածնունդին, իբրև ազգություն, իբրև պետություն, իբրև մշակույթ ու իբրև ազգային եկեղեցի:


Քրիստոսի հարության ստուգությունը իր սրտում պայծառ, ազգային պատմության փորձը իր գիտակցության մեջ վառ, ժողովուրդը մեր, որ ի Հայաստան և ի սփյուռս աշխարհի, մնում է հաստատ իր հավատքի վեմի վրա, թե կգա օրը մարդկային բարի ու արդար ուժերի ամբողջական ու վերջնական հաղթանակի: Հիրավի, հակառակ մեր փոթորկահույզ դարաշրջանում դրսևորվող շփոթեցուցիչ և վհատեցուցիչ երևույթների սանձազերծումի, այդ իսկ փոթորկումների ընդմիջից հետզհետե զարգանում է մեկտեղումը և հզորացումը արդարության և խաղաղության ուժերի, աշխարհի բոլոր ժողովուրդների ազատատենչ լայն զանգվածների եղբայրության գիտակցության հաղթական զարթոնքով:

Հայաստանյայց առաքելական եկեղեցին, իր Մայր Աթոռ սուրբ Էջմիածնով, ամուր կանգնած մեր հիմնավորք երկրի մայր հողի վրա, մահվամբ մահը հաղթած մեր ժողովրդի հետ մեկ սիրտ, մեկ հոգի, մնում է հավատարիմ իր խաղաղության ուխտին, մնում է հավատարիմ իր մայր հայրենիքի գերագույն շահերին, իր ազգի է՛լ ավելի պայծառ ապագային, ու իր ճակատագիրը կապում է աշխարհի խաղաղարար ուժերի հաղթանակի հետ, միջազգային լարվածության վերացման ու պետությունների համերաշխ գործակցության հրամայականների լույսի տակ:

Սիրելի հավատացյալներ, Խաղաղության Իշխանի հաղթական հարության ստուգությունը մեր հոգիներում, աղոթենք ու գործենք միասիրտ ու միական, մեր քույր եկեղեցիների ու մեր եղբայր ժողովուրդների հետ միասին, սրտեռանդ ողջունելով և օրհնելով մեծ Ավետիսը՝ «Փառք հրաշափառ Յարութեան և Տե՛ր»:

Սուրբ գրական Հայաստան աշխարհից և Ամենայն Հայոց սրբություն, սրբոց Էջմիածնից բաշխում ենք Ձեզ բոլորիդ սերն ու խաղաղությունը հարուցյալ մեր Փրկչի Հիսուս Քրիստոսի: Ամեն:

Քույր Եկեղեցիներ



Փրկչի ՀՐԱՇԱՓԱՌ ԵՎ ՍՈՒՐԲ ՀԱՐՈՒԹՅԱՆ
ՏՈՆԻ ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա. ՀԱՅՐԱՊԵՏԻ ԵՎ ՔՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ

Հոռմեական կաթողիկ եկեղեցու Քահանայապետ, Նորին Սրբություն
ՀՈՎՀԱՆՆԵՍ-ՊՈՂՈՍ Բ ՊԱՊԻՆ (Հոռմ),
Կոստանդնուպոլսի հունաց տիեզերական Պատրիարք, Նորին Սրբություն
ԴԵՄԵՏՐԻՈՍ ԻՆ (Ստամբուլ),
Մոսկվայի և համայն Ռուսաստանի Պատրիարք, Նորին Սրբություն
ՊԻՄԵՆ ԻՆ (Մոսկվա),
Ալեքսանդրիայի և համայն Աֆրիկայի հունաց ուղղափառ եկեղեցու
Պատրիարք, Նորին Սրբություն ՆԻԿՈՂԱՅՈՍ Զ-ԻՆ
(Ալեքսանդրիա),
Երուսաղեմի հունաց ուղղափառ եկեղեցու Պատրիարք, Նորին Սրբություն
ԲԵՆԵԴԻԿՏՈՍ Ա-ԻՆ (Երուսաղեմ),
Ղպտի ուղղափառ եկեղեցու Պատրիարք, Նորին Սրբություն
ԱՄԲԱ ՇԵՆՈՒԴԱ Գ-ԻՆ (Ալեքսանդրիա),
Անտիոքի և համայն Արևելքի հունաց ուղղափառ եկեղեցու Պատրիարք,
Նորին Սրբություն ԷԼԻԱՍ Դ-ԻՆ (Դամասկոս),
Համայն Եթովպիայի Պատրիարք, Նորին Սրբություն
ԱԲԲԱ ԹԵՔԼԵ ՀԱՅՄԱՆՈՒՆ (Ադիս Աբեբա),
Հնդկաստանի և Արևելքի մալաբար եկեղեցու կաթողիկոս, Նորին
Սրբություն ԲԱՍԻԼԻՈՍ ՄԱՐ ԹՈՄԱ ՄԱՏԹԵՈՍ Ա-ԻՆ
(Բոթայամ),

Համայն Վրաց Պատրիարք-կաթողիկոս, Նորին Սրբություն
 Ի Լ Ի Ա Բ - Ի Ն (Թբիլիսի),
 Ռումին օրթոդոքս եկեղեցու Պատրիարք, Նորին Սրբություն
 Ժ Ո Ւ Ս Տ Ի Ն Ի Ն (Բուխարեստ),
 Բուլղար օրթոդոքս եկեղեցու Պատրիարք, Նորին Սրբություն
 Մ Ա Ջ Ս Ի Մ Ի Ն (Սոֆիա),
 Անտիոքի և համայն Արևելքի հույն կաթողիկ եկեղեցու Պատրիարք, Նորին
 Սրբություն Մ Ա Ջ Ս Ի Մ Ո Ս Ե Հ Ա Ջ Ի Մ Ի Ն (Դամասկոս),
 Անտիոքի ասորի կաթողիկ եկեղեցու Պատրիարք, Նորին Սրբություն
 Ի Գ Ն Ա Տ Ի Ո Ս Ա Ն Տ Ո Ւ Ա Ն Հ Ա Յ Կ Բ - Ի Ն (Բեյրութ),
 Քենթրբերիի արքեպիսկոպոս, համայն Անգլիայի եպիսկոպոսապետ և
 միտրոպոլիտ, Նորին Գերաշնորհություն
 Ֆ Բ Ե Դ Ե Ր Ի Կ Դ Ո Ն Ա Լ Դ Կ Ո Գ Ա Ն Ի Ն (Լոնդոն),
 Աթենքի և համայն Հելլադայի միտրոպոլիտ, Նորին Գերաշնորհություն
 Ս Ե Ր Ա Ֆ Ի Մ Ի Ն (Աթենք),
 Սերբիայի և համայն Հարավսլավիայի Պատրիարք, Նորին Սրբություն
 Հ Ե Ր Մ Ա Ն Ի Ն (Բելգրադ),
 Վարչակալի և համայն Լեհաստանի միտրոպոլիտ, Նորին Գերաշնորհություն
 Վ Ա Ս Ի Լ Ի Ի Ն (Վարշավա),
 Պրագայի և համայն Չեխոսլովակիայի միտրոպոլիտ, Նորին
 Գերաշնորհություն Դ Ո Ր Ո Ֆ Ե Ի Ն (Պրագա),
 Հայ կաթողիկե եկեղեցու Պատրիարք, Նորին Ամենապատվություն
 Հ Մ Ա Յ Ա Կ - Պ Ե Տ Ր Ո Ս Կ Ե Տ Ի Կ Յ Ա Ն Ի Ն (Բեյրութ),
 Կիպրոսի արքեպիսկոպոս, Նորին Գերաշնորհություն
 Խ Ր Ի Ս Ո Ս Տ Ո Մ Ո Ս Ի Ն (Նիկոզիա),
 Եկեղեցիների համաշխարհային խորհրդի ընդհանուր քարտուղար
 դոկտ. Ֆ Ի Լ Ի Պ Փ Ո Թ Ը Ր Ի Ն (Ժնև),
 Վատիկանի պետական քարտուղար, Նորին Ամենապատվություն
 կարդինալ Ժ Ա Ն Վ Ի Լ Լ Ո Յ Ի Ն (Վատիկան),
 Վիեննայի արքեպիսկոպոս, Նորին Ամենապատվություն
 կարդինալ Ֆ Բ Ա Ն Յ Կ Յ Ո Ն Ի Գ Ի Ն (Վիեննա),
 Փարիզի արքեպիսկոպոս, Նորին Ամենապատվություն
 կարդինալ Ֆ Բ Ա Ն Ս Ո Ւ Ա Մ Ա Ր Տ Ի Ի Ն (Փարիզ),
 Լիոնի արքեպիսկոպոս, Նորին Ամենապատվություն կարդինալ
 Ա Լ Ե Ջ Ս Ա Ն Դ Ր Ռ Ը Ն Ա Ր Ի Ն (Լիոն),
 Քրիստոնեական միության քարտուղարության նախագահ, Նորին
 Ամենապատվություն կարդինալ Ժ Ա Ն Վ Ի Լ Լ Բ Ր Ա Ն Դ Ս Ի Ն (Վատիկան),
 Մարսելի արքեպիսկոպոս, Գերաշնորհ
 Ռ Ո Ժ Ե Է 2 Ե Գ Ա Ր Ա Յ Ի Ն (Մարսել),
 Լատվիական ՍՍՀ ավետարանական-լուսերական եկեղեցու արքեպիսկոպոս,
 Նորին Գերազանցություն Յ. Պ. ՄԱՏՈՒԼԻՍԻՆ (Ռիգա),
 Էստոնական ՍՍՀ ավետարանական-լուսերական եկեղեցու արքեպիսկոպոս,
 Նորին Գերազանցություն Ա Լ Ֆ Բ Դ Տ Ո Ո Մ Ի Ն Գ Ի Ն (Տալլին),
 Միջին Արևելքի հայ ավետարանական եկեղեցիների միության նախագահ,
 Վերապատվելի Հ Ո Վ Հ Ա Ն Ն Ե Ս Ա Հ Ա Ր Ո Ն Յ Ա Ն Ի Ն (Բեյրութ),
 Ֆրանչիսկյան միաբանության կուստոդ
 Մ Ա Ո Դ Ի Ր Ի Լ Ի Ո Ս Ա Կ Կ Ի Ի Ն (Երուսաղեմ),

Խաղաղության համաքրիստոնեական կոնֆերանսի գլխավոր քարտուղար
դոկտ. ԿԱՐՈՂԻ ՏՈԹԻՆ (Պրագա),
Իրաքի պապական նվիրակ, Գերաշնորհ

ԺԱՆ ՌՅՈՒՊԻՆ (Բաղդադ),

Մխիթարյան ուխտի աբբահայր, Գերապալծառ Հայր

ՊՈՂՈՍ վարդապետ ԱՆԱՆՅԱՆԻՆ (Վենետիկ),

Մխիթարյան ուխտի աբբահայր, Գերապալծառ Հայր

ԳՐԻԳՈՐԻՍ վարդապետ ՄԱՆՅԱՆԻՆ (Վիեննա),

Վերապատվելի ՀԱՐՈՒԹՅՈՒՆ ՀԵՂԱԾՅԱՆԻՆ (Մարսել),

Վերապատվելի ՎԱՀԱՆ Հ. ԹՈՒԹԻԿՅԱՆԻՆ (Նյու Յորք),

«Քրիստոս լարեալ ի մեռելոց»:

Այսօր մեծ առավոտն է մեր հոգիների, որովհետև խաչյալ Քրիստոսը
հաղթելով մահն ու չարիքը աշխարհի, մեռելներից հարություն առավ և մեզ
պարգևեց մեծ հույսը հավիտենական կյանքի:

Մեր սիրտը լի այս լույս հավատքով, Քրիստոսապետ Մայր Աթոռ սուրբ
Էջմիածնից Ձեզ բերում ենք մեծ ավետիսը աշխարհառաքան և Մեր աղոթ-
քը ջերմ, որ Փրկչին մեր Հիսուսի հարության շնորհները առատապես իջնեն
ձեր եկեղեցու, նրա սպասավորների ու ձեր հավատացյալ զավակների վրա,
որպեսզի նրանք բոլորը դառնան «լուսո որդիներ» և ապրեն ու գործեն այս
երկրային կյանքը հարության տեսիլքով, հավերժական կյանքի հույսով, որ
գերազույն երաշխիքն է երկրային առաքինազարդ ու ստեղծարար կյանքի:

Սուրբ Հարության շնորհները թող ճառագայթեն նաև ձեր մեծ եկեղեցու,
ձեր հավատացյալ զավակների համայնքային ու ընտանեկան կյանքից ներս,
որպեսզի այդ շնորհներով ստավել աճեն ու զորանան նրանց քրիստոնեա-
կան առաքինություններն ու ոգեկանությունը:

Եղբայրական սիրով ողջունում ենք Ձեզ, ձեր եկեղեցու բոլոր ժրաջան
հոգևոր հովիվներին և համայն ձեր հավատացյալ ժողովրդին:

«Ջիսաղաղութեան զհետ երթալը ընդ ամենեւին և զսրբութեան, առանց
որոյ ոչ ոք տեսանիցէ զՏէր» (Եբր. ԺԲ 14) և «Եղբայրսիրութիւն հաստա-
տեսցի առ ձեզ» (Եբր. ԺԳ 1). ամեն:

«Փառք Յարութեան Քո Տէր»:


ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. ԷԶՄԻԱՇԻՆ

Ամենայն Հայոց Վեհափառ Հայրապետի՝ Փրկչի հրաշափառ և սուրբ
Հարության շնորհավորական գրություններին ի պատասխան ստացվել են
բույր եկեղեցիների հոգևոր պետերի և կրոնական այլ համայնքների
ու կազմակերպությունների ղեկավարների՝ այդ առթիվ ուղարկած ջեր-
մագին շնորհավորական հեռագրեր ու գրություններ, որոնցում մի անգամ
ևս սրբազանությունն արտահայտվում է քրիստոնեական եղբայրության ու հա-
մագործակցության սրտագին ոգին բույր եկեղեցիների ու կրոնական այլ
համայնքների և կազմակերպությունների միջև:

Հանուն Հայոց Հայրապետի ջերմ շնորհակալություն ենք հայտնում
ստացված պատասխան շնորհավորականների համար:



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ՓՐԿԶԻ ՀՐԱՇԱՓԱՌ ԵՎ ՍՈՒՐԲ
ՀԱՐՈՒԹՅԱՆ ՏՈՆԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ
ԵԿԵՂԵՑՈՒ ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ,
ԹԵՄԱԿԱԼ ԲՈԼՈՐ ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ
ՀԱՄԱՅՆՔՆԵՐԻՆ

«Քրիստոս յարեալ ի մեռելոց»:

Այսօր մեծ առավոտն է մեր հոգիներուն, զի խաչյալն Քրիստոս հաղթելով մահն ու չարիքը աշխարհի, հարության առաւ մեռելներն և մեզ պարգևեց մեծ հույսը հավիտենական կյանքի:

Մեր սիրտը լի այս լույս հավատքով, Քրիստոսատես Մայր Աթոռ սուրբ Էջմիածնէն Զեզի կրօնէք մեծ ավետիսը այս աշխարհաստան և Մեր աղոթքը ջերմ, որ Փրկչին մեր Հիսուսի հարության շնորհները առատապես իջնեն մեր Մայր եկեղեցւոյ և անոր սպասավորներուն և հավատացալ զավակներուն վրա, որպէսզի անոնք բոլորը դառնան «զուտ որդիներ» և ապրին ու գործեն այս երկրային կյանքը հարության տեսիլքով, որ գերագույն երաշխիքն է երկրային առաքինազարդ ու ստեղծարար կյանքի:

Սուրբ Հարության շնորհները թող ճառագայթեն նաև ձեր հավատացալ ժողովուրդի համայնքային ու ընտանեկան կյանքն ներս, որպէսզի այդ շնորհներով առավել աճին ու զորանան անոնց քրիստոնեական առաքինություններն ու հայկական ոգեկանությունը:

Եղբայրական սիրո ողջուն Ձեզ և համայն հայ հավատացյալ Մեր զավակներուն:

«Զխաղաղության զհետ երթալք ընդ ամենեւին և զսրբության, առանց որոյ ոչ ոք տեսանիցէ զՏէր» (Եբր. ԺԲ 14) և «Եղբայրսիրութիւն հաստատեացի առ ձեզ» (Եբր. ԺԳ 1). ամեն:

«Փառք Յարութեան Քո Տէր»:

Վ Ա Զ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. ԷԶՄԻԱԾԻՆ

Փրկչի հրաշափառ և սուրբ Հարության տոնի առթիւ Ամենայն Հայոց Վեհափառ Հայրապետի անունով ստացվեցին ամենաջերմ և հարգալից զգացմունքներով զեղուն բազմաթիւ շնորհավորական հեռագրեր և մամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:



1979 ԹՎԱԿԱՆԻ ՀԱՄԱՄԻՈՒԹԵՆԱԿԱՆ ՄԱՐԴԱՀԱՄԱՐԻ ՆԱԽՆԱԿԱՆ ԱՐԴՅՈՒՆՔՆԵՐԻ ՄԱՍԻՆ

ՀԱՅԿԱԿԱՆ ՍՍՀ ԿԵՆՏՐՈՆԱԿԱՆ ՎԻՃԱԿԱԳՐԱԿԱՆ ՎԱՐՉՈՒԹՅԱՆ ՀԱՂՈՐԴԱԳՐՈՒԹՅՈՒՆԸ

1. 1979 թվականի հունվարին անցկացվեց հերթական համամիութենական մարդահամարը: Մարդահամարի տվյալների համաձայն, Հայկական ՍՍՀ բնակչության թիվը առ 17-ը հունվարի 1979 թ. կազմել է 3.031 հազար մարդ:

2. Հայկական ՍՍՀ բնակչության թվի փոփոխությունը բնութագրվում է հետևյալ տվյալներով.

1913 թ.	1000,1 հազար մարդ
1940 թ. (գնահատումը)	1320,3 » »
1959 թ. (ըստ հունվարի 15-ի մարդահամարի)	1763,1 » »
1970 թ. (ըստ հունվարի 15-ի մարդահամարի)	2491,9 » »
1979 թ. (ըստ հունվարի 17-ի մարդահամարի)	3030,8 » »

1970 թ. մարդահամարից հետո անցած ինը տարում Հայկական ՍՍՀ բնակչությունը ավելացել է 538,9 հազար մարդով կամ 21,6 տոկոսով:

Հանրապետության բնակչությունը գլխավորապես ավելացել է բնական աճի հաշվին:

3. Քաղաքային և գյուղական առկա բնակչության թվի փոփոխությունը բնութագրվում է հետևյալ տվյալներով.

Տարիներ	ամբողջ բնակչություն (հազար մարդ)	Այդ թվում		Տոկոսներով, ամբողջ բնակչության համեմատությամբ	
		քաղաքային	գյուղական	քաղաքային	գյուղական
1913	1000,1	101,0	896,1	10,4	89,6
1940	1320,3	375,4	944,9	28,4	71,6
1959	1763,1	881,9	881,2	50,0	50,0
1970	2491,9	1181,3	1010,4	59,5	40,5
1979	3030,8	1992,7	1038,1	65,7	34,3

1970 թվականից քաղաքային բնակչությունը ավելացել է 511,2 հազար մարդով, այդ թվում քաղաքներում բնական աճի հաշվին՝ 263,7 հազարով. գյուղական բնակավայրերը քաղաքայինների վերակազմվելու և գյուղական բնակչության քաղաքներ տեղափոխվելու հաշվին՝ 247,5 հազար մարդով:

Մարդահամարների միջև ընկած ժամանակաշրջանում գյուղական վայրերում բնակչության բնական աճը կազմել է 164,4 հազար մարդ, սակայն վերոհիշյալ պատճառներով գյուղական բնակչության թիվը ավելացել է միայն 27,7 հազար մարդով:

4. Մարդահամարի ժամանակ հաշվառվել են 1476,5 հազար տղամարդ և 1554,3 հազար կին: Տղամարդկանց և կանանց տոկոսը փոփոխվել է հետևյալ կերպ.

Տարիներ	Արդի բնակչությունը		Քաղաքային բնակչությունը		Գյուղական բնակչությունը	
	հիմնական	միջակ	հիմնական	միջակ	հիմնական	միջակ
1939	30,6	49,4	50,8	49,2	30,5	49,5
1959	47,8	52,2	47,9	52,1	47,7	52,3
1970	48,8	51,2	48,9	51,1	48,7	51,3
1979	48,7	51,3	48,5	51,5	49,1	50,9

Ըստ 1979 թվականի մարդահամարի, կանանց թիվը 77,8 հազարով գերազանցում էր տղամարդկանց թիվը:

5. Բնակչության թիվը առ 17-ը հունվարի 1979 թ. (հազար մարդ)

Երևան — 1019

Լենինական — 207

Կիրովական — 146

Մարդահամարը անցկացվել է հաշվարարների կողմից բնակչության հարցումների միջոցով: Բնակչության հաշվառման լիակատարությունն ու ճշտությունը ապահովելու համար մարդահամարի ընթացքում և նրանից հետո անցկացվել են վերահսկիչ ստուգումներ:

Մարդահամարի նախնական համառոտ արդյունքները ստացվել են մարդահամարի աշխատողների կատարած հաշվարկումների հիման վրա: Մարդահամարի մանրամասն տվյալները ըստ տեղիտոքիալ բաժանման, բնակչության տեղաբաշխումը ըստ սեռի, տարիքի, ազգության, լեզվի, կրթական մակարդակի, ամուսնական դրության, ընտանիքի անդամների թվի և մյուս ցուցանիշների, սահմանված ծրագրով մշակվում են ՍՍՀՄ կենտրոնական տնտեսական հաշվողական կենտրոնի կողմից:

ՀԱՅԿԱԿԱՆ ՍՍՀ ԿԵՆՏՐՈՆԱԿԱՆ
ՎԻՃԱԿԱԳՐԱԿԱՆ ՎԱՐՉՈՒԹՅՈՒՆ



ՄԱՅՐ ԱԹՈՒԻ ՊԱՏՎԻՐԱԿՈՒԹՅՈՒՆԸ ՀՆԴԿԱՍՏԱՆՈՒՄ

Վեհափառ Հայրապետի քարեհաճ կարգադրությամբ և Կալկաթայի հայոց Նազարեթի անվան սուրբ եկեղեցու վարչության հրավերով սույն թվականի հունվարի սկզբներից մինչև փետրվարի կեսերը Մայր Աթոռի պատվիրակները Գերագույն հոգևոր խորհրդի ատենապետ տ. Միոն արքեպիսկոպոս Մանուկյանը և Գերագույն հոգևոր խորհրդի անդամ տիար Հովհաննես Թոփուզյանը, եղան Հնդկաստանում՝ անձամբ տանելով նաև Ն. Ս. Օծության ողջույններն ու օրհնությունները հնդկահայությանը: Հընդկահայերը նրանց վերապահել էին արտաքս ու ջերմ ընդունելություն: Մայր Աթոռի պատվիրակները ծանոթացան հնդկահայոց թեմի ներկա վիճակին, նրա ազգային-եկեղեցական ու մշակութային կարիքներին և, վերադառնալով ս. Էջմիածին, հանգամանորեն զեկուցեցին Վեհափառ Հայրապետին և Գերագույն հոգևոր խորհրդին:

Ստորև «Էջմիածին» ամսագրի ընթերցողների ուշադրությանն են ներկայացվում քաղվածքներ նրանց զեկուցումից:

ԽՄԲԱԳՐՈՒԹՅՈՒՆ

Հնդկաստանի երբեմնի քարավան ու քաղմամարդ հայկական գաղթօջախների մնացորդացը ամփոփված է երկու քաղաքներում: Արևմտյան Բենգալիայի խոշորագույն քաղաք Կալկաթայի շուրջ տասը միլիոն հաշվող բնակչության ծոցում մնացել են հազիվ 150—180, իսկ արևմտյան Հընդկաստանի հինգ միլիոնանոց հոմքել քաղաքում՝ 14—15 հայեր: Այսօր հայեր չկան Ագրայում, Դելհիում, Սուրաթում, Մադրասում,

Չիմսուրահում, Չանդերնագորում, Սաիդապատում, Մոնդուրում, Գվալիորում և այլ վայրերում, սակայն առկա են հայկական մարած գաղթօջախների խոր հետքեր: Հնդկահայ գաղթօջախները թեև այսօր թուլացել են, ամայացել, սակայն իրենց չորսդարյա պատմության ընթացքում կարեվոր դեր են կատարել ինչպես հայ, այնպես էլ ապանջական հնդիկ ժողովրդի կյանքում: Սկզբում Մադրասը, հետագայում և Կալկաթան հանդիսացան հայ եկեղեցական-մշակութային, հասարակական-քաղաքական մտքի և լուսավորական շարժման նշանավոր կենտրոններ, որոնք բացառիկ դեր կատարեցին նաև հայ ժողովրդի ազատագրական գաղափարախոսության ձևավորման գործում: Հովսեփի Էմինը, Մովսես Բադրամյանը, Հարություն քհն. Ծմալոնյանը, Ծախամիրյանը և նրանց գաղափարական մյուս գործակիցները դարձան հայ ժողովրդի զարթոնքի առաջին մունեղիկները՝ նոր ժամանակներում:

Հնդիկ ժողովրդի հետ կապված լինելով տնտեսական շահերի ընդհանրությամբ, հնդկահայերը գործում մասնակցություն են բերել նրա ազատագրական պայքարին: 1862 թ. Մալաբարում, 1760—1764 թթ. Բենգալիայում եվրոպական նվաճողների դեմ բռնկված ապստամբություններում հերոսական վարքով աչքի են ընկել շատ հայեր: Բենգալիայում կովող հնդկական գորբերի գորահորամանատարներից մի քանիսը հայեր էին, իսկ ընդհանուր հրամանատարը՝ Գորգի խան վերանվանված հայ վաճառական Գրիգոր Հարությունյանն էր: Հնդկա-

կան տարեգրություններում դրվատանքով են հիշատակվում հայ գեներալներ, պետական քարձր պաշտոնատարներ, ճարտարապետներ և հատկապես մեծատուն վաճառականներ, որոնք եվրոպացիներից առաջ ամրացել էին Հնդկաստանում:

Հնդկահայ գաղթօջախների քազմահայրուստ պատմության վկաներ են հնօրյա եկեղեցիները, մատուռները, գերեզմանատները և նյութական մշակույթի այլ հուշարձաններ, որոնք տակավին կանգուն են մնում Հնդկաստանի տարբեր քաղաքներում: Դրանցից հնագույնը՝ Չինտուրահիի ա. Հովհաննես Մկրտիչ եկեղեցին, կառուցվել է 1695 թ. մեծատուն վաճառականներ Հովհաննես և Հովսեփ Մարգարյանների տրամադրած միջոցներով և հանդիսանում է քրիստոնեական հնագույն աղոթատեղիներից մեկը ողջ հենգալիայում: Եկեղեցու շրջափակում կան շուրջ 100, իսկ զավիթում՝ 28 գերեզմաններ: Չինտուրահում հայեր չլինելու հետևանքով, այս եկեղեցում տարին միայն մի անգամ է պատարագ մատուցվում՝ Կալկաթայից այնտեղ ժամանած հավատացյալների համար:

Կալկաթայի առաջին հայկական եկեղեցին՝ ա. Հովհաննեսը, կառուցվել է 1707 թ.՝ դրանից առնվազն 80 տարի առաջ ձեռք բերված հայոց գերեզմանատան հողամասում, սակայն լինելով փայտաշեն, երկար կյանք չի ունեցել, և 1724 թ. նրա տեղում կառուցվել է մի նոր եկեղեցի, որն իր մեկենասի՝ մեծատուն Նազարի անունով վերանվանվել է Նազարեթի ա. եկեղեցի: Այդ գերեզմանատանը թաղված են ականավոր հասարակական գործիչ Հովսեփ Էմինը, քարեգործ Մասեհ Բաբաջանը, Աբգարյան, Աղաբեկյան, Չոհրապետ և այլ քազմաթիվ մեծատուն-գերդաստանների անդամները: Այնտեղ է գտնվում Կալկաթայի քրիստոնեական հնագույն գերեզմանը, որի տապանաքարը կրում է հետևյալ մակագրությունը. «Այս է տապան ողորմած հոգի Սուքիազի կողակից Ռոզաբիթի որ փոխեցաւ աշխարհէս ի կեանս յախտենից. թիվն 15 ճախա 21», այսինքն 11 հուլիսի 1630: Այս տապանաքարը հայտնաբերվել է 1894 թ. և երկար ժամանակ գտնվել է Կալկաթա քաղաքի պատմությունը ուսումնասիրող գիտնականների ուշադրության կենտրոնում:

Կալկաթայի ա. Գրիգոր Լուսավորիչ եկեղեցին կառուցվել է XX դարասկզբին, երբ քաղաքի ընդարձակվելու հետևանքով Նազարեթի անվան եկեղեցին մնացել է հալաքանկ թաղերից հեռու, ծայրամասում: Այս եկեղեցուն կից բարձրանում է ազգային ծեսանոցի եռհարկանի շենքը, որտեղ պատըս-

պարված ավելի քան երեսուն անօգնական ծերերի բոլոր ծախսերը ծածկվում են կեկեղեցապատկան կալվածների եկամուտներով:

Կալկաթայի և Չինտուրահի հայկական եկեղեցիները, նրանց կոսակված մեծագույն արանջարժ ու շարժուն գույքը գտնվում է Նազարեթի անվան ա. եկեղեցու վարչության տնօրինության ներքո: Վարչությունն ընտրվում է եկեղեցու ընդհանուր անդամական ժողովում՝ չորս տարվա համար: Ներկա վարչությունը բաղկացած է հետևյալ 11 անձերից. Կարո Մակ Ջոն (նախագահ), Լարի Մարտին և Պետեր Ա. Բազիլ (որդեններ կամ գործերի կառավարիչներ), Կարո Ա. Մարտին, Նեֆտուն Ա. Բազիլ, Ջոն Մարտին, Հայկ Ա. Սուքիաս, Մալկոյ Ն. Սուքիաս, Մարգար Ա. Մարգար, Մարտին Բազիլ, Ջոն Դ. Արաթուն, որոնք կալկաթահայ հասարակության լավագույն ներկայացուցիչներից են: Գործերի կառավարիչներն ընտրվում են վարչության նիստում՝ երկու տարով, և գլխավորում են եկեղեցու վարչատնտեսական ընթացիկ գործունեությունը:

Արևմտյան Հնդկաստանում առաջին հայկական եկեղեցին՝ ա. Մարիամ Անուվաճառի, կառուցվել է XVII դարի վերջերին Սուրաթում, որտեղ այն ժամանակ հաստատված էին զգալի թվով հայ մեծատուն վաճառականներ: 1778 թ. այդ եկեղեցին ի հիմանն վերակառուցվել է և կանգուն է մնացել մինչև XX դարի սկզբները: Սուրաթի հայկական գաղթօջախը վաղուց վերացել է, և այսօր նրա գերեզմանատունն ու մատուռը որպես պատմական հուշարձան դրվել են պետական համապատասխան գերատեսչության վերահսկողության ներքի, թեև համարվում են Բոմբեյի հայկական համայնքի սեփականությունը:

Բոմբեյի ա. Պետրոս եկեղեցին կառուցվել է 1796—1797 թթ. Սուրաթից այնտեղ տեղափոխված հայ մեծատուն Ժակոբ Պետրոսի նվիրաբերությամբ: 1956—1957 թթ. Բոմբեյի եկեղեցական վարչության որոշումով հնօրյա, արդեն խարխված ա. Պետրոսը քանդվել է և նրա տեղը կառուցվել է համանուն փոքրիկ, բայց շքեղ եկեղեցին, ինչպես նաև նրան առընթեր ութհարկանի արդիական «Արարատ» շենքը, որը բավական կարևոր եկամտի աղբյուր է: Ս. Պետրոս եկեղեցու ներկա վարչությունը բաղկացած է հետևյալ չորս անձերից. Ռոզա Բուզի (նախագահ), Հայկ Գալաթյան (տրորստի). Նվարդ Բարսեղյան-Մեհթա և Բժիշկ Արամ Եղիազարյան (որդեններ կամ գործերի կառավարիչներ): Հայաստանյալ եկեղեցու այդ զավակները հնարավոր ամեն

ինչ անում են, որպեսզի անկորուստ պահպանվի մարդ գաղթօջախի ունեցվածքը:

Հնդկաստանում գտնվելու առիթով, տ. Սիոն արքեպիսկոպոսը հանդիսավոր սուրբ պատարագ մատուցեց և քարոզեց Կալկաթայի, Բոմբեյի և Չինսուրահի եկեղեցիներում: Սուրբ Սեդակին սպասարկում էր հնդկահայոց երիտասարդ ու գործունյա հոգևոր հովիվը՝ Էջմիածնի ճեմարանի նախկին սան տ. Հակոբ քահանա Կյոքճյանը:

Հարավ-արևելյան Հնդկաստանի խոշորագույն քաղաք Մադրասի հայկական առաջին եկեղեցին կառուցվել է 1712 թ., սակայն այն քանդվել է 1780—1784 թվականների պատերազմական գործողությունների հետևանքով: 1772 թ. մադրասահայ վաճառականների առատաձեռնությամբ քաղաքի կենտրոնում կառուցվել է ս. Մարիամ Աստվածածին եկեղեցին և ձեռք են բերվել եկեղեցապատկան մեծագույն կալվածներ: 1863 թ., երբ արդեն մարել էր Մադրասի գաղթօջախը, Վազգեն Ա Սմեանյան Հայոց կաթողիկոսի կարգադրությամբ ս. Աստվածածինը և եկեղեցապատկան կալվածները դրվեցին Կալկաթայի Հայկական ընկերակցության (Արմինիըն ասոսյեյշն) տնօրինության ներքո:

Հայկական ընկերակցությունը կարևոր դեր է կատարում Կալկաթայի եկեղեցական, ազգային-հասարակական և կրթական-մշակութային կյանքում: Այն հիմնադրվել է 1860 թ., սակայն որոշ ժամանակ անց դադարել է գործելուց, 1922 թ. վերակազմվել է և այնուհետև անընդմեջ գոյատևել է մինչև այսօր, ծավալելով գնահատելի գործունեություն: Ընկերակցության նախագահը՝ քաղաքապետակ հասարակական գործիչ Նեֆտուն Բագիրը, նրա պատվո նախագահը՝ Ժրաջան Ժ. Դ. Արաթունը, և վարչության մյուս անդամները լծված են շինարար աշխատանքի, ձգտելով սատարել հնդկահայերի ազգապահպանման գործին: Ինչպես Կալկաթայի և Բոմբեյի եկեղեցական վարչությունների, այնպես էլ Հայկական ընկերակցության մշտական հոգատարության առարկա են Մարդասիրական ճեմարանը և Դավթյան օրիորդաց դպրոցը:

Հնդկահայ դպրության անմար օջախը՝ Կալկաթայի Մարդասիրական ճեմարանը, իր դռները բացել է 1821 թ. ապրիլի 2-ին Աստվածատուր Մուրադխանյանի, Մնացական Վարդանյանի և այլ քաղում երախտավորների տրամադրած միջոցներով: 1922 թ. հնդկահայ Դավիթ Դավթյանի բարերարությամբ շարք է մտել նաև մի նոր կրթական օջախ՝ Դավթյան դպրոցը, որը 1949 թվականից համարվում է ճեմարանի աղջկանց

բաժինը: Ներկայումս այդ կրթական օջախներում անվճար սովորում են շուրջ 150 գիշերօթիկ երկսեռ սաներ, հիմնականում Իրանի տարբեր շրջաններից եկած: Առանձնահատուկ կարևորություն է ընծայվում մայրենի լեզվի, հայոց գրականության, պատմության և Հայաստանի, ներառյալ Սովետական Հայաստանի աշխարհագրության դասավանդմանը:

Հնդկահայ մշակութային կյանքում գնահատելի աշխատանք են ծավալում Մարդասիրական ճեմարանի նախկին միությունը և նրա շուրջ համախմբված մտավորականներն ու հասարակական գործիչները: Հիմնականում Կարո Մարտինի, Հովհաննես Միքայելյանի, Զարեա Հունանյանի և այլոց ջանքերով վերականգնվեց ճեմարանի տպարանը, սակայն նրանց քաղական լայն հրատարակչական ծրագրի միայն մի մասը իրականացվեց. 1950—1956 թթ. հրատարակվեցին «Նոր Ազդարար» պարբերականը և մի քանի գրքեր: Ճեմարանի նախկին սաներից ոմանք և նրա միջավայրում հասունացած մի շարք մտավորականներ զգալի ավանդ են ներդրում հայ-հնդկական մշակութային կապերի զարգացման գործում: Դրանցից առանձնահատուկ հիշատակության արժանի է Հնդկաստանի կանանց ազգային կոնգրեսի նախկին նախագահ Աննա Բագիրը, որի գրչին է պատկանում «Հայկական գաղթօջախները Հնդկաստանում» անգլերեն ուշագրավ մեմագրությունը: Հայ և հնդիկ հասարակության կողմից գնահատված անգլիագիր հեղինակներ են նաև Եսայի Մարտինը, ճեմարանի դասախոս, պատմաբան Մարտին Բագիրը և ուրիշներ:


Հնդկահայ գաղթօջախների խիստ նութացած մնացորդացին սպառնում է ձուլման վտանգը: Մայրենի լեզվի տեղն աստիճանաբար գրավում է անգլերենը, հայկական քարքերն ու սովորույթները փոխարինվում են օտար ապրելակերպով: Բայց զարմանալիորեն կենսունակ է այն սերը, որով հնդկահայությունը կապված է մնում ս. Էջմիածնի և մայր հայրենիքի հետ: Եթե չլիներ օրինական հպարտության և ազգային արժանապատվության այն զգացումը, որ մայր հայրենիքի վերելքն ու ս. Էջմիածնի պայծառությունն անաջացնում են յուրաքանչյուր հնդկահայի մոտ, անկասկած վաղուց վերացած կլինեք հնդկահայությունը:


Հնդկահայերը վերին աստիճանի զգալուն են այն ամենի նկատմամբ, ինչ գալիս է ս. Էջմիածնից: Դրանով էր հիմնականում պայմանավորված փոխադարձ սիրո և հարգանքի այն մթնոլորտը, որ մշտապես տիրում էր եկեղեցական վարչությունների,

Հայկական ընկերակցության ներկայացուցիչների, Մարդասիրական նեմարանի հոգաբարձուների, հասարակական գործիչների, մտավորականների հետ Մայր Աթոռի պատվիրակների ունեցած խորհրդակցություններում և հանդիպումներում:

Հնդկահայությունը մինչև այժմ էլ երախտագիտությամբ է հիշում 1963 թվականի վերջերին Հայոց Հայրապետի հովվապետական այցելությունը Հնդկաստան, երբ հնդկահայ ողջ համայնքները ապրեցին զանազան քաղաքների մեջ ազգային հպարտության և հոգևոր ցնծության օրեր, շնորհաբեր ներկայությանը Նորին Սուրբ Օծության:

Այդ առումով քննադատական է մնալ այն, որ Մայր Աթոռի պատվիրակներին հնարավորություն տրվեց ելույթներ ունենալու հրապարակային միջոցառումներում, հանդեսներում: Նրանք ամենուր լսելի դարձրին ս. Էջմիածնի ձայնը, հաղորդելով Վեհափառ Հայրապետի օրհնություններն ու պատգամը՝ ուղղված հնդկահայերին, այն է՝ սիրեցեք և ձեր երազանքների խարխիւ դարձրեք վերածնված Մայր Հայաստանը, ամուր կառնեցեք հայոց հավատքի վեմ ս. Էջմիածնին, հավատարիմ քաղաքացիներ եղեք ձեր երկրորդ հայրենիքին՝ ասպնջական Հնդկաստանին:





ԵԿԵՂԵՑԱԿԱՆ ԲԵՄ. ԼՈՒՐԵՐ

Ապրիլի 1-ին, կիրակի.—Ձ կիրակի քառասնորդական Պահոց (Գալատեան).

Այսօր Մայր տաճարում, փակ խորանի վրա, ս. պատարագ է մատուցում տ. Մանուկ քհն. Մարգարյանը, և «Հայր մեր»-ից առաջ «Տուր մեզ Փրկիչ զողորմութիւն և զմեղացս զթողութիւն» (շարական) բնաբանով քարոզ է խոսում տ. Ավագ վրդ. Ասատուրյանը:

Ս. պատարագին մերկա էր Վեհափառ Հայրապետը:

..

Ապրիլի 4-ին, չորեքշաբթի.—Այսօր, Վեհափառ Հայրապետին և Մայր Աթոռին հրաժեշտ տալով, Տորոնտո (Կանադա) մեկնեցին Մայր Աթոռի միաբան տ. Արիս եպս. Ժիրվանյանը, դոկտ. Վարդան Այնաջյանը, պարոնաչք Պետրոս Մուշյանը և Արմեն Բլորքճյանը, որոնք ուխտավորաբար մեկ շաբաթ գտնվում էին Մայր Աթոռում և հայրենիքում:

..

Նույն օրը, երեկոյան ժամը 20.30-ին, Վեհարանում տեղի է ունենում միաբանական հերթական հավաքույթ:

Հավաքույթին մերկա էր Վեհափառ Հայրապետը:

..

Ապրիլի 8-ին, կիրակի. Մաղկազարդ.

Այսօր Մայր տաճարում, Ավագ խորանի վրա, ս. պատարագ է մատուցում տ. Գրիգորիս վրդ. Բունիաթյանը, որը «Հայր մեր»-ից առաջ քարոզում է «Զի որպէս փառական, որ եղանէ յարեւելից և երևի մինչև յարևմուտս, այնպէս եղիցի գալուստն Որդւոյ մարդոյ» (Մատթ. ԻԴ 27) բնաբանով:

Ս. պատարագին մերկա էր Վեհափառ Հայրապետը:

..

Նույն օրը, երեկոյան ժամը 17.30-ին, Մայր տաճարում տեղի է ունենում Դոնքացեքի ավանդական արարողություն՝ նախագահութեամբ լուսարարապետ տ. Հուսիկ արքեպ. Մանթուրյանի:

..

Ապրիլի 9-ին, երկուշաբթի.—Այսօր, երեկոյան ժամը 20.30-ին, հոգևոր ճեմարանի հանդիսութեանը դահլիճում տեղի է ունե-



նում դասախոսություն՝ առողջապահության վերաբերյալ: Ժամանակակից մի քանի հիվանդությունների մասին դասախոսում է Էջմիածին քաղաքի վաստակավոր բժշկուհի Թամարա Ավետիսյանը:

Վերջում հարգելի բժշկուհին պատասխանում է ուսանողների հարցերին:

..

Ապրիլի 11-ին, չորեքշաբթի.—Այսօր, երեկոյան ժամը 20.30-ին, Վեհաբանում տեղի է ունենում միաբանական հերթական հավաքույթ, որի ընթացքում տ. Գրիգորիս վրդ. Բունիաթյանը ներկայացնում է վերջերս ֆրանսերեն լեզվով լույս տեսած հայ կաթողիկե հոգևորական Կարապետ եպս. Ամատունու «Հայ եկեղեցին և կաթողիկոսությունը» գիրքը:

Վերջում հայր սուրբը պատասխանում է միաբանների հարցերին:

..

Ապրիլի 12-ին, հինգշաբթի.—Առաջ հինգշաբթի: Յիշատակ ընթերցաց Տեառն մերոյ Յիսուսի Քրիստոսի.

Այսօր Մայր տաճարում, Ավագ խորանի վրա, միջօրեի ա. պատարագ է մատուցում տ. Մոմիկ վրդ. Սարգսյանը:

..

Նույն օրը, երեկոյան ժամը 17-ին, Մայր տաճարում լուսարարապետ տ. Հուսիկ արքեպ. Սանթրոսյանը կատարում է Ունկվայի կարգը:

Ժամը 19-ին սկսվում է մեր Տիրոջ՝ Հիսուսի Քրիստոսի տոկվայի չարչարանաց և խաչելության հիշատակին նվիրված Ավագ ուրբաթի հսկման արարողությունը: «Փառքի բարձունք»-ից առաջ քարոզում է տ. Հուսիկ արքեպ. Սանթրոսյանը՝ խոսելով Հիսուսի մատուցության, խաչելության և հոգևոր փրկագործության նշանակության մասին:

..

Ապրիլի 13-ին, ուրբաթ.—Առաջ ուրբաթ.

Այսօր, երեկոյան ժամը 17-ին, Մայր տաճարում կատարվում է Թաղման կարգը և ապա Թափոր թաղմանն՝ հանդիսադրությամբ տ. Սիոն արքեպ. Մանուկյանի:

..

Ապրիլի 14-ին, շաբաթ.—Առաջ շաբաթ. մրագալոյց Զատիկ.

Այսօր, երեկոյան, Մայր տաճարում մրագալոյցի ա. պատարագ է մատուցում տ. Գարեգին արք. Ներսիսյանը:

Ա. պատարագին ներկա էր Վեհափառ Հայրապետը:

Ա. պատարագից առաջ հոգևոր ճանապարհի ուսանող սարկավագները ընթերցում են Դանիելի գիրքը: Հավարտ ա. պատարագի Վեհափառ Հայրապետի նախագահությամբ կատարվում է Զատիկի նախատոնակ: Այնուհետև Մայր Աթոռի միաբանությունը Վեհաբանում շնորհավորում է Նորին Սրբությանը Զատիկի նախատոնակի առթիվ:

Երեկոյան ժամը 20.30-ին Մայր Աթոռի միաբանական սեղանատանը տեղի է ունենում Նավակատիքի ավանդական ընթերիք:

..

Ապրիլի 15-ին, կիրակի.—Զատիկ: Յարութիւն Տեառն մերոյ Յիսուսի Քրիստոսի.

Այսօր Մայր տաճարում հանդիսավոր ա. պատարագ է մատուցում տ. Հուսիկ արքեպ. Սանթրոսյանը: «Հայր մեր»-ից առաջ քարոզում է Վեհափառ Հայրապետը:

Հայոց Հայրապետի գատկական քարոզը նույն օրը, երեկոյան ժամը 23-ին, ձայնաւիովում է Երևանի ուղիղով:

Հայոց Հայրապետի գատկական քարոզը հրատարակվել է «Էջմիածին» ամսագրի սույն համարում, էջ 3:

..

Նույն օրը, ժամը 14.30-ին, Վեհաբանի միաբանական սեղանատանը տրվում է ճաշկերույթ, որին ներկա էին Մայր Աթոռի ողջ միաբանությունը և այլ հրավիրյալներ:

..

Ապրիլի 16-ին, երկուշաբթի.—Յիշատակ մենեղոց.

Այսօր Մայր տաճարում ա. պատարագ է մատուցում տ. Եղիշե քհն. Բաղդամյանը:

Հավարտ ա. պատարագի կատարվում է հոգեհանգիստ «Վասն համօրէն մեջեցելոց»:

..

Ապրիլի 18-ին, չորեքշաբթի.—Այսօր, երեկոյան ժամը 20.30-ին, Վեհաբանում տեղի է ունենում միաբանական հերթական հավաքույթ:

Հավաքույթին ներկա էր Վեհափառ Հայրապետը:

Նույն օրը Բեյրութից ուխտավորաբար Մայր Աթոռ է ժամանում Մայր Աթոռի միաբան տ. Գնել եպս. Շեքերջյանը, որը, Մայր տաճարում իր ուխտը կատարելուց հետո, այցելում է Վեհափառ Հայրապետին:

Սրբազանին ընկերակցում էին Բեյրութի ծանոթ ազգայիններ տեր և տիկին Վահե Շեքերջյանները՝ որպես ուխտավոր:

Այս առթիվ պրն. Վահե Շեքերջյանը Վեհափառ Հայրապետին հանձնում է, որպես աջահամբույր, 10.000 դրամի մի գումար՝ ի պայծառություն Մայր Աթոռ ու Էջմիածնի:

Ապրիլի 19-ին, հինգշաբթի.—Այսօր, առավոտյան, հոգևոր ճեմարանի ուսանողները մեկօրյա շրջապատույտի մեկնեցին ու Գեղարդ և Գառնի պատմական վայրերը:

Ապրիլի 20-ին, ուրբաթ.—Այսօր, տասնօրյա զատակական արձակուրդից հետո, հոգևոր ճեմարանում վերականգնեցին դասավանդությունները:

Ապրիլի 22-ին, կիրակի.—Կրկնազատիկ (Նոր կիրակի).

Այսօր Մայր տաճարում, Ավագ սեղանի վրա, ու պատարագ է մատուցում տ. Սիոն արքեպ. Մանուկյանը և «Հայր մեր»-ից առաջ քարոզում «Ես իսկ եմ յարութիւն և կեանք, որ հաւատայ յիս, թէպէտ և մեռանի՝ կեցցե՛ (Յովհ. ԺԱ 25) քնաքանով:

Ս. պատարագին ներկա էր Վեհափառ Հայրապետը:

Նույն օրը, ժամը 14.30-ին, Վեհափառ սեղանատանը կազմակերպվել էր ընդունելություն, որին ներկա էին տ. Սիոն, տ. Հուսիկ, տ. Գնել սրբազանները, Լոնդոնի ու Պետրոս եկեղեցու համայնքային եկեղեցական վարչության անդամներ պրն. Հարություն Այվազյանը և պրն. Տիրան Ուզունյանը, որոնք ուխտավորաբար գտնվում էին Մայր Աթոռում, ինչպես նաև Բեյրութից տեր և տիկին Շեքերջյանները:

Ընդունելության ժամանակ Վեհափառ Հայրապետը ողջունեց ներկայությունը Գնել սրբազանի, լոնդոնահայ պարոնաք Հարություն Այվազյանի և Տիրան Ուզունյանի:

Այս առթիվ Հայոց Հայրապետը, իր օրհնությունը բաշխելով տեր և տիկին Շեքերջյաններին, պրն. Վահե Շեքերջյանի կուրծքը զարդարեց ու Գրիգոր Լուսավորչի Ա կարգի ականակոտ շքանշանով, որպես Մայր Աթոռի երիտասարդ քարերարի:

Ապրիլի 24-ին, երեքշաբթի.—Յիշատակ քիլիսառը մահատակացն մերոց, որք կատարեցան յնթացս Համաշխարհային առաջին պատերազմի:

Այսօր, առավոտյան ժամը 10.30-ին, Վեհափառ Հայրապետը, ի գլուխ Մայր Աթոռի միաբանության, քարձրացավ Ծիծեռնակաբերդ՝ «Հոգւոց» արտասանելու Ապրիլյան եղեռնի քյուրավոր հայ մահատակաց խընկելի հիշատակին, այնուհետև գեղեցիկ ծաղկեպսակ դրեց հուշարձանի առաջ:

Այս առթիվ Հայոց Հայրապետին ընկերակցում էր նաև Հայկական ՍՍՀ Միմիստըրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասարայանը:

Նույն օրը, ժամը 11-ին, Մայր տաճարում ու պատարագ է մատուցում տ. Գրիգորիս վրդ. Բունիաթյանը, որը «Հայր մեր»-ից առաջ քարոզում է «Եթե ոչ հատն ցորենու անկեալ յերկիր մեռանիցի, ինքն միայն կայ, ապա եթե մեռանիցի, քազում արդիւնս առնէ» (Յովհ. ԺԲ 24) քնաքանով:

Հավարտ ու պատարագի Մայր տաճարի հյուսիսային կողմում կանգնեցված Եղեռնի հուշարձանի առջև, Վեհափառ Հայրապետի նախագահությամբ, կատարվում է հոգեհանգստյան պաշտոն:

Ժամը 15-ին հոգևոր ճեմարանի ուսանողությունը, ծաղիկներ ձեռքներին, քազմահազար ուխտավորների հետ, քարձրանում է Ծիծեռնակաբերդ՝ խոնարհվելու մահատակաց հուշարձանի առաջ:

Ապրիլի 25-ին, չորեքշաբթի.—Այսօր, երեկոյան ժամը 20.30-ին, Վեհափառ տեղի է ունենում միաբանական հերթական հավաքույթ, որի ընթացքում Վեհափառ Հայրապետը խոսում է դարասկզբի հայոց մեծ Եղեռնի և ներկա հայոց հայրենի վերածննդի մասին: Ոգեկոչելով Ապրիլյան եղեռնի մահատակների հիշատակը, Հայոց Հայրապետը զջեց, որ այսօրվա մեր վերա-

ծնված մայր հայրենիքը գեղեցկագույն հուշարձանն է մեր նահատակներին՝ հայրենական վերածննդի այս խոստումնալից օրերին:

* *

Ապրիլի 29-ին, կիրակի.—Աշխարհամատրան (Կանաչ կիրակի).

Այսօր Մայր տաճարում ս. պատարագ է մատուցում տ. Մանուկ քեն. Մարգարմանը:

«Հայր մեր»-ից առաջ «Ուղիղ եղիցին առօթք մեր, որպէս խունկ առաջի քո Տէր (Սաղմոս) քնաքանով քարոզ է խոսում Վեհափառ Հայրապետը:

Հաւարտ ս. պատարագի Հարավային Ա. մերիկայի հայրապետական պատվիրակ և Արգենտինայի հայոց առաջնորդ հանգույշալ տ. Բարգեն արքեպ. Ապատոյանի մասնական տարեկիցի արթիվ կատարվում է հոգեհանգիստ՝ նախագահությամբ Վեհափառ Հայրապետի:



ԱՅՑԵԼՈՒԹՅՈՒՆ ԻՐԱՔԻ ՀԱՅՈՑ ՏԻՐԱԽՆԱՄ ԹԵՄԻՆ

Ամենայն Հայոց Հայրապետի բարեհաճ կարգադրությամբ և Իրաքի հայոց Ազգային կենտրոնական վարչության հրավերով, ապրիլի 5-ին հովվական այցելությամբ Իրաք մեկնեց Մայր Աթոռի դիվանապետ տ. Արսեն եպ. Բերբերյանը՝ Զատիկի տոնի առթիվ տանելով Հայոց Հայրապետի ողջույններն ու օրհնությունները և նախագահելու զատկական եկեղեցական հանդիսություններին:

Տ. Արսեն սրբազանի հետ մույն օրը Բաղդադ մեկնեց նաև Մայր Աթոռի միաբան և Իրաքի հայոց թեմի մորընտիր առաջնորդական տեղապահ տ. Ավագ վրդ. Ասատուրյանը:

Բարձրաստիճան հյուրերին Բաղդադի օդանավակայանում դիմավորում են Ազգային կենտրոնական վարչության անդամները՝ գլխավորությամբ վարչության նախագահ դոկտ. Հասրաթ Միքայելյանի, քահանայից դասը և համայնքի զանազան կազմակերպությունների ներկայացուցիչներ:

Սրբազանը և տ. Ավագ վարդապետը առաջնորդվում են Բաղդադի հայոց ս. Գրիգոր Լուսավորիչ եկեղեցի: «Հրաշափառ»-ով եկեղեցի մուտք գործելուց հետո տ. Արսեն եպիսկոպոսը հաղորդում է Հայոց Հայրապետի ողջույնն ու օրհնությունը ներկա հավատացյալներին:

Ապրիլի 6-ին ս. պատարագ է մատուցվում Բաղդադի հայոց ս. Գրիգոր Լուսավորիչ եկեղեցում, և ապա առաջնորդարանի դահլիճում տեղի է ունենում ընդունելություն՝ ի պատիվ Մայր Աթոռից ժամանած հյուրերի:

Ժամը 12-ին առաջնորդարանի դահլիճում գումարվում է Իրաքի Ազգային կենտրոնական վարչության նիստը, որտեղ տ. Արսեն եպիսկոպոսը ժողովականներին է ներկայացնում Իրաքի հայոց մորընտիր տ. Ավագ վրդ. Ասատուրյանին:

Հատենի ժողովո ընթերցվում է հոտնկայա Հայոց Հայրապետի նամակը, որով հաղորդվում էր տ. Ավագ վարդապետի՝ Իրաքի հայոց առաջնորդական տեղապահի պաշտոնը ստանձնելու մասին:

Ապրիլի 7-ին, շաբաթ օրը, տ. Արսեն սրբազանը, ողեկցությամբ Ազգային կենտրոնական վարչության նախագահ դոկտ. Հասրաթ Միքայելյանի, այցելում է Բասրայի հայոց եկեղեցի և կիրակի, Ծաղկազարդի օրը, ս. պատարագի մատուցմամբ և Բանին կենաց քարոզությամբ մխիթարում տեղի հայ հավատացյալներին:

Ապրիլի 10-ին, երեքշաբթի օրը, տ. Արսեն եպիսկոպոսը, ողեկցությամբ դոկտ. Հասրաթ Միքայելյանի, տ. Ավագ վարդապետի, տ. Օշական քահանայի այցելում է Մուսուլ և Զախո:

Մուսուլում մույն օրը, երեկոյան, տ. Արսեն եպիսկոպոսը, ողջունելով եկեղեցում հավաքված հավատացյալներին, հաղորդում է Հայոց Հայրապետի ողջույններն ու օրհնությունները:

Ապրիլի 11-ին, չորեքշաբթի օրը, տ. Արսեն եպիսկոպոսը այցելում է Զախոյի հայ համայնք, որի անդամները քրդախոս են, բայց ջերմ հավատացյալներ և հայրենասերներ: Այդ օրը տոն էր Զախոյի բովանդակ հայրենակարոտ հայության համար, հայություն, որը իր որդիական անկեղծ սերն էր հայտնում Մայր Աթոռին և Հայոց արժանընտիր Հայրապետին, որ չի մոռացել հեռավոր Իր զավակներին և Իր ներկայացուցչի միջոցով ս. Էջմիածնից ուղարկել Իր սիրո և օրհնության խոսքը:

Տ. Արսեն սրբազանը և նրան ողեկցող անձինք Մուսուլ և Զախո կատարած իրենց այցելությունից վերադարձան Բաղդադ մեծ ոգևորությամբ և լավագույն տպավորություններով:

Ապրիլի 12-ին, Ավագ հինգշաբթի: Տ.

Արսեն եպիսկոպոսը Բաղդադի հայոց ա. Գրիգոր Լուսավորչի եկեղեցում նախագահում է «Ռոմլուայի» և ապա «Խաւարման» հանդիսավոր արարողություններին և քարոզում «Տէր, թող դոցա, զի ոչ գիտեն զինչ գործեն» բնաբանով:

Ապրիլի 13-ին, ուրբաթ օրը, ժամը 17-ին, տ. Արսեն եպիսկոպոսը հանդիպում է ունենում Բաղդադի հայոց ՀԲԸ միության ղեկավարների և անդամների հետ:

դադ կատարած հովվապետական օրհնաքեր այցելության ուրախ առիթով, արժանացել էին ա. Գրիգոր Լուսավորչի Ա կարգի ադամանդակաւ շքանշանների՝ հայ համայնքի ծոցում իրենց կատարած շնորհակալ եկեղեցանքեր և հասարակական գործունեության համար:

Ապրիլի 15-ին, Չատիկ. Քրիստոսի ա. Հարության հրաշափառ տոնը: Այս մեծ տոնի առթիվ տ. Արսեն եպիսկոպոսը հանդի-



Տ. Արսեն սրբազանը, տ. Ավագ վարդապետը Չատիկում, մի խումբ հավատացյալների հետ

Նույն երեկոյան, ավելի ուշ, սրբազանը հյուրն է լինում Բաղդադի Հայ երկսեռ երիտասարդաց միության ղեկավարության և անդամների:

Ապրիլի 14-ին, Ծրագալույց ա. Չատիկ: Օրվա տոնի առթիվ իր անդրանիկ պատարագն է մատուցում, որպես Իրաքի հայոց թեմի առաջնորդական տեղապահ, տ. Ավագ վրդ. Ասատուրյանը:

Հավարտ ա. պատարագի Բաղդադի հայոց Ազգային ծերանոցի մեջ, ի պատիվ սրբազանի և տ. Ավագ վարդապետի, կազմակերպվում է ընդունելություն: Այս առթիվ տ. Արսեն սրբազանը հանդիսավորապես Ամենայն Հայոց Հայրապետի կոնդակներն է հանձնում դուրս. Հասարակ Միքայելյանին և Բաղդադի հայոց ՀԲԸ միության փոխատենապետ տիար Աբրահամ Ծահինյանին, որոնք մեկ տարի առաջ, 1978 թվականի հունվար ամսին Նորին Սրբության Բաղ-

ավոր ա. պատարագ է մատուցում ա. Գրիգոր Լուսավորչի եկեղեցում և «մահումս զմահ կոխեաց» հանձն կենաց քարոզով մխիթարում ներկա հավատացյալներին:

Բաղդադում գտնված օրերին տ. Արսեն եպիսկոպոսը և տ. Ավագ վարդապետը ընդունում են այցելությունը Բաղդադի կաթողիկե հայոց առաջնորդ տ. Հովհաննես արքեպ. Գասպարյանի և ապա փոխադարձում այդ այցելությունը:

Ապրիլի 16-ին տ. Արսեն եպիսկոպոսը վերադառնում է Մայր Աթոռ՝ իր հետ քերելով Իրաքի բովանդակ հայության, Ազգային կենտրոնական վարչության, քահանայից դասի, բոլոր կազմակերպությունների որդիական երախտագիտությունն ու հավատարմությունը դեպի Մայր Աթոռ ա. Էջմիածին և դեպի նրա արժանավոր Գահակալը:

ՎԵՆԱՐԱՆՈՒՄ



«Ս. ՆԵՐՍԵՍ ԾՆՈՐՀԱԼԻ» ԾՔԱՆԾԱՆԻ ՏՎԶՈՒԹՅԱՆ ՀԱՆԴԻՍՈՒԹՅՈՒՆ ՄԱՅՐ ԱԹՈՌՈՒՄ

Սույն թվականի մարտի 7-ին, չորեքշաբթի օրը, ժամը 14-ին, Վեհաբանում Հայոց Հայրապետը բարեհաճեց «Ս. Ներսես Ծնորհալի» շքանշան հանձնել Երևանի սուրբ Հովհաննես եկեղեցու եկեղեցական խորհրդի նախագահ Գևորգ Համալյանին՝ ի գնահատություն նրա երկար տարիների եկեղեցական վեր աշխատանքի:

Հանդիսությանը ներկա էին Գերագույն հոգևոր խորհրդի ատենապետ տ. Սիոն արքեպ. Մանուկյանը, Արարատյան թեմի առաջնորդական փոխանորդ և Գերագույն հոգևոր խորհրդի անդամ տ. Կոմիտաս արքեպ. Տեր-Ստեփանյանը, այդ օրերին ուխտավորաբար Մայր Աթոռում գտնվող ԱՄՆ-ի հայոց արևելյան թեմի առաջնորդ տ. Թորգոմ արքեպ. Մանուկյանը, ինչպես նաև Արարատյան թեմի թեմական և եկեղեցական խորհուրդների անդամներ, քահանա հայրեր և այլ հրավիրյալներ:

Տ. Կոմիտաս արքեպետը Հայոց Հայրապետին ներկայացրեց պատվարժան հյուրերին և նշեց օրվա հանդիսության նպատակը:

Այնուհետև խոսք առավ Նորին Սուրբ Օծությունը, ողջունեց բոլոր ներկաներին և հայրապետական Իր բարձր գնահատությանն ու օրհնությանը արժանացրեց ս. Հովհաննես եկեղեցու եկեղեցական խորհրդի նախագահ Գևորգ Համալյանի բազմամյա եկեղեցական և անձնվեր ծառայությունները և, բոլոր ներկաների ծափող-

ջույնների ներքո, նրա կուրծքը զարդարեց «Ս. Ներսես Ծնորհալի» շքանշանով:

Ապա Վեհափառ Հայրապետին ողջյալ որդիական երախտագիտության և շնորհակալության ջերմ խոսքով հանդես եկավ Գևորգ Համալյանը:

Սույն հանդիսության ժամանակ, հանուն Երևանի ս. Հովհաննես եկեղեցու եկեղեցական խորհրդի, հետևյալ արտառույ ողերձն ընթերցեց նույն խորհրդի անդամ Էդվարդ Ցիցիկյանը.

«Ձերդ Սրբություն,

Այս բարեպատեհ առիթից օգտվելով՝ կփութամ նախ մեր սիրո և շնորհակալության խոսքն ողջել Ձերդ Սրբությանը, որ մեզ արժանացրեց Ձեր կողմից բարձր գնահատված այս հանդիպման բացառիկ պատվին:

Այնուհետև թող մեզ թույլ տրվի մեր երախտագիտական խոր զգացմունքը արտահայտել Ձերդ Սրբությանը, որ բարեհաճել էիք Ձեր սրբատառ կոնդակով ավագության կոչում շնորհել ս. Հովհաննես եկեղեցու հոգևոր հովիվ արժանապատիվ տ. Նշան քահանա Հանելանին՝ միջնորդությամբ Արարատյան հայրապետական թեմի առաջնորդական փոխանորդ տ. Կոմիտաս արքեպետ-կոպոս Տեր-Ստեփանյանի:

Նույնպես Խորհուրդիս մեծ գոհունակություն պատճառեց մեր մեծահարգ նախագահ պարոն Գևորգ Համալյանին «Սուրբ Ներսես Ծնորհալի» շքանշանով պարգե-

վատրելը Ձերդ Սրբության մաղթանքներով և հայրական օրհնություններով շարադրված կոնդակով:

Ձերդ Սրբություն, համոզված եղեք, որ ստաքինազարդ Հայրապետի Ձեր կերպարը հանդիսանում է մեր բոլորիս սրտերի քաքախմբան կարգավորիչը, քանի որ մեծ է Ձեր հմայքը ոչ միայն հայ ժողովրդի գավակների վրա, այլ նաև համայն աշխարհի քրիստոնյա եկեղեցիների հոգևոր պետերի և պետությունների քաղաքական ղեկավարների վրա:


Ուրախալի է արձանագրել, որ դարերի ընթացքում տրորված Հայաստանյայց եկեղեցին, պատռելով իրեն շրջապատող երբեմնի խավարի քողը, Ձերդ Սրբության օրով ապրում է իր լուսավոր վերածնունդը՝ եղբայրական սիրո ամուր կապերով զոդված Ռուս պրավոսլավ եկեղեցու հետ, Քրիստոսի սիրո մեջ, և այդ փաստը գալիս է մի անգամ ևս հաստատելու այն ճշմարտությունը, որ Հայաստանյայց եկեղեցին եղել է և լինելու է ոչ միայն մեր ժողովրդի հավատքի և հույսի չցամաքող ակունքը, այլ նաև մեր ազգային ինքնության անսաս-


տան պատվանդանը, իր եռամեծ սուրբ Հայրապետների ազգանվեր շինարար գործերով, որոնց արժանավոր հաջորդներից մեկն է նաև Ձերդ Սուրբ Օծությունը՝ խաղաղության և ազգերի եղբայրության անվեհեր մարտիկը:

Թույլ տվեք ինձ, Ձերդ Սրբություն, մաղթել Ձեզ քաջատոկություն և անսպառ եռանդ, որպեսզի տակավին երկա՞ր ու երկա՞ր տարիներ կարողանաք հաջողությամբ կյանքի կոչել Ձեր եկեղեցաշեն բոլոր ծրագրերը:

Ձերդ Սրբության գավազանը, իբրև Մովսեսի հրաշագործ գավազան, թող առաջնորդի ու պահի հայ ժողովրդին, իսկ Քրիստոսի վերջին շնչով օծված և Աստվածամոր արտասուքներով ողողված սուրբ խաչը, որ պատկերված է Ձերդ Սրբության վեղարի վրա, թող դառնա աշխարհի բոլոր ժողովուրդների միջև հույսի, սիրո և խաղաղության վսեմ խորհրդանշան:

«Ս. Ներսես Ծնորհալի» շքանշանի հանձնման հանդիսությունն ավարտվեց Հայոց Հայրապետի «Պահպանիչ»-ով և օրհնությամբ:





ԱՅՑ ՍԻՆԳԱՊՈՒՐԻ ՀԱՅՈՑ Ս. ԳՐԻԳՈՐ ԼՈՒՍԱՎՈՐԻՉ ԵԿԵՂԵՑԻ

Մայր Աթոռիս միաբան և Ֆրանսիայի Նիցցա քաղաքի և շրջակայքի հայոց հոգևոր հովիվ տ. Տարոն Ծ. վրդ. Մերեճյանը 1978 թվականի սեպտեմբերի 16—18 օրերին իբրև զբոսաշրջիկ այցելել է Սինգապուր քաղաք:

Ներշնչված՝ ժամանակին աշխույժ մի հայ գաղութ հյուրընկալած, այդ գեղեցիկ քաղաքի հուշերի մեջ տակավին վերապրող հայկականության խորհրդավոր զգայականությամբ, հայ սուրբը ամսագրիս խմբագրությանն է ուղարկել սրտատույժ մի թղթակցություն:

Թղթակցությունը ենթավերնագրված է «Այց Սինգապուրի հայոց ս. Գրիգոր Լուսավորիչ եկեղեցին», որը կազմում է Տարոն Ծ. վարդապետի «Ծանապարհորդական հուշեր» գործի մի գլուխը:

Տ. Տարոն Ծ. վարդապետը նախ համառոտակիորեն ներկայացնում է Արարատյան դաշտից 1804 թվականին պարսից Ծախ-Աբաս արքայի կողմից դեպի Պորսկաստան բռնի կերպով տեղահանված հոծ մի հայ զանգվածի պատմականը, զանգված, որի մի կարևոր մասն էլ տարածվելով հասնում է մինչև Ծայրագույն Արևելք:

Ուր որ հասնում են հայերի այս խմբերը, կազմավորվում են իբրև եկեղեցական համայնքներ, աշխույժ մասնակցություն են քերում տվյալ երկրների տնտեսական-մշակութային կյանքին, ապա, դարերի ընթացքում զանազան պատճառներով անհետանալով այդ երկրների ընկերային կյանքի հրապարակից, իրենց աշխատասիրության, ստեղծագործ ոգու, շինարարական տաղանդի հետքերն են թողնում այնտեղ: Դրանցից են տակավին տասնյակներով այդ հեռավոր երկրներում կանգուն մնացած եկեղե-

ցիներ, դպրոցներ, տպարաններ, վաճառատներ, բնակելի տներ, հայկական անուններով փողոցներ և... գերեզմանոցներ:

Տ. Տարոն Ծ. վարդապետը իր հուշերի մեջ կենտրոնանում է Սինգապուր քաղաքի վրա, համառոտակի անդրադառնում քաղաքի հիմնադրության պատմությանը և նրա արագ աճին, հայերի՝ այնտեղ հաստատվելուն և 1830 թվականին եկեղեցի և դպրոց բացելու աշխատանքներին:

Նշելով, որ 1835 թվականին է կառուցված քաղաքի ամենահին՝ ս. Գրիգոր Լուսավորիչ եկեղեցին, որը պետության կողմից պահպանվում է իբրև պատմական հուշարձան, և որին ինքը այցի է եկել ուխտավորաբար, հայր սուրբը կատարում է գեղեցիկ մտորումներ և խորհրդածություններ:

Նա խոսքի է նստում եկեղեցու պահպանության տակ հանդարտորեն մեջոդ հայ հոգիների հետ. «Ներե ուխտավորիս, եղբայր հավիտենական, եթե վրդովեցի քեզ՝ դարերու խաղաղությանդ մեջ: Այսօր քեզի այցի կուգամ ամպերու վրայով: Թող վեր հառնե քու հոգին այժմ և զգենու մարմին, ինչպես երբեմն էիր, միասին նստելու համար անգամ մը ևս մեր նախնաց ուխտավորի սեղանին շուրջ՝ ծաղապատիկ, խրախճանք արբեցողներու միմե, աղոթելու և երգելու փառքն անցյալի քու նախնիներու, որոնք այլևս հավիտենականության են հանձնված»:

Այնուհետև հայր սուրբը մանրամասնորեն ներկայացնում է եկեղեցու արտաքին և ներքին պատկերը:

Տ. Տարոն վարդապետի առաջին մտածումն է լինում, իբրև հոգևորական, տասնյակ տարիներով մայրենի լեզվով աղոթքից զրկված և նրա կարոտը զգացող եկե-

դեցու մեջ ու պատարագ մատուցել և կատարել հոգեհանգիստ Սինգապուրի հայ անջեցյալների հոգիների համար:

Մեպտեմբերի 17-ին Սինգապուրի հայոց ս. Գրիգոր Լուսավորիչ եկեղեցում տ. Տարոն ծ. վրդ. Մերենյանի մատուցմամբ կատարվում է ս. պատարագ: Ահա թե ինչ է զգացել և ապրել հայր սուրբը պատարագ մատուցելիս.

«Ինձի կթվա, որ հավատացելոց բազմություն մը ուրախության աղաղակներով տարված, հափշտակված դարերու հեռավորությունեն դեպի ինձի կվազե»:

Կանցնիմ բարեպաշտորեն անոնց ընդմեջեն՝ օրհնելով զանոնք, ինչպես պատարագիչ հայրը կընե հանդիսավոր առիթներով:

Եկեղեցիին դուռը բաց է, և լույսերը կարտահայտեն տոնական օրվան մը պայծառությունը:

«Ըսորհուրդ խորին»,—ամեն բան պատրաստ է՝ մատուցելու ս. պատարագ: Ո՛ր ես, «հօտ փոքրիկ»: Նստարանները դատարկ են: «Տխրություն խորին»: Եվ կաթիլ մը արցունք ոլորապտույտ կգրասաշրջկի, կարծես անեկակերպ հոսանք մը, կծորիցած աչքերես: Ի՞նչ դառն իրականություն, որուն ենթակա է ուշ կամ կանուխ յուրաքանչյուր հայ գաղութ: Հայաստի՛ր... Մահաստի՛ր, քանզի ապրեցա հոռետեսությունը՝ քլլալով հանդերձ միշտ լավատես մը:

Հոգիս կվկայե.

«Զիք փրկություն արտաքո մայր հայրենիքն»:


Հայր Տարոնը իրավացի է իր եզրահանգման մեջ: Վաղ թե ուշ այդ է ապագան մայրենի հողից կտրված հայ բեկորների: Լավագույն պարագային այսօր տակավին կենսունակության երևույթ ունեցող մեր գաղութների համար, ինչպես սինգապուրցի տաքսու վարորդը, տեղաբնակները պիտի ասեն՝ ցույց տալով հայերից մնացած հետքերը.

«Փսոքի կոթողացած արտահայտությունն է ասիկա ձեր ազգին, որու զավակները կանգնեցուցին իրենց հավիտենական երթի ճանապարհին՝ հեռու իրենց մայր հողեն: Դժբախտաբար չեմ ճանչնար հայը, սակայն այս կատուցը կցույցնե շինարար ու ստեղծագործ ժողովուրդի մը բարձր տաղանդը»:

Սակայն որքան էլ տխուր հնչեն այս տողերը, որքան էլ հոռետես կերպարանքի տակ ներկայանա այս կանխագուշակությունը, «Էջմիածին» ամսագրի խմբագրությունը կանգնած է այն գիտակից հոգևորականների կողքին սփյուտքում, որոնք Տարոն ծ. վարդապետի պես, անձնվիրաբար հոսանքին դեմ թիավարելով, խաչ ի ձեռին ծառայում են մեր ս. եկեղեցուն և ժողովուրդին:

Հայ եկեղեցին պետք ունի միայն հավատավոր հոգևոր սպասավորների:

ԳՐԻԳՈՐԻՍ ՎՐԴ. ԲՈՒՆԻԱԹՅԱՆ



ԱՍՏՎԱԾԱԾՆՁԱԿԱՆ ՍՈՒՐԲԵՐ*

10. ՀԱԿՈՐ

Հակոբ որդին էր Իսահակի և անմիջական նախահայրը Իսրայելի տասներկու ցեղերուն: Ծննդոց Գրքի գրեթե կեսը հատկացված է ներկայացնելու Հակոբ նահապետի և իր զավակներուն արկածալից կյանքը և կրոնական փորձառությունները (Ծննդ. ԻԵ 19—Ծ գլուխները): Իր կանուխ երիտասարդության նախ գնեց իր եղբորմեն անոր անդրանկության իրավունքը աման մը թանապուրի փոխարեն և ապա ստացավ անդրանիկ զավակի վերաբերյալ հորենական օրհնությունը, այս անգամ իր մորը խորամանկությամբ: Բայց վճարեց այս անիրավությանց համար կյանքի նեղություններով: Նախ փախավ եղբոր բարկությունեն Խառան իր մոր ազգականներուն քով: Բառն տարի չարաչար ծառայություն ըրավ այնտեղ հարստացնելով թե՛ իր մորեղբայրը և թե ինքզինքը: Ամուսնացավ իր մորեղբոր երկու աղջիկներուն հետ և անոնցմե ու անոց զույգ աղայիկներեն ունեցավ 12 մանչ զավակ, որոնք կազմեցին Իսրայելի ժողովուրդին տասներկու ցեղերուն նահապետները: Վերադարձավ իր երկիրը և երկար տարիներ ապրեցավ այնտեղ: Ծերության տարիքին իջավ Եգիպտոս, ամբողջ իր ցեղով և այնտեղ վախճանեցավ. բայց իր մարմինը թերվեցավ ու թաղվեցավ Քեբրոն իր հայրերու գերեզմանը:

* Ծարունակված «Էջմիածին» ամսագրի 1977 թվականի № 11 է—ԺԱ-ից, 1978 թվականի № 11 Ա—Գ-ից և 1979 թվականի № 1-ից:

Հակոբ ճարպիկ, խորագետ, աշխատանք և եսակեդրոն անձ մըն էր, որ շարունակ իր շահը կհետապնդեր, ատոր համար ալ հաջողություններու զուգահեռ ընթացան նաև նեղությունները իր կյանքին մեջ:

Հատկապես Խառանեն իր երկիրը վերադարձի ճամբուն վրա, երբ պետք եղավ իր եղբոր հետ երես երեսի գալ, զգաց որ ներքին նեղության մը մատնված էր. «Զահի հարաՅակոբ և տարակուսեալ էր» (Ծննդ. ԼԲ 7): Իր եղբոր դեմ ի գործ դրած անիրավությունը ուժգնորեն խոտվեց և խոնարհեցուց զայն. ու ըսել տվավ իրեն. «Ով իմ հորս Աբրահամի և Իսահակի Աստված, ով Տեր, դուն ըսիր ինձի որ դառնամ իմ ծննդան երկիրս, և խոստացար օգնական ըլլալ ինձի. ես արժանի չեմ փոքրագույնին այն գթության և հավատարմության, որ ցույց տվիր քու ծառայիդ հանդեպ. որովհետև լոկ ճամբորդական զավագանով մը անցա այս Հորդանան գետը, և ահավասիկ կվերադառնամ երկու բանակի վերածված: Ազատե զիս եղբորս ձեռքեն, որովհետև կզարհուրիմ անկե...» (Ծննդ. ԼԲ 9—12): «Երկու բանակով» շատ ալ վախճալու պատճառ չունեի Հակոբ, բայց իր վատահայտությունը ամուր չէր Աստուծո վրա, քանի որ խիղճը արատավոր էր: Այս կետին խորհրդավոր դեպք մը տեղի կունենա Հակոբի կյանքին մեջ:

Հակոբ իր ամբողջ ունեցածը և ընտանիքը անցուցած է գետին մյուս կողմը. բայց ինքը կմնա դեռ գետին այս կողմը: Գիշեր է և միս միմակ. հավանաբար ինքզինքը

աղոթքի և մտածականի տվյալ Հակոբ երբ կգտնվեր իր կյանքի կարևորագույն հանգրվանին վրա, ուր իրեն համար լինելու չլինելու հարց մըն ալ գոյություն ուներ: «Ու մարտնչեցալ մարդ մը անոր հետ մինչև առավոտ»: Հակոբին հետ մարտնչողը իրականին մեջ իր խղճմտանքն էր. Աստուծո արդարությունն է որ մարդու կերպարանք առած իր դեմ կմաքառեր՝ մեկ կողմեն անցյալին իր գործած անիրավությանց համար, մյուս կողմեն ազատագրելու համար զայն իր խորամանկությունն և եասիրութենն: Հակոբ ծանրագույն մեղքեր չէր գործած. ոչ մարդ սպաննած էր և ոչ ալ՝ շնություն ըրած. բայց եասիրական նկատումներով խաբած էր իր եղբայրը, իր հայրը և իր աներհայրը. այժմ հարստացած և մեծատուն ցեղապետ մը եղած կվերադառնար. սակայն Հակոբ կզգար որ ներքնապես աղքատացած էր: Աստված իր խոստումին հավատարիմ եղած էր. օրհնած էր զինքը և պաշտպանած. բայց Հակոբ հավատարիմ չէր եղած Աստուծո. «Իր ներկայության» չէր քալած, ոչ ալ «Անարատ» եղած էր: Երբ ան այլևս իր երկիրը կվերադառնար շարունակելու և իրագործելու համար Աստուծո ծրագիրը՝ ընտրյալ ժողովուրդ մը կազմելու՝ Աստված կուզեր որ Հակոբ ուղիեր իր սիրտը և իրեն հետ քալեր, արժանանալու համար ընտրյալ ժողովուրդի մը հայր ըլլալու առանձնաշնորհին:

Քիչ չէ թիվը մարդոց, որոնք Հակոբին պես ոչինչով կսկսին կյանքը և իրենց ուշիմությամբ և աշխատասիրությամբ մեծ հարստության և դիրքի կտիրանան, որուն մեջ միշտ հաշվի պետք է առնվի Աստուծո օգնությունը և օրհնությունը: Ծառեր չեն կրնար տեսնել ասիկա. Հակոբ տեսավ և ըսավ. «Արժանի չեմ փոքրագույնին այն գթության և հավատարմության որ ցույց տվիր ծառայիդ հանդեպ»: Թե՛ եղբոր քարկությունը իջեցնելու նպատակալ՝ և թե՛ հասուցում ընելու դիտավորությամբ, իր հարստության կարևոր մեկ բաժինը իր եղբոր դրկեց սուջեն: Սակայն Հակոբ կզգար որ այդ նվերները բավական չէին ջնջելու խաբեության խարանը, որ իր խղճին վրա զարնված կմնար: Ուստի ունեցավ այն խորհրդավոր մաքառումը, այս անգամ ուղղակի Աստուծո հետ և Աստուծո դեմ:

Որքան խորհրդանշական է և իմաստալից, որ մարտնչող անձանիքը երբ տեսավ որ չի կրնար հաղթահարել Հակոբը, անոր «ամուլաջիլը ընդարմացուց»: Անձանիքը ըսած էր. «Զգե որ հեռանամ այլևս»: Հակոբ տեղի չտվավ. ընդհակառակը ավելի ուժգին կպավ խորհրդավոր մարդուն և ը-

սավ. «Պիտի չարձակեմ քեզ, մինչև չօրհնես զիս»:

Ու գերբնական էակը փոխան օրհնության նոր անուն մը տվավ Հակոբին. «Ասկե վերջ անունդ պիտի ըլլա Խորալեզ», որ կնշանակե «Աստուծո հետ մարտնչող». ավելցուց անձանիքը. «Որովհետև մարտնչեցար Աստուծո և մարդոց հետ, և զորավոր դուրս եկար» (Ծննդ. ԼԲ 24—30):

Այս մարտնչումը սակայն Հակոբին վրա ձգեց իր մնայուն հետքը: Այո, հասած էր իր նպատակին նաև Աստուծո հետ մաքառելու ընթացքին, ինչպես եղած էր մարդոց հետ մարտնչելու ատեն: Ապահոված էր Աստուծո ներումը և օրհնությունը. սակայն կառ մնացած էր: «Ընդարմացած», այսինքն թմրած և անգործության մատնված էր զիստը շարժման մեջ դնող «ամուլաջիլը»:

Ծառ նշանակալից է պաշարին հաջորդող աստվածաշնչական հավատումը. «Ու անոր վրա արև ծագեցալ» երբ անցավ գետը. բայց «Նա կաղայր երթայր ի զրստե անտի» (Ծն. ԼԲ 31): Այնուհանդերձ կաղացող Հակոբը ավելի լավ մարդ մըն էր քան նախկին չկաղացող՝ ավելի շիտակ՝ քարոյապես երկու կողմի վրա կաղացող Հակոբը: Երբեմն փորձանքներու կկարտինք ավելի լավ մարդ ըլլալու համար: Հաճախ ծանր հիվանդություն մը, լուրջ արկած մը, արտի տագնապ մը միայն կրնան կաղատացնել քայքայիչ խմիչքի կամ ծխիկի գերի մարդը, որ հրաժարի քարոյապես և ֆիզիկապես անդունդ առաջնորդող նման մոլություններէ: Ծառեր նման փորձանքներու հանդիպելով հանդերձ չեն զգաստանար և կմեռնին իրենց մեղքին մեջ:

Հակոբ այս միջադեպին առաջ գրեթե ամեն մարզի մեջ ինքնաբաւ զգացած էր ինքզինքը: Գրեթե ոչ ոք կրցած էր հաղթահարել իրեն կյանքի պաշարին մեջ: Հաջողակ և համարձակ եղած էր իր բոլոր գործերուն մեջ, բայց երբ պետք եղավ դեմ հանդիման գտնվիլ իր եղբոր հետ, զոր անհրաժեշտ էր, ինքզինքը նկուն և անբավական զգաց. վախցավ իր եղբոր արդար քարկութենն, որ խորքին մեջ Աստուծո արդարության ազդարարությունն էր: Հակոբ իբրև քարոյական ժառանգորդը Աբրահամի և Իսահակի կանչված էր «Աստուծո հետ քալելու և անարատ ըլլալու»: Ծարդ այնքան գրավված էր հարստանալու տենչով, որ գրեթե ժամանակ չէր ունեցած անդրադառնալու իր այս պարտավորության: Իր կյանքի կարևորագույն այս հանգրվանին զգաստության հրավիրվեցավ Հակոբ և հակառակ իր մաքառումին ի վերջո տեղի տրվավ: Այս դեպքն հետո Հակոբ գտած էր

իր լավագույն եսը և մտած էր իր ուղիղ դերին մեջ, թե իսկ «գիստեն կկաղար»։ Մարդուն ինքնաբավությունը, ամբարտաժանությունը և հավակնոտությունները պետք է խորտակվին նախ քան արդարության և սրբության ճանապարհին մեջ մշտնելը։

Հակոբի համար նոր «արև մը ծագած էր», նոր հանգրվան մը բացված էր. ու ասկե հետո ինք հավատարիմ եղավ իր կոչումին, քան ինչ որ եղած էր մինչև հիմա. իր թերացումներու ավելի խոր ճանաչումին հասած էր. ու իր կաղությունը մշտական հուշարար մը մնաց նախ իր անկատարության, և ապա՝ Աստուծո կրթելու, Անոր ապավինելու անհրաժեշտության։

Հակոբ ապրեցավ 147 տարի։ Լատիմք կհիշատակեն դեկ. 23-ին. իսկ մենք և հույճը՝ նախահարց հետ։

11. ՀՈՎՍԵԹ

Հովսեփի վերջինը՝ և ամենեն համակրելիին է։ Ծննդոց Գրքի հավատքի և սրբության հերոսներու։ Կարելի չէ կարդալ իր կյանքը առանց մեծագույն հետաքրքրության և խորագույն հուզումի։ Մարդկային պատմության ու ժողովուրդներու գրականության գեղեցկագույն դրվագներեն է Հովսեփի պատմությունը, որ կգրավե ս. Գրքի առաջին մատյանի վերջին տասներկու գլուխները։

Վերջնաթերն էր Հովսեփի Հակոբի տասներկու զավակներուն, ծնած անոր սիրելի կնոջմեն, Ռաբելեն, որ մեռավ երկրորդ տղայաբերքին, երբ Հովսեփի դեռ մատաղ մանուկ էր։ Հայրը իր սերը կրկնապատկեց որբացած այս զավակին վրա, ինչ որ նախանձը շարժեց մյուս եղբայրներուն, որոնք իբրև գերի ծախեցին զայն վաճառականներուն, որոնք իրենց կարգին վաճառեցին զայն Եգիպտոսի փարավոնին՝ բարձրաստիճան մեկ պաշտոնատարին։ Հովսեփ, որ արդեն հասուն երիտասարդ մըն էր ծախված ատեն, իր ուշիմությամբ, հավատարմությամբ և ձեռներեցությամբ փարավոնի պաշտոնատարին տան և ինչքերուն վերակացու կարգվեցավ։ Այս տան մեջ տեղի ունեցավ Հովսեփի կյանքին ամենեն եղերական՝ ու միաժամանակ դյուցազնական՝ տրամը, որ երևան հանեց Հովսեփի ուկի մկարագիրը։ Պաշտոնատարին փարթամ կինը աչք տնկեց Հովսեփի վրա։ Անոր տեղ ունէ ուրիշ երիտասարդ պիտի չկրնար «ոչ» ըսել նման հրապուրիչ կանչի մը։ Հովսեփ կրցավ։ Ոչ միայն մերժեց առաջարկը և այլ համարձակորեն կրցավ ըսել կնոջ. «Այս տան մեջ ամեն ինչ ինձի հանձնված է բացի քեզմե, որովհետև տանտիրոջս կինն

ես»։ և ավելցուց. «Ուստի ի՞նչպես կրնամ աւապիսի մեծ չարիք մը գործել, և ՄԵՂԱՆՆ-ՉԵԼ ԱՍՏՈՒԾՈՒ ԱՌՋԵՎ» (ԾՆ. ԼԹ 9)։ Հովսեփ ոչ միայն կնոջ հարաճուն թախանձանքներուն չէր անասար, այլ կկիրարկեր գերագույն ռազմավարությունը, որ հաջողություն կրնա խոստանալ նման պարագաներուն. «Ոչ հույս լիներ նմա»։ չէր մոտենար կնոջ. կխուսափեր անոր հանդիպել։

Ցանկությունը կրակ մըն է, որ եթե չըմարվի իր սկզբնական շրջաններուն, ավելի կորոքոքի օրերու հետ և ի վերջո այրելու համար ցանկության տեքը և իր զոհը, ինչպես եղավ Հովսեփի պարագային։ Աստվածաշունչի պարզագույն և անմրցելիորեն իրապաշտ քառերով՝ «Օրին մեկը երբ Հովսեփ տուն մտավ իր մեկ գործը կատարելու համար, երբ ընտանիքի անդամներեն ոչ ոք կար մերսը, կինը բռնեց անոր հագուստեն և ըսավ. մեջե ինձի հետ։ Ու Հովսեփ իր հագուստը անոր ձեռքը ձգելով դուրս փախավ...»։ Դյուրին է երևակայել հետևանքը։ Ոչ ոք պիտի հավատար Հովսեփի անմեղության, երբ շոշափելի փաստը, իր հագուստը կնոջ ձեռքն էր, որ զայրացած կգոռար ամենքին, թե երբայցի այս գերին հանդրգնած էր իր վրա հարձակիլ։ Աստուծո գերագույն տնօրենությամբ տեղնուտեղը չսպանվեցավ Հովսեփ. այլ ցմահ բանտարկության դատապարտվեցավ։ Կրակի հնոցի մեջ նետված էր Հովսեփ, ու իր մկարագրի ոսկին ավելի զտված դուրս եկավ, թե՛ այս բարոյական փորձությունեն և թե՛ բանտի վիրապեն, դառնալու համար ի վերջո, աստվածային անիմանալի դարձվածքներով, Եգիպտոսի փոխարքան... և փրկելու իր ցեղը սովի ճիրաններեն։

Հովսեփի Աստվածաշունչի ամենեն կատարյալ դեմքերեն է, հետևաբար ժառանգած է իրավամբ «Գեղեցիկ» տիտղոսը։

Հովսեփի արդարև գեղեցիկ էր ֆիզիքապես, բարոյապես և իմացապես։ Իր մկարագրին հիմնական գիծերը պարկեշտություն և հավատարմություն է։ Վատահոությունը գրավեց մարդոց, ուր որ գտնվեցավ. փարավոնի պաշտոնարարի տան մեջ, բանտին մեջ և փարավոնի բարձրագույն ծառայության մեջ։ Հավատարիմ եղավ մարդոց. վասնզի նախ հավատարիմ էր իր Աստուծուն։ Արքա համար կրոնքին կերպույն կատարն է Հովսեփ։ Արդարև միշտ «քաղեց Աստուծո ներկայության և անարատ եղավ»։ Սրտառույ է արդարև սրտեն փրթած իր տրամաբանական ավաչը. «Ինչպե՞ս կրնամ մեղանչել Աստուծո առջև»։

Աստուծո հարաբերաբար միայն՝ մենք կրնանք տեսնել մեր ուղիղ հարաբերությունը մեր ընկեր արարածներուն հետ։ Մինչև

որ մեր դիմացինը չնկատենք Աստուծո պատկերով ստեղծված թանկագին հոգի մը, պիտի չկրնանք անոր հանդեպ սեր և հարգանք տածել, և զգուշանալ զայն խորտակել և փնացնել: Առանց Աստուծո հաշիվ աշխու գիտակցության, մարդկային հարաբերությունները ի վերջո պիտի այլասերին վերածվելու համար եսասիրական ու կենդանական քնազդներու:

Ի վերջո Հովսեփ գերագույն իմաստությամբ մը իր եղբայրներուն սորվեցուց թե ինչպես պիտի ըլլա իրական եղբայրությունը: Զարիքը բարիքով վերադարձուց: Զինքը գերիի մը պես ծախած եղբայրներուն առջև երեք անգամ փոփոխեցաւ ու ստիպվեցաւ առանձնանալ իր եղբայրական հուզումին ազատ առաքելոգ տալու համար: Ծնողասեր և ազգասեր էր Հովսեփ: Իր որդիական սիրով ողողեց իր ծերունազարդ հայրը և մխիթարեց զայն իր վերջին տարիներուն: Իր ժողովուրդին տեղ ու պաշտպան կանգնեցաւ օտար երկրի մը ծառայության մեջ եղած միջոցին: Այս բոլորը և ավելին եղաւ ան, որովհետեւ ամենեւնի առաջ և ամենեւնի ավելի աստվածասեր էր Հովսեփ:

Հովսեփ նախատիպարն է Քրիստոսին ոչ միայն իր բարոյական կատարելությամբ և փորձության մեջնե հաղթական դուրս գալով, այլ նաև Քրիստոսի պես «երեսուն արծաթի» վաճառվելով, և իր ժողովուրդի փրկության պատճառ դառնալով, ինչպես եղաւ Քրիստոս՝ Աստուծո և որ ժողովուրդին համար: Հովսեփ մեռաւ 110 տարեկանին, իբրև փոխարքա Եգիպտոսի: Թեև թաղվեցաւ Եգիպտոս, սակայն իր ժողովուրդը երբ եղաւ Եգիպտոսեան, անոր ոսկորներն ալ միասին հանեցին և ի վերջո թաղեցին իր հայրերու գերեզմանը Քեբրոնի մեջ: Լատիներ կնիշատակեն զայն դեկտ. 11-ին. իսկ մենք և հույներ՝ նախահարց հետ:

Գլուխ երրորդ

ԱՆԱՊԱՏԻ ԱՌԱՋՆՈՐԳՆԵՐ

Այս գլուխին մեջ պիտի հիշվին Աստուծո ժողովուրդին այն գործիչները, որոնք Եգիպտոսի ելքէն հետո անոր անապատային 40 տարիներու թափառումներու ընթացքին կարևոր դեր կատարեցին և տակաւ առ տակաւ առաջնորդեցին և մտցուցին զայն Ավետյաց Երկիրը:

12. ՄՈՎՍԵՍ

Անտարակույս մեծագույն դեմքը Հին Կտակարանին, և կրոնական չափանիշով՝ մեծագույններէն մեկը աշխարհի պատմու-

թյան մեջ: Աստվածաշունչի մեջ չորս գիրքեր—**Ելից, Ղևտական, Թվոց և Երկրորդումն Օրինաց**—կարտունակ են պատմությունը իր կյանքին, գործին և օրենքներուն:

Մովսէս ծնաւ Եգիպտոսի մեջ 1570-ին Ք. Ա., երբ իր ժողովուրդը զգալիորեն բազմացած՝ բայց միաժամանակ գերի դարձած էր Եգիպտոսի փարաւոններուն: Առաջքն առնելու համար Իսրայելի ժողովուրդին անսովոր աճումին, փարաւոններէն մեկը, «որ չէր ճանչնար Հովսեփին», նախ աղյուսաշինության չարաչար աշխատանքին լծեց զանոնք, և ապա հրաման հանեց որ անոնց արու զավակները փնացվին տղայաբերքին կամ գետ մետովին եթե ազատած են: Մովսէս ալ սահմանված էր այս ճակատագրին. սակայն աստվածային նախախնամությունը նախ փրկեց՝ և ապա դրկեց զայն ազատագրելու իր ժողովուրդը Եգիպտական գերութենէ: Ծանոթ և հրաշալի պայմաններու մեջ ջուրէն ազատված այս «կալտառ» մանուկը եղաւ փարաւոնի դստեր որդեգիրը և մինչև քառասուն տարեկանը ապրեցաւ Եգիպտական արքունիքին մեջ «Եւ սորվեցաւ Մովսէս Եգիպտոսի ամբողջ իմաստությունը, և հզոր էր խոսքով ու գործով» (Գործ. է 22):

Իր «գորությունը» և ինքնությունը նախ հայտնեց, երբ արյունը խոսեցաւ իր մեջ և «իր ազգակիցները տեսնելու ելաւ» ու սպաննեց Եգիպտացի վերականգնող, որ անգաբար կմտրակեր եբրայեցի աշխատավոր մը: Նախ քան այս լուրը փարաւոնին ականջը հասնիլը Մովսէս փախաւ Եգիպտոսէն և ապաստանեցաւ Սինայի անապատի ցեղապետներէն մադիանացի բուրմի մը մոտ, ուր ամուսնացաւ անոր աղջիկներէն մեկին հետ և ունեցաւ երկու զավակներ: Այստեղ ապրեցաւ Մովսէս, արքունիքին մեջ մեծցած մարդը, քառասուն տարիներ, իբր պարզ հովիւ:

Ութսուն տարեկանին, երբ դեռ կորովի անձնավորություն մըն էր, Միքէլ Անճելոյի ծանոթ արձանին մեջ պատկերացվածին պես, Աստված հայտնվեցաւ իրեն Սինա լեռան վրա Անկեզի Մորենիին մեջէն, և ուզեց դրկել զայն իր գերի ժողովուրդը փրկելու մեծ առաքելության: Մովսէս նախ ընդդիմացաւ այս առաջարկին, որուն անբավական կնկատեր ինքզինքը, բայց երբ գրեթէ հակամալս համակերպեցաւ Աստուծո պնդումին, ի գլուխ հանեց զայն հրաշալի պայմաններու ներքև: Ազատագրեց և տարաւ իր ժողովուրդը ետ Սինա լեռան ստորոտը, ուր Աստված հայտնված էր իրեն առաջին անգամ, և այնտեղ ՌԻՄՏ մը կրնրվեցաւ Աստուծո և Իսրայելի ժողովուրդին միջև:

Այս ՈՒՆՏԸ կրոնական պատմության մեծագույն «աքս»երեն մեկն է և ներկայացված է Ելից գրքի ԺԺ գլուխին մեջ իրապաշտ և տրամադիկ պատկերացումով, որում կարծե անդրադառնալ. որովհետև թեև այս ՈՒՆՏԸ ձևապես և պատմականորեն կնքված է Աստուծո և անձնան ցեղախումբի մը միջև, սակայն խորքին մեջ տեղի ունեցավ Աստուծո և մարդկության միջև: Հրեա ժողովուրդը ներկայացուցչական հանգամանք մը ուներ այնտեղ, քանի որ մեծ ուխտի մը անհրաժեշտ կարիքը ուներ մեծ ամբողջ մարդկությունը:

Այս դաշինքի կնքումին մեջ նախաձեռնողը և պայմանները առաջարկողը բնականորեն Աստված էր: Մարդուն կմնար համակերպիլ և ընդունիլ զայն, քանի որ այդ կըլլար ի սեր և հոգուտ մարդկության: Այսուհանդերձ Աստված չուզեց միակողմանի կերպով պարտադրել մարդուն իր առաջարկները. այլ կամեցավ որ մարդն ալ իր ազատ կամքովը համաձայնություն հայտնե այս տնօրենության:

Ուխտի այս առաջարկը նախ կհիմնվի կատարված իրողությանը և պատմական տվյալներու վրա, որոնց մեջեն անցած էր Իսրայելի ժողովուրդը, և ակնհայտն վկան եղած էր Աստուծո հզոր գործերուն, և իրեն հանդեպ ցույց տված հատուկ հոգածության: Ուստի ՈՒՆՏԻՆ նախաքանը կորվի այսպես Աստուծո կողմէ. «Իոք անձամբ ՏԵՍԱՔ այն բոլորը, զոր կատարեցի Եգիպտոսի մեջ: Առի ձեզ արծիվի թևերուն վրա և բերի ձեզ այստեղ իմ մոտս:

Եթե լսեք ինձի և պահեք իմ ուխտս, այն ատեն դուք բոլոր ազգերու մեջեն իմ սեպհական ժողովուրդս պիտի լլլաք, որովհետև իմն է ամբողջ երկիրը. դուք պիտի լլլաք ինձի քահանաներու թագավորություն մը, ՍՈՒՐԲ ԱԶԳ մը» (Ելք. ԺԺ 4-6): Ու Աստված ավելցուց. «Ըսե այս խոսքերը Իսրայելի որդիներուն»:

Մովսես այս առաջարկը ներկայացուց ժողովուրդի «ծերերուն», այսինքն գլխավորներուն, ու ասոնք «միահամուտ ըսին. Աստված ինչ որ ըսե պիտի կատարենք»: Այս պատասխանը Աստուծո բերավ Մովսես: Ըսավ Տերը. «Ահավասիկ ես քեզի պիտի գամ թանձր ամպի մը մեջ, որպեսզի ժողովուրդը ԼՍԵ մինչ ես կխոսիմ քեզի հետ, և հավատա քեզի միանգամընդմիջտ»: Ու կհրահանգե Աստված Մովսեսին. «Արբե ժողովուրդը այսօր և վաղը. թող լվան իրենց հագուստները և պատրաստ լլլան երրորդ օրը. որովհետև ես Սինա լեռան վրա պիտի իջնեմ երրորդ օրը, ի տես ժողովուրդին»:

Ու արդարև «երրորդ օրը առավոտուն ո-

րոտումներ և փայլատակումներ եղան. թանձր ամպ մը իջավ Սինա լեռան վրա ու բարձրաձայն փող մը հնչեց. զարհուրեցավ ամբողջ ժողովուրդը: Ու Մովսես Աստուծո առջև հանեց ժողովուրդը և կայնեցուց լեռան ստորոտը: Ու Սինա լեռը կծխար շարունակ, որովհետև Աստված իջած էր անոր վրա կրակով. ու ծուխը կբարձրանար հնոցի ծուխին պես: Կսարսեր ամբողջ լեռը, և փողին ձայնը հետզհետե կմոտենար և կատականար: Մովսես կխոսեր ու Աստված պատասխան կուտար անոր: Ու Տերը Սինա լեռան գագաթը իջավ ու կանչեց Մովսեսը լեռան գլուխը: Ու Մովսես վեր ելավ...»: Ու այնտեղ Աստված Մովսեսին տվավ այս ուխտի պայմանները սկսելով **Տասնաբանյա պատվիրաններով** (Ելք. Ի գլուխ): Մովսեսի գերագույն փառքը և իրագործումը եղավ միջնորդը հանդիսանալ այս ՈՒՆՏԻՆ, որ կեդրոնական տեղը կգրավե ամբողջ Հին Կտակարանի մեջ, ուր կներկայացվին այս ՈՒՆՏԻՆ հավատարմության և անհավատարմության վերիվայրումները:

Ասկե հետո Մովսես հովվեց ու դաստիարակեց իր ժողովուրդը քառասուն տարիներ անապատի խստությանց մեջ, մինչև բերավ զանոնք Ավետյաց երկրի դռները, Հորդանանի արևելյան ափը, ուր կատարելե հետո անհրաժեշտ հիշեցումները և տալե հետո իր վերջին պատգամները, ելավ Նաբավ լեռը, և այնտեղ մեռավ մեռության մեջ 120 տարեկանին: Ոչ ոք գիտցավ անոր գերեզմանը: Ու իր կյանքը եզրակացության կբերվի աստվածաշնչական սա հաստատումներով, հակառակ հարյուրքսանամյա տարիքին «իր աչքերը չվատացան, ոչ ալ իր կորովը պակսեցավ... Իսրայելի մեջ ոչ մեկ մարգարե ելավ մեծ Մովսեսի, զոր Աստված ճանչըցավ դեմ հանդիման...»: Մինչև Քրիստոս ոչ ոք եղավ այնքան մեծ և ընտիր անոթ, որուն մեջ լեցուց Աստված իր կամքը և հայտնությունները և հրամցուց մարդկության՝ որքան Մովսես: Աստուծո մշտական ներկայության իր բնագոյը և այն խոր վրտափայլումը թե կխոսեր և կգործեր հանուն Աստուծո, արդարև քացառիկ են: Մովսես դրավ այն հիմունքը և կազմեց այն հատակագիծը, որուն վրա գործեցին հաջորդող մարգարեները և գործիչները: Մովսեսով սկսված Աստվածահայտնությունը իր կատարումը գտավ Քրիստոսով, որուն հետ արդարև շատ սերտ մեծություններ ունեցավ Մովսես, լինելու աստիճան Անոր լիակատար նախատիպը գրեթե ամեն մարդի մեջ:

Երկուքն ալ իրենց մանկության՝ մահվան դեմ հանդիման գտնվեցան. Հիսուս՝ Բեթ-

դեմեմի մանկանց կոտորածով, Մովսես՝ գետ նետովելով: Երկուքն ալ իրենց գործունեության սկիզբները չարության ույծերուն հետ քախում ունեցան և հաղթող հանդիսացան: Հիսուս՝ փորձությամբ, Մովսես՝ եգիպտացի կախարդներուն դեմ: Երկուքն ալ քառասունորչա պահեցողություն ըրին: Հիսուս փորձության լերան վրա, Մովսես՝ Սինայի վրա: Երկուքն ալ ծովը իրենց հակակրճին տակ առին: Հիսուս փոթորիկը հանդարտեցնելով, Մովսես՝ Կարմիր ծովը ճեղքելով: Երկուքն ալ բազմություններ կերակրեցին հրաշալի պարագաներու տակ: Հիսուս հինգ հացով ու երկու ձուկով, Մովսես՝ երկնատեղաց լորմարգով և մանանայով: Երկուքն ալ երեսները փայլեցան ու պայծառացան գերբնական լույսով: Հիսուսին՝ Թափոր լերան վրա, Մովսեսին՝ Սինայե էջին: Երկուքն ալ ժողովրդային տրտուհներու նշավակ եղան ու համբերեցին: Հիսուս՝ երբ «ես եմ հացն կենաց» ըսավ և այլ աղիթներով երբ քարկոծման վտանգին ալ ենթարկվեցավ, Մովսես՝ քազմիցս անպատի մեջ: Երկուքն ալ իրենց տնեցիներու կողմե քննադատվեցան: Հիսուս՝ իր «եղբայրներեն»: Մովսես՝ իր եղբորմեն և քրոջմեն: Երկուքն ալ ընտրեցին 70 օգնականներ: Հիսուս՝ 70 աշակերտներ, Մովսես՝ 70 ծերեր: Երկուքն ալ աղոթեցին և քարեխտեցին այլոց համար: Հիսուս՝ իր վերջին կտակի աղոթքին մեջ, Մովսես՝ իր ապերախ ժողովուրդին համար, երբ Աստված սպառնաց քնաջնջել զանոնք: Երկուքն ալ իրենց անջնջելի գործեն զատ հատուկ տնօրինական մնայուն հիշատակ ձգեցին: Հիսուս՝ ս. Հաղորդության խորհուրդի հաստատմամբ, Մովսես՝ Պատեքի տոնական տնօրինությամբ: Վերջապես երկուքն ալ հետ մահու վերերևեցան: Հիսուս իր հարության: Մովսես՝ Հիսուսի Պայծառակերպության:

Անշուշտ այս քաղդաոականը և զուգահեռականությունը երբեք հավասարություն չեն եմթաղրեր: Հիսուս միայն կրցավ ըսել. «Ո՛վ կրնա զիս հանդիմանել մեղքի համար»: Իսկ Աստուծո ծառան Մովսես, այնքան հրաշքներ տեսնելէ ու կատարելէ հետո, պահ մը եկավ իր կյանքին մեջ որ երկմըտեցավ թէ Աստված-կրնա՞ր ժպտեն ջուր քիսեցնել (Թիվք. Ի 7—13): Երկմտանքի

այն մեղքին համար արժանի չդատվեցավ Ավետյաց երկիրը մտնել, թեև զայն տեսավ իր լայնքին ու երկայնքին այն լեռներն որ մեռավ: Բաց աստի, ինչպես Ավետարանը կհաստատե, «Օրենքը Մովսեսի ձեռքով տրվեցավ. բայց շնորհքը և ճշմարտությունը Հիսուս Քրիստոսի ձեռքով իրագործվեցավ (Հովհ. Ա. 17): Մովսես իր կյանքի վերջավորության մարգարեացավ ու ըսավ. «Աստված ձեր մեջեն ինձի նման մարգարե մը պիտի հարուցանե. անոր լսեցեք» (Բ. Օր. ԺԸ 15): Ակնարկությունը Մեսիային է, Քրիստոսին (Գործ. Գ 22):


Մովսեսի մեծության, գործության ինչպես նաև սրբության գաղտնիքը իր ՀեճՈՒ-ԹՅԱՆ մեջ էր. ըսված է իր մասին. «Մովսես շատ հեզ մարդ էր. աշխարհի բոլոր մարդերուն ամենեն հեզը» (Թիվք. ԺԲ 3): Հաճախ հեզությունը և տկարությունը կշրփովին իրարու հետ: Բայց ամեն խորքին մեջ իրարու հակադիր եզրեր են. թե արդարև Մովսես ոչ միայն ֆիզիքապես՝ այլ նաև կամքով և հոգիով հզոր մարդ էր, այդ քացահայտ է իր գործերեն:

Հեզությունը խորքին մեջ այն հոգեկանակն է, որ մարդ այլևս չի դառնաճար, ոչ ալ ինքզինքը պաշտպանելու փորձեր կրնե, երբ անիրավ կերպով կդատապարտվի, որովհետև գիտե թե մարդ տկար և անկատար է, ըլլա ինք, ըլլա զինք դատապարտողը: Ոչ ալ կմեծամտի կամ ախորժ կզգա երբ կգովաքանվի. որովհետև վստահ կերպով գիտե, թե իր անավելությունները կը պարտի Աստուծո: Այս կետին մեջ ալ Մովսես կմտնենա Քրիստոսին, որ ըսավ ինքն իրեն համար. «Սորվեցեք ինձմե, որ հեզ եմ և սրտով խոնարհ. և ձեր հոգիներուն խաղաղությունը պիտի գտնեք», այն հեզության ու խոնարհության մեջ (Մատթ. ԺԱ 29): Ու երանի տվավ Հիսուս «հեզերուն, որոնք ի վերջո պիտի ժառանգեն երկիրը» (Մատթ. Ե 5):

Հույնք և լատինք կհիշատակեն Մովսեսը սեպտ. 4-ին, իսկ մենք մայիսհարց հետ:

(«Աստվածաշնչական սուրբեր», Իսթանպուլ, 1977, էջ 54—65):

(Ծարունակելի)



ԱՐԹՈՒՆ ՀԱՏԻՏՅԱՆ

ՍՈՒՐԲ ԵՊԻՓԱՆ ՀԱՅՐԱՊԵՏ ԿԻՊՐԱՑԻ (315—403)

Ընդհանրական եկեղեցու նշանավոր «Երկոտասան վարդապետների» շարքում իր արժանավոր տեղն է գրավում նաև Կիպրոսի Աթոռի եպիսկոպոս սուրբ Եպիփանը¹:

Հույն օրթոդոքս եկեղեցու ինքնագլուխ (ավտոկեֆալ) Աթոռներից մեկն է հանդիսանում Կիպրոսի Աթոռը, որի հաստատումը պատմականորեն կապվում է Պողոս առաքյալի և նրա առաքելակից, բնիկ Կիպրացի Բառնաբասի քարոզության հետ²:

Սուրբ Եպիփանը համարվում է «տիեզերահոյակ վարդապետ եկեղեցու»³:

«Սուրբ Եպիփան Կիպրացի ճգնավոր և հրաշագործ մարդ, առաքելական ոգով աշխատած է եկեղեցվո մեջ և գրած է տեսակ տեսակ գործեր»⁴:

«Մի առանձին տիպ է եկեղեցական հայրերի շարքում սուրբ Եպիփանը»⁵:

Նա «համբավավոր եղավ իբրև եկեղեցվո արևելյան հայրերեն մին»⁶:

Սուրբ Եպիփանը միաժամանակ հանդիսանում է «ետանդուն գործիչներեն մեկը վանական շարժումին ու իբրև կազմակերպիչ և խղճամիտ հոգևորական իր համբավը այնքան տարածված էր»⁷:

Սուրբ Եպիփանի վարքագրությունը գրել են նրա երկու աշակերտները՝ Հովհաննես և Պոլիքսիոս վանականները:

Եպիփան հունարեն նշանակում է «երևելի» կամ «հայտնի»:

Եպիփանը, ըստ վարքագրական գրականության տվյալների, եղել է «ազգաւ հրեայ և հայրենեօք փիւնիկեցի»⁸:

Ծնվել է 315 կամ ըստ այլոց՝ 310 թվականին, «Հրէաստանի Ելքերոպոլիս» քաղաքում, այժմյան Բիզանդոսի մեջ, Բեյթ-Ճիպրիմի մոտ, «յաղքատ և հողավատակ ծնողաց զաւակ»: «Հայր նորա մշակ երկրագործ էր և արդար վաստակաւք կերակրէր զորդեակս իւր զԵպիփան և զքոյր նորա Կալիստրոփիայ»⁹: Մահուկ Եպիփանը

¹ Օրացույց, ս. Էջմիածին, 1979, էջ 128:

² Գործք Առաքելոց, ԺԳ 4—12, ԺԵ 38—41, Նոր Կտակարան և չորս Աւետարաններ և Գործք Առաքելոց, Մայր Աթոռ, 1989, էջ 414:

³ Հ. Մ. Ալեքեան, Լիակատար վարք և վկայաբանութիւն սրբոց որք կան ի հին տօնացոյցի եկեղեցոյ Հայաստանեայց, հատոր Գ, Վենետիկ, 1812, էջ 210—238:

⁴ «Լոյս» շաբաթաթերթ, Կ. Պոլիս, 1905, հատոր Ա, էջ 1028:

⁵ Կճիք հաւատոյ, հրատարակութիւն Կարապետ եպիսկոպոսի (Տեր-Մկրտչյան), ս. Էջմիածին, 1914, էջ XLVII:

⁶ Թորգոմ պատրիարք Գուշակյան, Սուրբք և տոնք, Երուսաղեմ, 1939, էջ 85:

⁷ Ծնորհք արքեպիսկոպոս Գալուստյան, Համաքրիստոնեական սուրբեր, Իսթանպուլ, 1978, էջ 68:

⁸ Լիակատար վարքագրութիւն, մույնը, էջ 211:

⁹ Թորգոմ պատրիարք Գուշակյան, մույնը, էջ 85: Ծնորհք արքեպիսկոպոս Գալուստյան, մույնը, էջ 68:

⁹ Մատենադարան հազկական թարգմանութեանց մախնեաց, Վենետիկ, 1889, էջ 402:

կանոնի է կորցրել իր հարազատ հորը, երբ ինքը 10 տարեկան էր: Իր ծննդավայրում որք Եպիփանիս որդեգրել է մեծատուն մի հրեա, որը նրան սովորեցրել է «եբրայական զամենայն գիրս և զամենայն աւանդութիւնս հրէից»¹⁰:

Եպիփանը վաղ հասակից հակում ունենալով դեպի վանական կյանքը, երկար տարիներ մնալով սուրբ Երկրում, 16 տարեկան հասակում դառնում է վանական, քրիստոնյա է մկրտվում քրոջ՝ Կալիստորփիայի հետ, սերտելով միաժամանակ «ըզկարգ քրիստոնէութեան և միայնակեցութեան» և իրեն նվիրում ճգնափորական-վանական խստամբեր կյանքի. «իբրև ճգնական կյանք վարող սուրբ անձնավորություն շատ մեծ հռչակ ուներ»¹¹:

Եպիփանը «քրիստոնյա միայնակյացներու կյանքեն խորապես տպավորվելով մրկորովեցաւ և իր սրբակրոն կյանքովը պատկանելի դարձաւ ամենուն»¹² և «ինքն ալ հաստատեց իր վանքը Եկեղեցուպոլիս քաղաքի մէջ»¹³:

Եպիփանը կանոնի է կորցրել նաև իր մորը և ազատվելով ընտանեկան մտահոգություններից, որովհետև քույրը ևս եղել էր վանական միանձնուհի, իր ողջ կյանքը նվիրում է վանական-ճգնափորական կյանքի ուսումնասիրության և եկեղեցու ծառայության գործին:

Վանական-ճգնափորական կյանքը և կանոնադրությունները ուսումնասիրելու մտքով և իր սեփական վանական-միաբանությունը ունենալու բուն ցանկությամբ տոգորված, նա այցելում է ժամանակի քրիստոնեական վանքերը, հանգամանորեն ծանոթանում մանավանդ Եգիպտոսի մենաստաններին և ճգնափորների կյանքին: Այս այցելությունը խոր հետք է թողնում Եպիփանի կյանքի, նրա վանական համոզմունքների և ողորդափառության վրա: Նա Եգիպտոսում առանձնապես ուժեղ պայքար է մղում Գնոստիկական աղանդավորների դեմ¹⁴:

Այս շրջանում է, որ Եպիփանը ծանոթանում է մի շարք աղանդավորների, մանավանդ Գնոստիկյանների հերետիկոսական մոտրությունը, որի դեմ հետագայում բուն պայքար է մղում:

¹⁰ Լիակատար վարք..., Գույնը, էջ 212:

¹¹ Երվանդ վարդապետ Տեր-Մինասյան, Ընդհանուր եկեղեցական պատմություն, հատոր Ա, ս. էջ միածին, 1908, էջ 243:

¹² Թորգոմ պատրիարք Գուշակյան, Գույնը, էջ 35:

¹³ Ընդհանր արքեպիսկոպոս Գալուստյան, Գույնը, էջ 63:

¹⁴ The encyclopedia Americana, international edition, vol. 10, 1968, էջ 427.

Եպիփանի կենսագիրները վկայում են նրա խստամբեր, վանական-ճգնափորական, օրինակելի վարքի և կենցաղավարության մասին. «Հասց և աղ միայն ճաշակէր... և զայն ոչ լագ, որպէս և ջուր չափով ըմպէր»¹⁵:

Վանական կամ անապատականության «հետապնդած բուն նպատակը լոկ մարմինը ճնշել չէր, ստոյիկյան կոչված փիլիսոփայության հետևողներուն պես, այլ հոգին կատարելագործել, միտքը լուսավորել և կամքը ջրողել և Աստուծո հետ հաղորդակցության մեջ մնալով»¹⁶:

Այս մտածումներով տարված, ինչպես նախկին մեծ վանական-ճգնափորներն ու անապատականները, Եպիփանը նույնպես, իր խստամբեր կյանքի մեջ, միաժամանակ պարապում է «ընթերցանութեամբ և աղօթիք»: Ս. Եպիփանի սիրած վանական անկյունը Փյունիկեի մենաստաններն էին «ի Սարանիտրոն անապատի», որտեղ էլ հիմնել է իր մենաստանը և մինչև 367 թվականը մնացել է այնտեղ իր աշակերտների և հետևորդների հետ, և «մեկնէր աշակերտաց իւրոց զիմաստս աստուածային տառիցն և լնոյր զամենեսին հոգևոր ուրախութեամբ»¹⁷:

Փյունիկեի այս չքնաղ անապատից սուրբ Եպիփանի օրինակելի ճգնափորական կյանքի, նրա «կրոնավորական խիստ վարքի» և «քաղմակողմանի գիտության» համբավը տարածվում էր և հնչում ողջ Եգիպտոսում, Պաղեստինում, Միջագետքում, Եդեսիայում: «Նա հինգ լեզու գիտեր, հունարեն, ասորերեն, եբրայեցերեն, կոպտերեն (ղպտերեն) և մի քիչ լատիներեն, ինչ որ հազվագյուտ մի երևույթ էր այս շրջանում»¹⁸:

Վերոհիշյալ այդ երկրների եկեղեցիներից և վանական հաստատություններից հռչակավոր գիտնականներ, անվանի անապատականներ գալիս էին Փյունիկե, Եպիփանի մոտ, նրան աշակերտելու:

Սուրբ Եպիփանը շատ էր ճամփորդում, հաճախ այցելում էր իր ծննդավայրը, ապա Հոպպե, Երուսաղեմ, Ալեքսանդրիա, Հոմ, Կ. Պոլիս, Կիպրոս, Եդեսիա: Ավելի քան 7 տարիներ մնացել է Եգիպտոսում, Թերաքիտի հռչակավոր մենաստաններում:

Իր ճանապարհորդությունների ընթացքում նա ծանոթանում է և մտերմություն է հաստատում ժամանակակից նշանավոր հոգևորականների և եկեղեցու մեծ վարդա-

¹⁵ Լիակատար վարք..., Գույնը, էջ 214:

¹⁶ Ընդհանր արքեպիսկոպոս Գալուստյան, Գույնը, էջ 82:

¹⁷ Լիակատար վարք..., Գույնը, էջ 217:

¹⁸ Երվանդ վարդապետ Տեր-Մինասյան, Գույնը, էջ 243:

պետների հետ, այդ թվում Հիլարիոնի և մանավանդ 391-ին Հոմոնի, արևմտյան եկեղեցու մեծ հայր Հերոնիմոսի հետ (342—420), «մեծագույնը՝ անցյալի սուրբ Գրքի մասնագետներուն»¹⁹, որը և հեղինակում, այժմյան հայոց վանքի տեղում Աստվածաշունչը լատիններենի թարգմանեց 404 թվականին: Հերոնիմոսի Աստվածաշունչի լատիններեն թարգմանությունը ծանոթ է «Վուկլաթա» անունով:

Եպիփանը Հոմոնի, մտերմանալով Հերոնիմոսի հետ, միասին դեմ դուրս եկան Ռիգինեսի՝ եկեղեցու այդ նշանավոր վարդապետի մի շարք դավաճաքանական տեսությունների դեմ²⁰:

Եպիփանը «չնչին ընդունակությունների տեր, առանձնապես չէր սիրում ուրիշների իրավունքը ճանաչել, մանավանդ հավատող խնդիրներում: Հատկապես նա կոչվ էր մղում Ռիգինեսի դեմ. և այդ պատճառով էլ Ալեքսանդրիայի Թեոփիլոս եպիսկոպոսի դրդմամբ խառնվեց «Ոսկեբերանի վեճ»-ին²¹, բայց և նա ստիպված եղավ ճանաչել յուր անգործությունը և հայրենիք վերադառնալ...»²²:

Եպիփանը Ռիգինեսի դեմ գրած իր մեկ հակաճառության՝ Պանարիայի կամ «Ռեդատուի»-ի մեջ, որը «եկեղեցական ավանդության առաջին վիճաքանական աշխատությունն է Ռիգինեսի դեմ, որ բացում էր մեծ կոչվ եկեղեցու մեջ ապստամբանական գիտության դեմ, որի իսկական նախահայր անվանում են Ռիգինեսին»²³, նա Ռիգինեսին անվանում է «ազատ իմաստուն, խեղճ ու փքված մարդ, որ գուր տեղը ադամանդյա կոչումն է յուրացրել», և խոսքը նրան ուղղելով ասում է. «Որքա՞ն դու ինքդ վնասվեցիր և որքա՞ն ուրիշներին վնասեցիր, ինչպե՞ս դու խաժված ես սարսափելի չարամեճգությամբ, այսինքն հելլենական կրթությամբ և ուրիշների համար էլ դու թույլ դարձար: Դո՛ւ, Ռիգինես, կուրացնելով քո միտքը հելլենական կրթությամբ, ժայթքեցիր թույլը նաև քեզ հավատացողների վերա և նրանց համար թունավոր կերակուր դարձար, վնասելով նաև ուրիշ շա-

տերին նրանով, ինչից որ ինքդ էիր վնաս կրել»²⁴:

Սուրբ Եպիփանը առանձնապես խիստ դեմ էր արտահայտվում սուրբ Գրքի բացատրության այլաբանական մեթոդի վրա: Սակայն Ռիգինեսի հեղինակությունը, «որ գիտական աստվածաբանության համար նշանաբան էր դարձել... նրա նշանակությունը անդորդվելի և անվիճելի էր մնում համարյա եկեղեցական լայն շրջանակներում»²⁵:

Եպիփանը առաջացյալ տարիքի մեջ, շուրջ 60-ամյա հասակում, ապրկվագ է ձեռնադրվում և 367 թվականին Կիպրոսի Աթոռի Եպիսկոպոսաց ժողովում ընտրվում է Կիպրոսի Աթոռի եպիսկոպոս և ամբողջ կղզու միտրոպոլիտ: Նա այդ պատմական Աթոռը փառավորում է երկարամյա փառուն զործունեությամբ. «Հաստատեաց բազում վանքայն ի կղզին Կիպրոսի և զարդարեաց գեկեղեցիս քարեկարգութեամբ: Աղքատաւեր էր մինչև վաճառել երբեմն զպայսս եկեղեցույ ի բաշխել կարօտելոց»²⁶:

Կիպրոսի Աթոռի կենտրոնը եղել է ի հնուց Սալամիս կամ Կոնստանցիա քաղաքը:

Սուրբ Եպիփանը իր ողջ կյանքի ընթացքում եղել է ընդհանրական եկեղեցու ուղղափառ մեծ վարդապետներից մեկը և բուրն պայքար է մղել ի պաշտպանություն Նիկիական Հանգանակի և հանդիսացել է կատաղի հակառակորդը ամեն գույնի և տեսակի ադամանդավորների դեմ, ի մասնավորի գնոստիկյանների, արիոսականների, ապոդիսարյանների և միլիտյանների դեմ: Դավաճաքանական իր պայքարի մեջ Եպիփանը «նկարագրով եղած է անընկճելի, մոլեռանդ ըլլալու աստիճան պաշտպան Նիկիական Հանգանակին և անհանդուրժող բոլոր ադամանդավորներու նկատմամբ»²⁷:

Սուրբ Եպիփանը իր վաստակաշատ կյանքը կնքում է 403-ին, մայիսի 12-ին, Կիպրոս կղզու դիմաց, ծովու վրա, երբ Կ. Պոլսից վերադառնում էր իր միտրոպոլիտական Աթոռը:

Մեր եկեղեցին տարին երկու անգամ է տոնում հիշատակը սուրբ Եպիփանի: Առաջին անգամ Հոգեգալստյան տոնի Գ կիրակին հաջորդ երկուշաբթի օրը²⁸ և «Երկուտասան վարդապետաց» տոնին²⁹:

¹⁹ Նույնը:

²⁰ Նույնը, էջ 58—59:

²¹ Իսկատար վարք..., Գույնը, էջ 226:

²² Շմորեք արքեպիսկոպոս Գալուստյան, Գույնը, էջ 64:

²³ Օրացույց, Գույնը, էջ 83:

²⁴ Նույնը, էջ 128:

¹⁹ Շմորեք արքեպիսկոպոս Գալուստյան, Գույնը, էջ 176:

²⁰ The eucyclepedia americana, Գույնը էջ 427:

²¹ Տես այն մասին «Էջմիածին» ամսագիր, 1977, № 2, էջ 22—23:

²² Եպիփանը վարդապետ Տեր-Մինասյան, Գույնը, էջ 248:

²³ Պրոֆ. Ն. Սազարյան, Հույն-արևելքի հին եկեղեցական աստվածաբանությունը յուր ծաղկման շրջանում (IV—V դդ.), Վաղարշապատ, 1910, էջ 58:

ՍՈՒՐԲ ԵՊԻՓԱՆԻ ՄԱՏԵՆԱԳՐԱԿԱՆ
ՎԱՍՏԱԿԻ ՀԱՅԵՐԵՆ
ԹԱՐԳՄԱՆՈՒԹՅՈՒՆՆԵՐՆ ՈՒ
ՏՊԱԳՐՈՒԹՅՈՒՆՆԵՐԸ

Հստ վարքագրական տվյալների վկայությամբ, «Սուրբ Բայրն Եպիփան երոջ յիշատակ անմոռաց լեկեղեցուց լուսաւոր վարդապետութիւն իւր... գրեաց բազմապատիկ ճառս, անբողեանս ի վերայ տնօրինական տօնից Փրկչին և բանս խրատականս յաղագս ողորմածութեան և այլոց առաքինութեանց, որպէս և մեկնութիւն աղմոսաց, գրեաց և գիրս յաղագս ուղիղ հաստոյ և վարուց, անքոռադոն կոչեցեալ, որպէս թէ խարիսխ կենաց մարդկան և գիրս ընդդէմ ամենայն հերձուածողաց և աղանդոց եղելոց ի սկզբանէ մինչև ցաւորս իւր և այլ բազում ինչ պիտանի և օգտաշահ... և իրաւամբ դասեցաւ ի կարգս Երկոտաւան վարդապետաց եկեղեցուց»³⁰: «Անքոռադոն (ancoratus) գրվածքում Եպիփանը «կարգեաց սքանչելիս այս պատճառս և զարմատս և ժամանակս իւրաքանչիւր, ի գիրսն իւր, որ անուանեալ կոչի Ունիսկորոս, այսինքն Հաւատոց Գիրս, զոր Պարունակաց Եպիփան կարդան» (Մատենադարան, մույնը, էջ 418):

Եպիփանի թե՛ «Ընդդէմ հերձուածողաց» կամ «Պարունակաց» և կամ «Անքոռատոն», այսինքն «Հաւատոց գիր»³¹, թարգմանվել է հայերենի: Սույն աշխատությունը, որը գրվել է 374-ին, սպառնիչ քննադատության է ենթարկում ս. Երրորդության ուղղափառ դավանության դէմ հակաճառող հերետիկոսներին: Թարգմանության ժամանակի կամ ո՞ւմ և որո՞նց ձեռքով է կատարվել թարգմանությունը, վճռական խոսք ասելը դժվար է: Վկայվում է միայն, որ այդ երկու ճառերը և այլ «բազմաթիվ ճառեր վաղուց թարգմանված են հայերենի»³²:

«Անքոռատոն»-ը կամ Ունիսկորոսը, և կամ «Անկիւրօտոս»-ը հայերեն թարգմանվում է խարսխեալ, «որի վերջում գտնվում է մեր եկեղեցու մեջ շատ վաղ մուտ գտած և մինչև այժմ գործածական Հաւատոյ Հանգանակը»³³:

Սուրբ Եպիփանը «սահմանափակ մտավոր կարողության, բայց անապառ եռանդի տեր մի անձն, որ նշանավոր է դարձել բազմակողմանի գիտությամբ, կրոնավորական խիստ վարքով և ամեն կարգի՝ իսկա-

կան թե ենթադրյալ, հերետիկոսների դեմ վարած նախաձեռնող պայքարով»³⁴:

Սուրբ Եպիփանի «ամենագլխավոր գործվածքն է այս «Իեղերի արկղիկը» կամ «Իեղատուփ»-ը, Պանարիոնը, 374—377 թվականներին գրած, որ «դեղեր» են նշանակված 80 հերետիկոսների դեմ»³⁵, «այդ հաշվում նաև 20 հեթանոսական փիլիսոփայական դպրոցներ իբրև հերքում»³⁶:

Եպիփանի «Պանարիոն» աշխատությունը մի կորովի ջատագովություն է փիլիսոփայական դպրոցների, հրեա և քրիստոնյա աղանդավորների դեմ: Ավելի զգացումով գրված աշխատություն է այն, որի մեջ պակասում է ըստ մասնագետների, գիտականության և փաստերի հարուստ վկայությունը: Միամիտ է իր դյուրահավատության մեջ և պակասում է գիտական սրամտությունը³⁷:

Մայր Աթոռի միաբան Գալուստ Տեր-Մկրտչյանը սույն գիրքը հրատարակել է «Արարատ» ամսագրում (1892), Էջմիածնի մատենադարանի մի շարք ձեռագրերի համեմատությամբ և այն կոչել՝ «Գիրք հերձուածողաց» կամ «Պարունակաց ի պարունական խօսիցն»³⁸: Վերոհիշյալ գիրքը հրատարակվել է նաև որպես «Արարատ» ամսագրի առանձնատիպ, 1892-ին, Մայր Աթոռի տպարանից:

Եպիփանի սույն գրվածքը խմբագրվել է 374—377 թվականներին, և «թեև լի է խառնաշփոթություններով, ուղիղ դատողությունն էլ պակասում է, բայց այնուամենայնիվ մի թանկագին աղբյուր է հերետիկոսությունների պատմության համար, որովհետև ուրիշը չունիք»³⁹:

Եպիփանը «անդադար գրեց և քարոզեց իր դարուն և նախընթաց դարերու հերետիկոսությանց, մասնավորապես արիոսյանց և Որիգենեսի հետևողներուն դեմ»⁴⁰, որի աշխատությունների թիվը ըստ Եպիփանի հաշվումների անցնում էր «6000»-ից, «որից քիչ բան է մնացել, այն էլ մասամբ լատիներեն ազատ թարգմանությամբ, գրված խավորապես Ռուֆինուսի կատարած»⁴¹:

Բացի «Հերքումն հերետիկոսաց» գործեն, և

³⁴ Նույնը, էջ XLVII:

³⁵ Երվանդ վարդապետ Տեր-Մինասյան, մույնը, էջ 243:

³⁶ Կնիք հաւատոյ, մույնը, էջ XLVII:

³⁷ The encyclopædia americana, մույնը, էջ 427:

³⁸ Կնիք հաւատոյ, մույնը, էջ XLVII—XLVIII:

³⁹ Երվանդ վարդապետ Տեր-Մինասյան, մույնը, էջ 243:

⁴⁰ Թորգոմ պատրիարք Գուշակյան, մույնը, էջ 35:

⁴¹ Երվանդ վարդապետ Տեր-Մինասյան, մույնը, էջ 147:

³⁰ Լիակատար վարք..., մույնը, էջ 236:

³¹ Մատենադարան..., մույնը, էջ 418:

³² Թորգոմ պատրիարք Գուշակյան, մույնը, էջ 36:

³³ Կնիք հաւատոյ, մույնը, էջ XLVIII:

Եպիփան գրած է նաև բազմաթիվ ճառեր և մեկնողական գրություններ, որոնց մեծ մասը թարգմանված են հայերենի: Իր անունով ծանոթ կամ իրեն վերագրված 85 կտորներ կհիշվին հայերենի թարգմանված, որոնց կարևոր մեկ տոկոսը անհարազատ կնկատվին»⁴²:

Սուրբ Եպիփանը «նշանավոր է իր բազմապատիկ և հմտական երկասիրությամբ: Մեր մատենագրությունն այլ և այլ գրվածքներ հասուցած է առ մեզ իր անվամբ, հորոց շատք չեն հիշվիր իր հարազատ համարված երկոց թվույն մեջ և տպագրությամբ ծանոթացած են ուսումնական և բանասեր գիտության: Մենք կնշանակենք ինչ որ գտեր ենք ի գիրս մեր հանուն Եպիփանու, առանց երաշխավորելու անոնց հարազատության, ինչպես նաև ճիշտ ժամանակի թարգմանությանն ի հայա»⁴³:

Երևանի ս. Մեսրոպ Մաշտոցի անվան ձեռագրաց Մատենադարանում Եպիփանի մատենագրական վաստակի հայերեն թարգմանությունների մեջ հիշվում են Յաղագս սաղմոսարանին կամ Յաղագս սաղմոսաց, Մեկնություն Աւետարանաց, Յաղագս Աւետարանին Մարկոսի՝ իղաբեր կանանցն, Պատճառ Գ Աւետարանին, Վասն որդւոյն Կորիսա, Խնդիրք ազգահամարին և ճիղագրութիւնք, Ճառք, Ներբողեանք, Հարցմունք Ներսիսի առ Եպիփան, Հարցումն Եղիոսի առ Եպիփան, Պատասխանիք հարցմանցն Եղիոսի, Պատասխանիք հարցմանցն Թէոդորոսի, Կարգաւորութիւն թարգմանացն սրբոյն Եպիփանու եպիսկոպոսի Կիպրացոյ ասացեալ՝⁴⁴, Գիր հաւատոյ, Վասն յարութեան մեռելոց (ի Պարունակաց գրոց), Անուանք մարգարէից, Հոմագրութիւն եկեղեցական, Յաղագս ակնաց, Պատմութիւն թարգմանութեան Եօթանասնից, Մեկնութիւն գրոցն թագաւորութեանց, Վասն ամսանակաց, Վարք ի Բանից (ժողովածու Բանք աստուածաբանականք և պիտանիք ժողովեալք ի գրեանց... Եպիփան Կիպրացի»⁴⁵:

Սուրբ Եպիփանի մատենագրական վաստակի մեջ առանձնահատուկ տեղ են գրավում նրա թվով 85 ճառերն ու ներբողյանները, որոնցից հիշենք մի քանիսը. «Ի սկզբնագիր արարածոց և աւետարանական

քարոզութեանց որ ըստ Դուկայ, և յաւտիս սրբոյ Աստուածածնին և միշտ կուսին Մարիամու. Յաղագս սպանման Աբելի. Յաղագս խօսելոյ Տեառն Աստուծոյ ընդ Կայենի քաղցրութեամբ. Յաղագս Աբելոսիոյ որ էր քոյր Աբելի. Յաղագս դադարելոյ տապանին. Ի գալ սրբոյ Կուսին առ Եղիսաբեթ զկնի աստուածընկալ աւետեացն. Յաղագս Յովհաննու Կարապետին. Ի Ծնունդն Բրիստոսի. Ի դառնալն Յիսուսի Բրիստոսի յԵգիպտոս. Ի գալուստ Տեառն քառասնօրեայ ի տաճարն. Ի սուրբ մանկունսն Բեթղեհեմի, Ի մկրտութիւնն Տեառն. Ի քառասնօրեայ պահելն Յիսուսի և զփորձապետն յաղթելոյ. Յաղագս յարութեանն Դաւարոյ. Ի գալուստ Տեառն յաւորս արմաւենեաց (Մաղկազարդ), Ի մեծի աւագ շաբաթու. Յաղագս յարութեան Բրիստոսի, Յաղագս խնկաբեր կանանցն. Յաղագս գալստեան Հոգւոյն սրբոյ. Ի փոխումն սուրբ Աստուածածնի. Յաղագս սուրբ Խաչին Բրիստոսի. Յաղագս սուրբ և նկարագրեալ տերունական պատկերին սրբոյ դաստառակին (կարի հարկաւոր վասն իշխանութեան հայոց). Ի Խաչվերացն»⁴⁶:

Սուրբ Եպիփան Կիպրացու հայերենի թարգմանված աշխատությունների հայերեն տպագրություններից ձեռքի տակ ենք ունեցել հետևյալները.

ա) Աթանաս Աղեքսանդրացի, Եպիփան Կիպրացի, Դավթ Անդաթ, Մաղմոսարանին սրբոյ Դավթ երջանիկ մարգարէի հոգեմտագ երգոցն իմաստից, նախ՝ յառաջաբանութիւն մեկնութեան և զանազանութիւն իրաքանչիւրոյն դիտաւորութեան, Արարեալ ի սրբոյն Աթանաս եպիսկոպոսապետէ Աղեքսանդրացոյ: Ապա՝ վերնագրացն մտաց՝ մտահանգոյց մեկնութիւն, յԵպիփանէ սրբոյ եպիսկոպոսէ Կիպրացոյն և զկնի համաժողովն իմն մեկնութիւն ևս, ի Դավթայ անյաղթ փիլիսոփայէն մերմէ սրբոյ Եւ ևս ներբողեան ինչ ի սաղմոսն Զորս արտահանեալ ի սաղմոսարանէ վաղեմականէ յօրինակելոյ, ի ՊԶԷ թուակաւի մերում (887+551) 1438:

Գիրքը տպվել է Կ. Պոլսում, «ամի փրկութեան մերոյ 1801, իսկ ի մեր թուակաւութեան ՌՄԾ (1250+551) 1801, ի տպագրարանի Մատթէոսի դպրի:

Գրքույկը լույս է ընծայել Կ. Պոլսի հանգուցյալ Զաքարիա պատրիարքի եղբոր որդի Պողոս քահանա Կաղզվանցին, իր «արդեամբ և ծախիւք և սրբագրական տպագրութեամբ, ի հայրապետութեան սրբոյ Գահին Էջմիածնի Տեառն Դանիէլի սրբազան կաթողիկոսի Ամենայն Հայոց

⁴² Ծնորդք արքեպիսկոպոս Գալուստյան, նույնը, էջ 68—64:

⁴³ Մատենադարան..., նույնը, էջ 401—402:

⁴⁴ Մատենադարան..., նույնը, ձեռ. 1888, էջ 848բ—858բ:

⁴⁵ Ցուցակ ձեռագրաց Մաշտոցի անվան Մատենադարանի, հատոր Ա, Երևան, 1970, էջ 1808: Տես նաև Լ. Ս. Ամասյան, Հայկական մատենագիտություն, հատոր Ա, Երևան, 1959, էջ XLII:

⁴⁶ Մատենադարան..., նույնը, էջ 402—418:

եւ ի պատրիարքութեան արքայ Երուսաղեմի տեառն Թէոդորոսի արքի եպիսկոպոսին Բարձրափառ հրամանաւ տեառն Յօհաննու արքի եպիսկոպոսի աստուածաբան վարդապետի և նորապապ պատրիարքի ի Կոստանդնուպոլիս

յամի փրկութեան մերոյ 1801, իսկ ի մեր թուականութեան ՌՄԾ (1250+551) 1801 ի տպագրարանի Մատթէոս դպրի»:

Վերոհիշյալ գրքուկում սուրբ Աթանասի գրած Դավթի սաղմոսարանի մեկնությունը գրավում է 5—45 էջերը:

Տպագրիչը 46-րդ էջում հրատարակել է մի հետաքրքիր համառոտ և բովանդակալից ուսումնասիրություն, «արժան է մեզ գիտել զայս, եթէ ընդէ՞ր երգօք և քաղցր նուագօք ապին սաղմոսք» թեմայի շուրջ, էջ 46—53:

Այնուհետև գրքուկում հրատարակվել է Եպիփանի «Յաղագս երգոց սաղմոսարանի առաջաբանութեանց ասացեալ» ճառը, որը գրավում է հատորի 55—69 էջերը: Դավթի սաղմոսարանի մեկնության «առաջաբանություն»-ը սկսվում է այսպես.

«Ամենայն ինչ գոր սաաց հայրն մեր Աթանաս, զոր լուեալ էր նորա ի հոգեկիր ծերոյն, բաւական համարեցայ պատմել փոքր ի շատէ և դնել ի տեղի առաջաբանի» (էջ 55)... «մտանել ի պատմութիւն սաղմոսացս և ցուցանել զբազմադէմ և զդժուարագիտ միտս սաղմոսարանիս» (էջ 56):

Սույն «առաջաբանութեան» հաջորդում է Եպիփանի սաղմոսների մեկնությունը (էջ 55—69):

Սաղմոսների մեկնությունից հետո 69-րդ էջի հիշատակարանում նշվում է, որ Եպիփանի սույն մեկնությունը «իբր ի բազում երկովք ընտրեալ և ստուգեալ է» Հաղթատի վանքում «սուրբ վարդապետ և սոփեստէս, սուրբ Ոփստին Հաղթատայ սարկաւագն»: Սույն սարկավագը (վարդապետ?) կոչվում է «այր սուրբ և տեսանող, զուարթատես և լի հոգւով... մտեալ յարկելոս գրեանցն որ ի Հաղթատ, զամենայն որոնեաց և ապա հոսկ բան զամենայն գրեանցն՝ ի ներքոյ եգիտ թարգմանչագիր սաղմոսարան ջինջ և նուաղ գրով և առեալ զայն խնդրեալքս համբորեաց և եղ ի վերայ աչաց իւրոց ապա արկեալ ձեռն ի գործ բացալայտեաց անտի զծածկեալ գաճճն և զխցեալ աղբիւրն և ցրուեալ ընդ ամենայն սահմանս Հայաստանեայց զայս օրինակ»:

Սաղմոսների մեկնությունը համարվում է «բազում բարեաց բանալի և բազմաց ըղձալի. թէ կամիս բանիցդ աշակերտել երկայնամտութեամբ իմա զգրեալոյ, զի դա՛ է լոյս աչաց, և խրատ մտաց, և սահման

պաղատանաց և աղօթական հոգևոր զթօսանք անձանձիր, և գրէթէ խօսակցութիւն ընդ Քրիստոսն մեր»:

Այլ դու ո՞ւմ անդրանիկ ոգւոյ իմոյ՝ Քրիստոսընկալ և ուսումնասէր սիրելի, ցայգացանկ աղօթական և ցերեկավարծ ժիր մըշակ, մանաւանդ խնդրող այսմ հաւատի, որ է աղ և համեմիչ ամենայն աղօթից, այս քաղցրաճաշակ սաղմոսա»:

Էջ 71-ից «Դավթի փիլիսոփայի յաղագս սաղմոսաց Դավթի» գրվածքն է, որը սկսվում է «Արդ առեալ, աւէ Սամուէլ զեղջիր իւրոյն և օծ գԴավթ թագաւոր» (էջ 71—77):

Ապա ցանկը «Դավթայ մարգարէութեանն» (էջ 78—105). (150 մարգարէություններ):

Գրքուկի 106—108 էջերում կա մի «ներքողեան վայելուչ ի սուրբ սաղմոսա», որն սկսվում է «Աստուածատունկս այս հոգիաբողքոջ բուրաստանս» բառերով: Ներքողյանի մեջ գեղեցիկ, պատկերավոր արտահայտություններով նշվում է սաղմոսների հոգևոր, բարոյական նշանակությունը: «Սաղմոս՝ զէն պատերազմողաց, վահանակցութիւն ախոյեանից, նիզակակից յաղթողաց, սուսեր անծլելի, վատնումն թշնամեաց, հերքումն հակառակորդաց, հէն հատուածելոց, պահպանութիւն տանց, զարդ եկեղեցւոյ»:

109-ից տպագրության հիշատակարանն է, որի առաջին մասը մի ներքող է՝ նվիրված տպագրիչ Պողոս քահանային, որ խնդրվում է հիշել «ի մաքուր աղօթս ձեր» Կաղզվանեցի Զաքարիա հանգուցյալ պատրիարքին, նրա երկու եղբայրներին, նրա ծնողներին, և նրա եղբոր որդի վերոհիշյալ Պողոս քահանային, որի «արդեամբ» էլ տպագրվել է Սաղմոսարանի մեկնությունը:

Գրքի 111—112 էջերում, գրքի թղթի «պարսպ»-ը լցնելու համար, տպագրվել է «զօրինակ արձանագրի տեսուն Զաքարիայ վերագրեալ վեհապետի որ ի Ղուրուշեշմ, ի ՌՄԽԸ (1248+551)», 1799 թվականին մահացել է և թաղվել այնտեղ:

Վերոհիշյալ «արձանագրի» մեջ նշվում է, որ Զաքարիա պատրիարքը Կաղզվանեցին իր ուսումը ստացել է Էջմիածնում, ապա եկել է Կ. Պոլիս որպէս նվիրակ և ընտրվել է հայոց պատրիարք: Մահացել է 1799 թվականին: Զաքարիա պատրիարքը եղել է «յոյժ ազգասէր... շինեալ զոմանս եկեղեցիս, և հիւանդանոց երկու... յոյժ նոխացոյց շատ դարատունս, յորս հաստատեաց վարժապետս ... հասոյց գեօթնեակ եպիսկոպոսս և չորեաին վարդապետս»:

Զաքարիա Կաղզվանեցին 26 տարի իր պատրիարքության օրերին եղել է Կ. Պոլ-

սի հայոց պատրիարքների մեջ մեծագույն դերերից մեկը, որպես գրասեր, շինարար, ազգասեր պատրիարք⁴⁷:

բ) Երանելոյն Եպիփանի եպիսկոպոսականի Կիպրացոյ, ասացեալ յաղագս սուրբ և Գևորգեայ տէրունական պատկերին ի դաստառակի սրբոյ⁴⁸:

Եպիփանի սույն տպագրված ճառը, ըստ հրատարակիչ Ս.-ի, (հավանաբար Մմբատյանց Մեսրոպ վարդապետի) թարգմանվել է Ե դարում. «Հաւանիմք ասել ի Մեսրոպայ կամ ի նորին աշակերտաց յեզմկայ Կողբացոյ և ի Յովսէփայ Պաղանցոյ հեղեալ ի հայկական քարքառ, հաւանական գոյն երևի գիտելի լեզու ասորոց, զի ի Միջագետս էր գրեալ գուցէ և ի Միայնակեցաց անապատին Սարմիտրիոյ»⁴⁹:

Ուսումնասիրությունից հետո՝ բնագիրը, որը և շարունակվել է «Արարատ»-ի հաջորդ համարներում, 1870 հունվար, թիվ 9, էջ 214—220, փետրվար, թիվ 10, էջ 241—243:

Եպիփանի «Յաղագս սուրբ և Գևորգեայ տէրունական պատկերին ի դաստառակի սրբոյ» ճառը սկսվում է այսպես. «Աստուածային լուսովն և երկիւղին նորում իմաստացեալ իմ տօնասիրիս, ևս և ծածկելոցն խնդրողիս, և ունիմ ճառել զանհաս հրաշից անճառելոյն իմն Յիսուսի»:

Եպիփանի սույն ճառը կարևոր է նաև մեր եկեղեցու պատմության տեսակետից: Հիսուսի անճեռակերտ դաստառակը Եղեսիա են բերել հայոց Աթոռ թագավորի պատգամավորները Երուսաղեմից, ուր գնացել էին Հիսուսին հրավիրելու Եղեսիա, արքային բուժելու համար, ըստ Գ դարի նշանավոր եկեղեցական պատմիչ Եվսեբիոսի և Խորենացու վկայության⁵⁰:

Հրատարակիչը իր ծանոթության մեջ նշում է, որ սույն ճառի երեք օրինակներ կային Էջմիածնի մատենադարանում, և «ոչ ի լոյս ածեալ մնայր ի հին ճառընտիրս ինչ», ինքը այն հրատարակելով ցանկացել է «գուշադրութիւն հնագէտ քանասիրաց ի հետաքրքրական զննութիւն, որք ունին անշուշտ քաղել զկարևոր ինչ ինչ զԱզգային

տեղեկութիւնս ի պատմական ճառէս յայմանէ» (էջ 185—186):

գ) Եպիփանի Կիպրացու մատենագրական վաստակի հայերեն տպագրված երրորդ աշխատությունը Գիրք հերձուածոց երկն է, որը «Արարատ» ամսագրում հրատարակել է Միաբանը (Գալուստ Տեր-Մկրտչյան)⁵¹:

Այս առթիվ հրատարակիչ բազմաճմուտ Միաբանը (Գալուստ Տեր-Մկրտչյան) Մայր Աթոռի «Գիրք հերձուածոց»-ի իր «Յառաջաբան»-ում (էջ 1) նշում է, որ «գրվածքի հեղինակը, ժամանակը, թարգմանիչը—որովհետև գրվածքն երևում է թարգմանական—և թարգմանության ժամանակը անհայտ են...: Եկեղեցու հարց երկասիրության մեջ խուզարկելով այս գրվածքի նախօրինակը, մենք գտնում ենք որ սա ուղղակի կամ անուղղակի կապ պետք է ունենա սրբույն Եպիփանի Կիպրացու (Դ դար) գլուխ գործոց panarium-ի կամ Հերձուածոց գրքի հետ»:

Միաբանի սույն հրատարակությունը կատարվել է Կ. Պոլսում 1820 թվականին գրված մի ձեռագրից՝ «ձեռամբ յոգմամել Սահակի» («Յառաջաբան», էջ 2):

Ս. Էջմիածնի ձեռագրաց Մայր ցուցակի № 2005 ձեռագիրը ունի հետևյալ վերնագիրը. «Հերձուածոց երևելիք այսչափ են և այսոքիկ, գոր սերմանեաց սատանա մարդիկ» (էջ 93—114): «Գիրք հերձուածոց» վերնագիրը չկա ձեռագրում, այլ մեր հատկացրածն է (Միաբան):

Սույն աշխատությունը սկսվում է այս բաներով.

«Բարբարիսմոսք, որ կոչին խուժադուծք, սկսեալ, յԱդամայ մինչև ի Նոյ, զի ոչ գոյր առաջնորդ և ամենայն ոք ըստ կամաց իւրոց գնայր»⁵²:

Եպիփանի սույն աշխատությունը նրա մատենագրական վաստակի «ամենից նշանավոր գրվածքն է», որը կոչվում է նաև «Պանարիոն» կամ «Դեղատոմի» և ուղղված է 80 աղանդների դեմ (այդ հաշվում նաև 20 հեթանոսական փիլիսոփայական դրպրոցներ) իբրև հերքում⁵³:

դ) 1902 թվականին Թիֆլիսում Ֆ. Ն. Ֆինկը հունարեն և հայերեն լեզուներով հրատարակել է «Եպիփանի եպիսկոպոսի Կիպրացոյ «Վասն նախապատիւ եկեղեցեաց իւրաքանչիւր Աթոռոց մայրաքաղա-

⁴⁷ Մաղաքիա արքեպիսկոպոս Օրմանյան, Ազգապատում, հատոր Բ, հեյրութ, 1960, Ջաքարիա Փոքույան Կաղզվանցի, 1778—1781, և դարձյալ 1782—1789, էջ 3092—3098, 3141—3143, 3150—3152, 3155—3158:

⁴⁸ «Արարատ» ամսագիր, 1869, Բ տարի, թիվ Ը, դեկտեմբեր, էջ 185—190:

⁴⁹ Նույնը, էջ 185—186:

⁵⁰ Մաղաքիա արքեպիսկոպոս Օրմանյան, Ազգապատում, հատոր Ա, մասն Ա, հեյրութ, 1959, էջ 20—22:

⁵¹ «Արարատ», 1892, բնագիր և ուսումնասիրություն, էջ 91—114:

⁵² «Արարատ», 1868—1919, Մատենագիտություն, ս. Էջմիածին, 1970, էջ 85 և Գիրք Հերձուածոց, Հրատարակություն Միաբանի, Վաղարշապատ, 1892 էջ 1:

⁵³ Կնիք. հաւատոյ, նույնը, էջ XLVII:

քաց» աշխատությունը, 55 էջի ծավալով: Հրատարակիչը Եպիփանի սույն աշխատության հայերեն առաջին թարգմանությունը վերցրել է «Էջմիածնի վանքի ձեռագրից 1696 (Կարենյանի Մայր ցուցակի 1654), թերթ 226ա—235բ»⁵⁴:

Եպիփան Կիպրացու սույն աշխատությունը ներկայացնում է Հոռնի, Կ. Պոլսի, Ալեքսանդրիայի, Անտիոքի և Երուսաղեմի պատրիարքական Աթոռների թեմական իրավասությունները, ինչպես նաև վերոհիշյալ Աթոռների ենթակա «աստիճանք միտրապալտաց արքեպիսկոպոսաց ինքնագրության», «կարգ եպիսկոպոսաց»-ը «ընդ ձեռամբ» այդ պատրիարքությունների: Հայերեն և հունարեն բնագրերը հրատարակված են դեմ-դիմաց:

«Այս համեմատությունը հեշտացնելու համար», նշում է հրատարակիչը, «տպագրական տարբերություններ է նշանակել, ինչ որ դիմաց գրվածի մեջ պակաս է, նշանակված է փակագծով, ուրիշ տեսակ տպագրություններ, որոնք նկատողության արժանի են, բաժանված են տառերով»⁵⁵:

Եպիփան Կիպրացու սույն աշխատության վերջին մասում (էջ 52) խոսվում է նաև «իշխանութիւն Հայոց Մեծաց» Աթոռի թեմական իրավասությունների մասին:

Այդ մասին կարդում ենք.

«Իշխանութիւն Հայոց Մեծաց. գիտելի լիցի այս, զի տքա ինքնագրովք են, և ոչ վճարեն ինչ յառաքելական Աթոռսն, այլ պատուի վասն սրբոյն Գրիգորի որ ի Մեծ Հայք, և առնու յաջորդ նորին յիւր եպիսկոպոսացն զձեռնադրութիւն. Եւ ունի քաղաքս և աւանս քաղումս որք պարունակին ի ներքոյ իշխանութեան կաթողիկոսին յաջորդի յԱթոռ սրբոյն Գրիգորի: Նոյնպէս և իշխանութիւնն Կիպրոսի, մնաց ի ներքոյ իւրոյ տէրունականն» (էջ 52):

Ինչպես հայտնի է, Նիկիայի ժողովի 6-րդ և 15-րդ կանոնները, ինչպես նաև Կ. Պոլսի ժողովի Բ կանոնը խոսում են կայսրության չորս «պրոֆեկտորայի» սահմաններից դուրս գտնվող եկեղեցիների մասին, որոնք կոչվում են «ալլազգի ժողովուրդների Աստուծոյ եկեղեցիներ» և որոնք պետք է ղեկավարվեն իրենց հին ավանդություններով և ինքնագրովս իրավասություններով:

«Ոչ է պարտ ի վերայ երթալ և շփոթել զեկեղեցիս այլ ըստ կանոնիցն...»: «Ալլազ-

գի եկեղեցիներ ասելով հասկանում է այն եկեղեցիները, որոնք չէին մտնում այդ «պրոֆեկտորայի քաղաքական բաժանման մեջ»: «Բայց ի պահելոյ կանոնին, որ ինչ գրեալն է իւր նահանգին ժողովն կարգաւորեցէ, որպէս հրամայեալն է ի Նիկիայ: Իսկ որք ի Բարբարոսացն ազգս եկեղեցիք Աստուծոյ՝ ենարհինէլ պիտոյ է ըստ սովորութեանց, որ կարգեալն է ի հարանց»⁵⁶:

Մեր եկեղեցին կարող ենք մոծել այս վերջին շարքը և նրա անկախությունը հեռակետել հենց Տիեզերական ժողովի այս որոշումով, որի ժամանակից 10—15 տարի առաջ, արդեն Արշակ Բ-ի օրով, բոլորովին անկախ էր հրատարակվել⁵⁷:

Այս որոշումների լույսի ներքո երրորդ Տիեզերական ժողովը, որը գումարվեց 431 թվականին Եփեսոսի մեջ, քննություն է նաև Կիպրոսի եպիսկոպոսների բողոքը Անտիոքի Աթոռի ոսոնագությունների և դատապարտում է Անտիոքի Աթոռը և որոշում է պահել եկեղեցական հնավանդ կանոնը, որը առում է. «Թող պահպանվեն հին սովորությունները և եկեղեցիների առավելությունները, և ազգային եկեղեցիների ինքնուրույնության սկզբունքը... Ամեն մի աշխարհի եպիսկոպոս չտարածի յուր իրավասությունը իր աշխարհի սահմաններից դուրս և եկեղեցիները չխառնի», «չաղազս ոչ երթալ եպիսկոպոսին յիւրմէ վիճակէ յայլ և շփոթել»⁵⁸:

Եպիփանի մասին սույն ուսումնասիրությունը շարադրելիս ձեռքի տակ չենք ունեցել Եպիփանի հայերենի թարգմանված այն գործերի հրատարակությունները, ինչպիսիք են «Եպիփանի ճառք», 1807—1808, Կ. Պոլիս, որի մեջ եղել է նաև նրա վարքը, և 1821 թվականին Վենետիկ հրատարակված «Բացատրութիւն չափոց և կշռոց նախնեաց, առաջնորդութեամբ Եպիփանու, Խորենացոյ և Ծիրակացոյ», 207 էջ⁵⁹:

Եպիփանի գործերի հայերեն տպագրությունների երկու հատվածներ էլ կան նրա «Ի Պարունակաց» կամ «Ի Պարունական խօսիցն» աշխատության հայերեն թարգմանությունից, «ասել է թե ս. Եպիփանի ամենից նշանավոր գրվածքից, որ կոչվում է «Պանարիոն» կամ «Դեղատուփ»⁶⁰:

⁵⁷ Կանոնագիրք հայոց, հատոր Ա, 1964, էջ 275—276, Հայոց եկեղեցական իրաւունք, գիրք Ա, Ծուշի, 1903, էջ 166—167:

⁵⁸ Եկեղեցական իրաւունք, Ա. գիրք, Ծուշի, 1903, էջ 167:

⁵⁹ Կանոնագիրք հայոց, հատոր Ա, էջ 274—275: Եկեղեցական իրաւունք, նույնը, էջ 166:

⁶⁰ Հայ գիրքը 1801—1850 թվականներին, էջ 97:

⁶¹ Կճիր հաւատոյ, էջ XLVII:

⁵⁴ Սույն ձեռագրի ընդարձակ նկարագրությունը տես «Հանդէս հայագիտութեան», հատոր Ա, էջ 1—32 և 97—120. Ազդ, էջ 3:

⁵⁵ Ազդ, էջ 3:

⁵⁶ Եկեղեցական իրաւունք, Ա. գիրք, Ծուշի, 1903, էջ 167:

Ա. հատված

Երանելոյն Եպիփանու եպիսկոպոսին
Կիարացոյ. «Թէ հայր և միայն ճշմարիտ
Աստուած, Միածինն և միայն ճշմարիտ,
վասնզի միայն ի միոջէ Միածինն և միայն
սուրբ Հոգին Աստուած ճշմարիտ՝ Երրոր-
դութիւնն ի միութիւն, և մի Աստուած՝ Հայր
և Որդի և սուրբ Հոգին»⁶²:

Բ. հատված

Երանելոյն Եպիփանու հարցումն և պա-
տասխանի. «Ընդէ՞ր գտաջնոցն թլփատու-

թիւնս յութերորդում հրամայեն օրէնք, և
ընդէ՞ր ոչ ի պարկեշտ վայրի, այլ ի վերայ
առականացն տայ զնշանն, որ է ամօթոյ և
ծածկութեան: Եթէ անապական ծնաւ, զի՞նչ
պարատումն թլփատութեան, զի ի բաց
առաւ, եթէ թլփատութիւնն վասն պարկեշ-
տութեան և անմեղութեան... Ընդէ՞ր և
Քրիստոս ընդունի զայս՝ այն, որ ո՛չ արար
մեղս, յորում և ո՛չ գտաւ նենգութիւն: Զի՞նչ
պարատեալն յանապականութենէն, քանզի
ի բաց առաւ՝ յանճուրակ տարաբերեալ զա-
նապականութեանն խորգ. ապա թէ ոչ՝ զի
վրիպեալ գտանի»⁶³:

⁶² Նույնը, էջ 26—31:

⁶³ Նույնը, էջ XLVII—L և 249—251:



ՀԱՅՈՑ ԵԿԵՂԵՑՈՒ ՄԵԾ ԵՐԱԽՏԱՎՈՐԸ

(Կարապետ արքեպիսկոպոս Բագրատունու ծննդյան
200-ամյակի առթիվ)

Խաչատուր Աբովյանը և Ռաֆֆին, գնահատելով մեր ժողովրդի կյանքում հայ եկեղեցու և հոգևոր իշխանությունների խաղացած դերը, բազմիցս նշել են, որ հայոց պետականության կորստից հետո կաթողիկոսները, թեմական առաջնորդները Հայաստանին տիրող տերությունների առջև ճանաչվել են հայոց ազգի ինչպես հոգևոր, այնպես էլ աշխարհիկ իշխանության ներկայացուցիչներ:

Նրանք անձնապես պատասխանատու են եղել այդ տերությունների առջև իրենց հովվապետության հանձնած համայնքի յուրաքանչյուր արարքի համար և իրավունք են ունեցել միջամտելու նրա ներքին կյանքին վերաբերող հարցերին:

Այդպես է եղել հայոց հոգևոր ղեկավարների դերը Պարսկաստանում, Թուրքիայում և հետագայում նաև Ռուսաստանում: Սակայն սակավաթիվ են հայ նշանավոր հոգևոր գործիչները, որոնք իսկապես քաղաքական հետադիմությամբ, անձնական նվիրվածությամբ և գործիմացությամբ կարողացել են հետևողականորեն պաշտպանել ու առաջ մղել ազգին հուզող հարցերը տիրող երկրների կառավարությունների առջև: Հայոց եկեղեցու այդ սակավաթիվ երջանկահիշատակ երախտավորներից են Սիմեոն կաթողիկոս Երևանցին, Հովսեփ արքեպ. Արղությանը, Ներսես Ե Աշտարակեցին, Կարապետ արքեպ. Բագրատունին, Խրիմյան Հայրիկը և ուրիշներ, որոնք իրոք երկար տարիներ հաջողությամբ կարողացել

են պաշտպանել իրենց դժբախտ հոտի իրավունքներն ու շահերը:

Հայոց եկեղեցու այդ բարձրաստիճան հոգևորականության շարքում իր բազմաբեղուն հոգևոր ու հասարակական գործունեությամբ առանձնահատուկ տեղ է գրավում Կարապետ արքեպիսկոպոս Բագրատունին (մինչև 1801 թ., վարդապետ ձեռնադրվելը՝ Հովհաննես Բագրատունի): Նա ծնվել է 1779 թվականի մայիսի 18-ին Մեծ Հայքի Բարձր Հայք նահանգի Սպեր գավառի Հունուտ գյուղում և «թոռն էր Սպեր գավառի Հունուտ գյուղի իշխան Եղիկյան Կարապետի»: Նրա հայրը՝ Գրիգոր Բագրատունին, զբաղվում էր առևտրով: Դեռ չէր լրացել Հովհաննեսի տասը տարին, երբ ժանտախտից մահացան հայրը և փոքր եղբայրը, իսկ մայրը՝ Արեգնազանը, ամուսնացավ ուրիշ մարդու հետ: Մեկ տարի անց մահացավ նաև մայրը: Հոր՝ Գրիգոր Բագրատունու թողած կարողությունն անցավ նրա աներոջ որդու և մոր երկրորդ ամուսնու ձեռքը: Փոքրիկ Հովհաննեսին խորթ հայրը խեղճ որբից խլված ժառանգության դիմաց մի մարդասիրություն արավ՝ նրան տվեց մետաքսագործի մոտ արհեստ սովորելու: Այդ արհեստը նրա սրտով չէր, ուստի 1781 թվականին փախչում է իր վարպետից և գնում Ակն: Այստեղ Հովհաննեսը թեմական առաջնորդ Միքայել արքեպիսկոպոսի մոտ դառնում է «փոքրավոր», այսինքն՝ սպասավոր: Հովհաննեսը մետաքսագործ վարպետի մոտից փախչելու հա-

մար ստացել է «ուստադան դաշան» (վարպետից փախշող), իսկ Միքայել արքեպիսկոպոսի գրքերը ծածուկ վերցնելու և ընթերցելու համար՝ «քիթաբ խրիզի» (գրքերի զող) մականունները:

որտեղ նրա Հովհաննես անունը, Հայաստանաց եկեղեցու սովորության համաձայն, վերանվանվեց Կարապետ, երևի իր պապի՝ Կարապետի անունով:

Այնուհետև Կարապետ վարդապետ Բագ-



Կարապետ արքեպիսկոպոս Բագրատունի

Տեսնելով Հովհաննեսի աչքաբացությունը, ընդունակությունը և սերը դեպի ուսումը, 1788 թվականին Միքայել արքեպիսկոպոսը նրան, իր միջոցներով, ուղարկում է Պոլիս սովորելու: Պոլսում Հովհաննեսը այն ժամանակվա Աշահավոր հայագետ ուսուցիչների մոտ սովորում է հայոց քերականություն, ճարտասանություն, աստվածաբանություն, տրամաբանություն և թուրքերեն լեզու: 1795 թվականին Հովհաննես Բագրատունին լավ վկայականներով վերադառնում է իր բարերարի՝ Միքայել արքեպիսկոպոսի մոտ, որը մի քանի տարվա ընթացքում նրան ձեռնադրում է դպիր, սարկավագ, իսկ 1801 թվականին Ակն քաղաքի ս. Գևորգ եկեղեցում՝ վարդապետ,

րատունին Միքայել արքեպիսկոպոսի կողմից Աշահավեց Կարինի և Ակնի վիճակի եկեղեցիների ու վանքերի կալվածքների կառավարիչ: Կարապետ վարդապետի կառավարիչ դառնալը և նրա Ակստմամբ որպես ուսումնական մարդու Միքայել վարդապետի ունեցած մեծ փառաճառությունը մասնավորապես և առաջացնում նրա մրցակից Հակոբ վարդապետի մեջ, բայց այդ մասին չէր կարող խանգարել նրան, քանի դեռ կենդանի էր իր մեծ բարերարը: 1804 թվականին մահանում է Միքայել արքեպիսկոպոսը: Հակոբ վարդապետը և իր կողմնակիցները աշխատում էին ժողովրդի առաջ վարկաբեկել Կարապետին, որպեսզի Հակոբ վարդապետը դառնա ոչ միայն կալվածքների կա-

նավարիչ, այլև թեմական առաջնորդ: Կարապետ Բագրատունին զգալով, որ Հակոբ վարդապետը, դառնալով թեմի առաջնորդ, կհանգարի իր գործունեությանը, 1808 թվականին մեկնում է Պոլիս և օգոստոսի 21-ին, Հովհաննես պատրիարքից նշանակվելով ուսույթան Մահմուդ II-ի (1808—1839 թթ.) հրովարտակով հաստատվելով Կարիմի թեմի առաջնորդ, վերադառնում է Էրզրում:

1811 թվականի նոյեմբերին Էջմիածնում երկրեմ կաթողիկոսը Կարապետ վարդապետին ձեռնադրեց եպիսկոպոս: Դառնալով թեմական առաջնորդ, Կարապետ արքեպիսկոպոսը բարեկարգեց Կարնո թեմի եկեղեցիների կառավարման գործը: Իր նախորդների օրով Կարիմի և Ակնի թեմի բազմաթիվ եկեղեցիներ ու վանքեր, նրանց կալվածքները հափշտակվել էին թուրք կառավարիչների կողմից: Կարապետ արքեպիսկոպոսի ջանքերով մեծ թվով եկեղեցիներ ու նրանց կալվածքները վերադարձվեցին թեմի տնօրինությանը՝ այդ թվում Էրզրումի սուրբ Աստվածածին վանքը: Նրան են վերագրվում Կարիմի Կարմիր վանքի և Խաչավանքի նորոգությունները:

Կարապետ արքեպիսկոպոսը անչափ մարդասեր ու կարեկցող էր աղքատների և թշվառների նկատմամբ: 1811 թվականին Էրզրումում տիրում էր մեծ սով: Մարդիկ սովից ստիպված ուտում էին, ինչ պատահեր՝ բույսեր, կոպտոն, մորթված անասունների աղիքներ, փորոտիք և այլն: Մի քանի մայրեր սովից փրկվելու համար իրենց երեխաներին փոխում էին մի քանի փութ զորեմի կամ գարու հետ: Այդ ծանր օրերին իր սիրելի հոտին սովի ճիրաններից փրկեց Կարապետ արքեպիսկոպոսը: Նա թեմի եկեղեցիների և վանքերի շտեմարաններում ամբարած հացահատիկը բաժանեց սովյալներին: Կարապետ արքեպիսկոպոսը սահմանափակ, մոլեռանդ կրոնավոր չէր և սովի պատճառը չէր վերագրում Աստծուն, այլ ապաշնորհ կառավարությանը և մարդկանց: Կարապետ արքեպիսկոպոսը լավ էր հասկանում, որ մարդկային բարեկեցության միակ աղբյուրը աշխատանքն է: Դրա համար թե՛ Էրզրումում և թե՛ հետագայում Սխալցիսայում նա աշխատում էր իր համայնքի մարդկանց ներգրավել հանրօգուտ աշխատանքի մեջ:

Թեմի եկեղեցիները, վանքերն ու դպրոցները մշտական հաստատուն եկամուտներով ապահովելու նպատակով Կարապետ Բագրատունին իր խնայած և ժողովրդից հանգանակած միջոցներով Էրզրումի նահանգում գնել էր ընդարձակ մարգագետիններ, արոտավայրեր և պահում էր ոչխար-

ների ու կովերի մեծ հոտեր, որոնց վաճառքից ստացված հասույթները ծախսում էր նրանց պահպանության վրա: Բացի դրանից նա Էրզրումում հիմնել էր «Ազգային գանձանակ», ուր ամեն հայ պարտավոր էր տարեկան մի փոքր գումար գցել, որից հետո Կարապետ արքեպիսկոպոսը այդ գումարից վճարում էր տեղության որոշակի հարկեր, իսկ մնացածը ծախսում էր աղքատների վրա: Այդ մասին իր օրհնության թղթի մեջ նա գրում է. «Առ ի թեթևացուցանելոյ զպահանջս բազմատեսակ հարկաց սահմանեցաք առ այն զազգային գանձանակ»:

Կարապետ արքեպիսկոպոսը համոզված էր, որ ազգի առաջադիմությունը, բարեկեցությունը կախված են նրա կրթության և լուսավորության մակարդակից: Այդ նպատակով նրա անմիջական նախաձեռնությամբ, երբ Էրզրումում դեռ չկային թուրքական դպրոցներ, բացվում է իր անունը կրող Կարապետյան վարժարանը: Այդ դպրոցը գործում էր եկեղեցու միջոցներով և մեծ դեր է խաղացել Էրզրումի հայերի բարոյակրթական կյանքում: Այդ վարժարանում տարբեր տարիներին դասավանդել են նշանավոր հայկաբան-մանկավարժներ Հովհաննես վարժապետը (Արդար մականունով), Ծաքարճյան Գրիգոր պատվելին, Կարապետ վարժապետ վանեցին, Գևորգ Տեր-Հովհաննիսյանը և Կարապետ Չմշկյանը: Աղքատների երեխաների ուսումնառությունը ձրի էր: Ամեն տարի 40 աղքատ երեխաներ ձրի սովորում, կերակրվում և հագուստ էին ստանում Կարապետ արքեպիսկոպոսի միջոցներով:

Մեծ են նաև Կարապետ Բագրատունու մատուցած ծառայությունները ուսական գործին ու արքունիքին Էրզրում քաղաքի գրավման և Էրզրում քաղաքի ու նահանգի մոտ 50 հազար հայերի գաղթի կազմակերպման և ուսական սահմաններում վերաբնակեցման գործում: 1828 թվականին ուսական գործերը Կովկասի կառավարչապետ, գեներալ, Երևանյան կոմս Ի. Ֆ. Պասկևիչի հրամանատարությամբ մեկը մյուսի հետևից գրավեցին Կարսը, Ախալքալաքը, Ախալցխան, Բալազետը, Արդահանը և 1829 թվականի հունիսին մոտեցան Էրզրումին: Ռուսների ռազմական հաջողությունների մեջ մեծ էր հայերի մատուցած ծառայությունը և նյութական օգնությունը: Կարսի, Ախալցխայի և Բալազետի ազատագրման ժամանակ հազարավոր տեղացի հայեր զենքը ձեռքերին ուսաների հետ մարտնչում էին իրենց երեկվա տիրողների դեմ:

1829 թվականի հունիսին, երբ ուսական

գործերը մոտենում էին Էրզրումին, գորահրամանատար Պասկևիչի խնդրանքով, Եփրեմ կաթողիկոսը Էջմիածնից Կարապետ, Բագրատունուն հղեց «Առաջնորդի Հայոց Կարնոյ» հասցեագրված կոնդակը, որով հանձնարարվում էր նրան հորդորել իր առաջնորդության ներքո գտնվող հայերին՝ օգնելու ռուսական զորքերին: Էրզրումի հայերին սպասվում էր «Բարթողիմեոսյան գիշեր», որը տեղի չունեցավ միայն սերասկյարի պալատ կանչված Կարապետ արքեպիսկոպոսի ճարպկության շնորհիվ: Այս կարողացել էր նախօրոք կաշառել թուրք թարգմանչին և աղավաղել կոնդակի բովանդակությունը: Թուրք փաշաների առջամբ փոխում է Էրզրումի հայերին սրի քաշելու և նախապես Կարապետ Բագրատունուն սպանելու վճիռը: Աստանը որոշում է Էրզրումի հայերին դատապարտել քաղաքի շուրջը խրամ (փոս) փորելու, իսկ Կարապետ արքեպիսկոպոսից՝ բռնագանձել 40 քիսա (22 հազար) դուրուշ: Այդ ծանր աշխատանքը տևում է մոտ չորս ամիս, և տեղի հայերը կրում են շատ զրկանքներ ու նեղություններ: Սկզբում ինքը Կարապետ արքեպիսկոպոսն էլ ժամկոչի շորեր հագած երեք օր աշխատեց իր դժբախտ ժողովրդի հետ միասին, որից հետո Ղեկի փաշայի հետ ձի նստած շրջում էր քաղաքի շուրջը և ոգևորում հայրենակիցներին: Բազմաթիվ ընտանիքներ, որոնց ամուսինները աշխատում էին քաղաքի շուրջը, օրերով մնում էին քաղցած: Դարձյալ այդ օրհասական ծանր պահին նրանց օգնության հասավ «մեծավորը» (այդպես էին կոչում Կարապետ արքեպիսկոպոսին): Նա թեմի պահեստներից բաժանում է ցորեն, ալյուր, իսկ «Ազգային գանձանակից»՝ դրամ:

1829 թվականի հունիսին, երբ ռուսները արդեն գտնվում էին Էրզրումի մատույցներում, նրանցից ահաբեկված թուրքերը փորձում էին վրեժ լուծել հայերից: Նրանց կրոնամոլ, մոլեռանդ մոլլաները հրապարակներում քարոզում և հրահրում էին իրենց հավատակիցներին անխնա ջարդել «գալուրներին»: Այդ ընդհանուր արհավիրքի օրերին Կարապետ արքեպիսկոպոսը, կատաղած թուրքերի վրեժխնդրությունից փրկվելու համար, հարկադրված էր քաղցած ու ծարավ, երեք օր ու գիշեր անցկացնել Մանեռլյանի խնավ մկուղում: Հենց այդտեղից էլ նա մի նամակ ուղարկեց գեներալ Պասկևիչին մաքսատան բեռնակիր ֆերմանի միջոցով:

Այդ նամակում նա հրամանատարին հաղորդում է Էրզրումի քրիստոնյաների ծանր վիճակի մասին և միաժամանակ խոր-

հուրդ տալիս նրան, թե ո՞ր ճանապարհով, ո՞ր ուղղությամբ պետք է հարձակվել քաղաքի վրա, որպեսզի հեշտությամբ գրավվի այն: Այդ նամակը Պասկևիչի առաջ կարդաց և թարգմանեց ռուսերենի Սերովբե վարդապետ Կարնեցին:

1829 թվականի հունիսի 27-ի երեկոյան ժամը 3-ին քաղաքից ուղարկված թուրքական պատվիրակությունը ս. Նշան լեռան մոտ Էրզրումի բանալիները հանձնում է գեներալ Պասկևիչին: Կարապետ արքեպիսկոպոսը ձի նստած, վարժապետ Գրիգոր Ծաքարճյանի ուղեկցությամբ, բարձրանում է սուրբ Նշան լեռ, օրհնում ռուսական զորքի հաղթական մուտքը Էրզրում և մոտենում Պասկևիչին, որն ընդառաջ գալով համբուրում է խաչը ու գրկում նրան: Հունիսի 27-ի երեկոյան ժամը 8-ին, Պոլտավայի ճակատամարտի փառապանծ տարեդարձի օրը, ռուսական զորքերը Պասկևիչի առաջնորդությամբ և Կարապետ արքեպիսկոպոսի ուղեկցությամբ մտնում են Արևմտյան Հայաստանի նշանավոր կենտրոն Էրզրում քաղաք: Հունիսի 7-ին Էրզրումի գրավման առթիվ Պասկևիչը կազմակերպում է շքեղ գորահանդես և ժողովրդական տոնահամբույրումներ, որոնց մասնակցում են քաղաքի հայությունն ու հոգևորականությունը՝ Կարապետ արքեպիսկոպոսի գլխավորությամբ: Երեկոյան սերասկյարի պալատում կազմակերպվում է ճաշկերույթ, որին մասնակցում են ռուս հրամանատարները, Էրզրումի գրավման ականատես, ռուս մեծ բանաստեղծ Ա. Ս. Պուշկինը, Կարապետ արքեպիսկոպոսը, հայ կաթողիկ համայնքի առաջնորդ Եփրեմ վարդապետ Սեթյանը և Սերովբե վարդապետ Կարնեցին:

1829 թվականի սեպտեմբերի 2-ի Ադրիանապոլսի պալատագրով Կովկասում Ռուսաստանին անցան Սև ծովի արևելյան ափերը, Ախալցխայի փաշայության մի մասը, Ախալցխա և Ախալքալաք քաղաքները, իսկ Էրզրումի, Բայազետի և Կարսի փաշայությունները վերստին վերադարձվեցին Թուրքիային:

Ռուս-թուրքական պատերազմը չարդարացրեց Ռուսաստանի օգնությամբ Արևմտյան Հայաստանը թուրքական լծից ազատագրելու հայ ժողովրդի փաշտպան դավադր հույսերը: Ադրիանապոլսի դաշնագրի լուրը ծանր հարված էր ռուսների կողմից գրաված ու Թուրքիային վերադարձվող փաշայություններում ապրող հայության համար: Դաշնագրից դժգոհ մնացին ոչ միայն արևմտահայերը, որոնք դրա համար քարոջական հիմք ունեին, այլև առաջին հերթին ինքը Պասկևիչը:

2-նալսած Ադրիանապոլսի պալմանագրի յոթերորդ և տասներկուերորդ հոդվածներով օսմանկան կառավարությունը պարտավորվում էր ապահովել իրեն վերադարձված գավառներում ապրող քրիստոնյաների խաղաղ կյանքն ու հավատը, սակայն խոստումների ուժն ու հուսալիությունը Թուրքիայի նման քարքարոտական երկրում հայտնի էր հա՛երին: Կարապետ արքեպիսկոպոսը, քան որևէ մեկը, լավ գիտեր թուրքական կառավարության քաղաքականության մութ ծալքերը, որ ոռոսական զորքերի հետանալուց հետո հայերի վիճակը ավելի պիտի վատանա, նրանք ոռոսներին ցույց տված օգնության համար զոհ պիտի գնան մոլեռանդ թուրքերի վրեժխնդրությանը, ուստի բանակցելով գեներալներ Պասկևիչի և Պանկրատովի հետ «հրավեր» կարդաց իր ժողովրդին՝ ոռոսական զորքերի հետ միասին գաղթել Ռուսաստան: 1829 թվականի դեկտեմբերի 15-ին Էրզրում քաղաքի և նահանգի հայության անունից Կարապետ արքեպիսկոպոսը և 29 պատվավոր քաղաքացիներ իրենց ստորագրություններով ու կնիքներով մի աղերսագիր ներկայացրին Պասկևիչին, որով խնդրում էին թույլատրել գաղթել ու իրենց որպես բնակության վայր հատկացնել Ախալցխան ու նրա գավառը: 1830 թվականի մայիսի 15-ին Կարապետ արքեպիսկոպոսը ընդմիջում թողեց պատմական հարձըր Հայք նահանգը: Նրա հորդորներով ու անմիջական առաջնորդությամբ 1830 թվականին Էրզրում քաղաքից և նահանգի հարյուրավոր գյուղերից, ճանապարհին բազում նեղություններ կրելով, մոտ 50 հազար (7298 ընտանիք) հայեր գաղթեցին և բնակություն հաստատեցին Ախալցխայում, Ախալքալաքում, Ծալկայում, Լոռի-Փամբակում և Ծիրակում:

Էրզրումի և նահանգի հարյուրավոր գյուղերի միանգամից հայաթափ լինելը խիստ անհանգստացրեց թուրքական կառավարությանը: Նա չէր սպասում, որ հայերը, կամավոր կերպով, զանգվածաբար լքեն իրենց դարավոր հայրենիքը, հարազատների թարմ շիրիմները: Թուրքական արքունիքը դիմեց Պոլսի ոռոսական դեսպան Օռլովին, բողոքելով, որ Կարապետ արքեպիսկոպոսը հայերին բռնությամբ է գաղթեցնում: Գաղթը խափանելու համար թուրքական սուլթանը Պոլսի հայոց պատրիարքարանի միջոցով Կարապետ արքեպիսկոպոսին զրկեց թեմի առաջնորդի պաշտոնից և գաղթը խափանելու համար Էրզրում ուղարկեց նոր առաջնորդ Բարթոլոմիոս Եպիսկոպոսին, որին բոլոր գաղթականներն էլ պատասխանում էին՝ «Եթե անգամ Քրիստոսն ինքն իջնի

երկնքից, որպեսզի ներշնչի մեզ մնալ թուրքական տիրույթներում, մենք նրա խորհրդին էլ չենք հետևելու» (Բանբեր Երևանի համալսարանի, 1973 թ., № 2, էջ 214): Բազմավաստակ Լեոն, բարձր գնահատելով Կարապետ արքեպիսկոպոսի ունեցած հեղինակությունը և ազդեցությունը գաղթանակների վրա, գրում է. «Մի քան սակայն ճիշտ էր... եթե Քրիստոսի տեղ Կարապետ արքեպիսկոպոսը դուրս գար քաղաքային առաջ և ասեր՝ ժողովուրդ, ետ դարձիր, ամենքն էլ հյու հնազանդությամբ կկատարեին այդ հրամանը: Բայց ժողովուրդը չէր վերադառնում, գնում էր, որովհետև չէր վերադառնում և գնում էր Կարապետ արքեպիսկոպոսը, որը մահալանդ այժմ դարձել էր այդ ժողովրդական հոծ զանգվածների հոգու և մտքի տերը» (Լեո, Հայոց պատմություն, Նորագույն շրջան, մաս 2-րդ, Երևան, 1927 թ., էջ 242—243):

Գաղթի ժամանակ Կարապետ Բագրատունու ջանքերով Էրզրում քաղաքի և նահանգի գյուղերի եկեղեցիներից ու վանքերից հավաքվել և Ախալցխա է տեղափոխվել հոգևոր-մշակութային մեծ արժեք ներկայացնող 486 կտոր (13 սալ) եկեղեցական սպասքներ, անոթներ, մատուցներ, ձեռագրեր ու գրքեր (111 խաչ, 7 սկիհ, 17 սաղավարտ, 6 բուրվառ, 7 մետոնատուփ, 62 արժաթապատ Ավետարան, 4 փութ արձաթեղեն), որոնք գեղեղվել են 1835—1837 թվականներին նրա նախաձեռնությամբ Ախալցխայում կառուցված սուրբ Փրկիչ հույակապ եկեղեցում:

Կարապետ արքեպիսկոպոսը բեղմնավոր տնտեսական, հասարակական և հոգևոր-մշակութային գործունեություն ծավալեց նաև Ախալցխայում և Ախալքալաքում՝ գաղթականների և նրա բնակավայրերում բնակեցնելու և նյութապես օգնելու գործում: Նրա անմիջական նախաձեռնությամբ 1830 թվականին հիմնադրվել է Ախալցխա քաղաքի աջափնյա մասը՝ պլանը, և հարյուրից ավելի գյուղեր ու մոտ 60 եկեղեցի: Էրզրումի Կարապետյան վարժարանի փոխարեն 1831 թվականին Կարապետ արքեպիսկոպոսը Ախալցխայում, թուրքական մզկիթում, բացեց Կարապետյան դպրոցը, որը հետագայում փոխադրվեց նրա միջոցներով 1842—1844 թվականներին կառուցված երկհարկանի բարաշեն շենքը: Անդրկովկասում Կարապետյան դպրոցն իր մշակութային նշանակությամբ երկրորդն էր Ներսիսյան դպրոցից հետո: Այնուհետև նրա օգնությամբ 1836 թվականին Ախալցխայում հիմնադրվեց սուրբ Մեսրոպյան արական դպրոցը:

1831 թվականից մինչև 1835 թվականը,

այսինքն գաղթի առաջին հինգ տարիներին, Կարապետ արքեպիսկոպոսի կյանքը ներկայացնում է մեզ վշտերով, տանջանքներով ի մի պատկեր, նյութական և բարոյական մարտիրոսություն: Հինգ երկար ու ձիգ տարիներ մա հանգիստ չունեի իր գաղթական հողի անթիվ և անհամար, իրավացի ու անիրավացի, տեղին ու անտեղի պահանջներից, բողոքներից, զանգաստներից և մինչև անգամ հայհոյանքներից: Հատկապես ծանր վիճակ էր ստեղծվել Էրզրումից Ախալցխա գաղթած մոտ երեք հազար ընտանիք առևտրականների, արհեստավորների ու սևագործ բանվորների համար: Ախալցխայում սպառողներ և հումք չլինելու պատճառով նրանք անգործության մատնվեցին ու խիստ սնանկացան: Նրանց չփրկեց ո՛չ կառավարության բաց թողած դրամական նպաստը, ո՛չ էլ վերջին կահկարասիների վաճառքը: Ոմանք մինչև իսկ զանազան պատրվակներով նորից վերադարձան Էրզրում կամ ուղղակի դիմեցին փախուստի: Այսպիսի հազարավոր բողոքները և տրտմանքները հետզհետե աճելով ու սաստկանալով պատճառ դարձան հրապարակային այն ցուցին, որ գաղթականները, հատկապես ստորին խավերը, իրենք թշվառության համար մեղավոր համարելով իրենց բարեբարին՝ Կարապետ արքեպիսկոպոսին, ոգում էին իրենց գայությունը թափել նրա գլխին: 1834 թվականի սեպտեմբերի 23-ին սրբով, դանակներով և կացիններով զինված արք ու կանայք խառն բազմությամբ խնուցի Մկրտիչ հազարապետի առաջնորդությամբ շարժվում են դեպի Ռաբատ, «մեծավորի խուցը», նրան սրախողխող անելու: Հեռվից տեսնելով, որ այդ բազմությունը շտապում է դեպի իր տունը, Կարապետ արքեպիսկոպոսը անվրդով, մահն աչքերին, ընդառաջ է գնում նրանց և քերդից իրեն օգնության եկած ռուս զինվորների մասնակցությամբ, առանց արյունահեղության, զինաթափում կատաղած ամբոխին: Կարապետն իր հոտի վրա ազդելու և սանձելու համար մի գեներ ուներ՝ դաճարտասանության և հոնետորական արվեստին լավ տիրապետելն էր: Կատաղած գաղթականներին խաղաղեցնելով նրանց հրավիրեց Դաշդանի եկեղեցի և սկսեց մի քարոզ, որի ամեն ցողից կաթում էր ցատում ու կարեկցություն, հանդիմանություն և բարի խրատ, և որը ապացուցում էր կյանքի բարօրության մասին նրա ունեցած միանգամայն ճիշտ հայացքները: Մանրամասն նկարագրելով իր համայնքի արած չարություններն ու անկարգությունները Էրզրումում, հիշեցնելով նրանց պատճառով իր

կրած բազում վշտերն ու տառապանքները, ակներև դարձնելով նրանց նկատմամբ իր հայրական հոգատարությունը և մշտական պատրաստականությունը Կարողության սահմաններում օգնելու նրանց, Կարապետ արքեպիսկոպոսը խիստ հուզված ու արտաբանաբար աչքերով կշտամբեց այդ անմիտ թշվառներին, հասկացնելով, որ մի մարդու մի «մեծավորի» ուժերից վեր է նրանց բոլորին իրենց սրտի ուզածի համեմատ բավականություն տալ, փոխանակ իրենց ձեռքերն ու խելքը աշխատեցնելու, քան թե ամեն ժամանակ իրենց հույսը դնել մի դժբախտ «մեծավորի» վրա: Կարապետ հազարատունին իր ատենաբանությունը վերջացրեց հետևյալ սրտառու բառերով. «Մի յուսալք ի մարդիկ և ի գործությունն անցին, այլ յուսացէք յԱստուած և յողորմութիւնն Առա... Բոտամբք երեսաց քոց կերիցես զհաց քոյ»: Այս կրակոտ քարոզով մա կարողացավ խաղաղեցնել դժբախտ գաղթականների գայությունը, որոնք ծունկ չոքելով նրա առաջ, ներողություն խնդրեցին՝ իրենց հետ տանելով պատկառելի ծերունու աչքերից թափած արտասուքները որպես «ի խայթ» և ի կշտամբանս սրտի ու խղի»:

Իր հոտի երեսից կրած բազում տառապանքների ու վշտերի մասին Կարապետ արքեպիսկոպոսը հիշատակում է իր այն «օրհնության» թղթի մեջ, որը 1856 թվականի մայիսի 23-ին, վախճանվելուց մի քանի օր առաջ, ուղղել էր «պատվարժան բահանայից, բարեճնունդ աստիճանավորաց, արժանահարգ իշխանյաց, բազմաշխատ ուստաբաշաց և արհեստավորաց՝ գաղթականաց Կարնո վերաբնակվելուց Ախալցխա»: «Նախնիք Ձեր,—գրում է նա,— և հարք գիտեին քաջ և բազումք ի ձեռք որք գիտեն և ակամատես եղեալ են ինքեանք, խոտովանեցեն, զի ես որքանեաց վշտուց և տառապանաց տարի լերկրին Օսմանեան լերեաց յայնժամեան խստաբարոյ մահմեդականագ, թշնամեագ քրիստոնէական աբեամբ գնեալ մերս Սուրբ եկեղեցոյ: Քանի քանիցս յատեան անողորմ սպարապետաց անցին և վեզիրաց մահու չարի կրեցի դառնութիւնս ըստ պարտաւորութեան իմում ի սեր սիրելեացդ իմոց և որդեգր հարազատիս» («Փորձ», 1876 թ. № 1, էջ 173):

Բացի այդչափ քարոչական հարվածներից, Կարապետ արքեպիսկոպոսը շատ անգամ ստիպված էր մեծամեծ նվեռներ տալ այս կամ այն ընչաքաղց փաշային, վեզիրին կամ մոլեռանդ մոլլային, ոտոճ կարող էին որևէ վնաս պատճառել իր հոտին: Էրզրումում շատ պաշտոնատար անձինք զանազան չնչին պատճառներով աշխատում

Էին նրանից մի բան պոկել, և նա հարկադրված էր բավականություն տալ բախտախնդիրներին՝ հանուն հայ համայնքի անդորրության:

Էրզրումի թեմի առաջնորդ, նշանակվելու օրից մինչև մահ Կարապետ արքեպիսկոպոսը իր նպատակն է համարել հաստատուն եկամուտով ապահովել՝ ա) եկեղեցին, բ) Կարապետյան դպրոցը, որին նա անվանում էր «գալիթ եկեղեցու», գ) աղքատացնող: Այդ երեք վեճ նպատակներն էլ նա ուր եղել է, անձնվիրությամբ և հաջողությամբ առաջ է տարել: Նրա միջոցներով հազարավոր երեխաներ կրթություն են ստացել, նրա պաշտպանությամբ և հովանավորությամբ հարյուրավոր գաղթականներ հասել են քաղաքացիական և զինվորական բարձր պաշտոնների:

Կարապետ արքեպիսկոպոսը, օգուտ քաղելով ժամանակից և Թուրքիա փախած թուրքերի թողած կալվածքների էժանությունից, Ախալցխայում գնեց դատարկ տրեքներ, խանութներ, կրպակներ, իսկ գավառի Կարծախ, Դաղեշ, Խոզաքին, Խավետ, Կոնձոա, Կանաթխև, Ծիրա, Գոգաշեն, Կարավ, Բալաթուրան գյուղերում՝ վարելահողեր, արոտավայրեր, մարգագետիններ, որտեղ, ինչպես անում էր Էրզրումում, պահում էր անասունների հոտեր, որոնց վաճառքից ստացված հասույթները ծախսում էր սուրբ Փրկիչ եկեղեցու, Կարապետյան դպրոցի և աղքատների վրա:

Ինչպես Էրզրումում, այնպես էլ Ախալցխայում Կարապետ արքեպիսկոպոսը հետևողականորեն պայքարել է իր հայրենակիցների քաղաքացիական իրավունքների և արտոնությունների համար: Նա կարողացավ հասնել այն բանին, որ Ախալցխայի նոր թաղամասում բնակվեց միայն Էրզրումից գաղթած հայերը, աղքատ գաղթականների համար տներ կառուցել պետության հաշվին և գաղթական-առևտրականների ներմուծած ապրանքներից մաքս չվերցնել: 1831 թվականի հունվարի 10-ին հատուկ գրությամբ դիմեց Պասկևիչին՝ խնդրելով գաղթականների համար հիմնել ազգային դատարան և վերականգնել անվանի տոհմերի ժառանգական, ազնվականական տիրույթները և իրավունքները: Պասկևիչին նա գրում է. «Եթե բարեհաճեցի տերութիւն հաստատել ի մէջ նոր քաղաքին ազգային իրաւարան ինչ որ ունիցի իրաւունս դատելու զամենայն պակասաւորս և զդատելիս ըստ ծեսից ազգին յամենայն իրս կրօնական, քաղաքական և վաճառական, բացի ի մեծագոյն քրէական յանցանց, որք պատշաճին տերութեան դատարանին: Ոմանք

տունք ծանուցեալ էին ի մէջ օսմանցոց որպէս երեւիք ազնուատոհմք և պատուելիք. խնդրանք, զի նոյն արտօնութիւն ունիցին և այժմ ի մէջ բարերար և հայրենախնամ տերութեան ռուսաց թէ ինքեանք և թէ սերունդք նոցա» (Հանքեր Հայաստանի արխիվների, 1978 թ., № 2, էջ 143): Պասկևիչին փոխարինող Կովկասի նոր կառավարչապետ բարոն Ռոզենը մերժեց Կարապետ արքեպիսկոպոսի խնդրած այս արտոնությունները:

1837 թվականի հունվարի 20-ին Կարապետ արքեպիսկոպոսը Հովհաննես Կարբեցի կաթողիկոսի կողմից նշանակվեց և Նիկոլայ I-ի կողմից հաստատվեց Վրաստանի և Իմերեթիայի հայոց թեմի առաջնորդ ու այդ պաշտոնում մնաց մինչև մահ:

1837 թվականի սեպտեմբերին Կարապետ արքեպիսկոպոսը Ախալցխայում ջերմ ու սիրալիր ընդունելություն ցույց տվեց Անդրկովկասի իր նորանվաճ երկրամասերն այցի եկած Նիկոլայ I կայսրին: Ռուսական զորքին և Էրզրումի հայերի գաղթին մատուցած ծառայությունների համար կայսրը ցանկանում է իմանալ, թե նա ինչ է խընդրում. Կարապետ արքեպիսկոպոսը կայսրին պատասխանում է. «Այս մի բուն քո նոր հպատակ ժողովուրդը պահպանեցի և պաշտպանեցի իմ թույլ ուժերով, մինչև քերի քո հզոր թևերի տակ. այնուհետև, մեծ արքա, դու եղիր սոցա հայրը և պաշտպանը. իմ հայ ազգը քեզ եմ հանձնում և քեզ՝ Աստծուն» («Փորձ», 1876 թ., № 1, էջ 190): Ընդառաջելով Կարապետ արքեպիսկոպոսի ցանկությանը, Նիկոլայ I-ը ևս մեկ տարով երկարաձգեց Ախալցխայի, Ախալքալաքի և Ծալկայի գաղթականների հարկերից ազատ լինելու արտոնյալ ժամկետը:

1846 թվականի հունիսի 9-ին Կարապետ արքեպիսկոպոսը Էջմիածնում Ներսես Աշտարակեցուն օժեց կաթողիկոս որպես երիցագույն արքեպիսկոպոս: Այդ օրվանից նրանց միջև սկսվեց ներքին պայքար Վրաստանի թեմի եկամուտների և Կարապետի անձնական սեփականության շուրջը: Ներսես Աշտարակեցին ուզում էր, որ Կարապետը, իր թեմի դրամական հաշիվներով ու եկամուտներով, անվերապահ ենթարկվի նրան (մի բան, որ ինքը Ներսեսը, երբ Վրաստանի թեմի առաջնորդն էր, հաշվետու չեղավ Եփրեմ կաթողիկոսի առաջ): Այդ պայքարն այնքան սրվեց, որ Կարապետ արքեպիսկոպոսն ստիպված 1848 թվականի հոկտեմբերին թողեց Թիֆլիսը և վերադարձավ Ախալցխա՝ դեպի իր «սիրելի գաղթական ժողովուրդը»: Վրաստանի թեմի և Կարապետի հիմնադրած կոնսիստորիայի

դեկավարությունը Ներսես Աշտարակեցիին վերցրեց իր ձեռքը: Նա Վրաստանի թեմից հսկայական գումարներ տարավ, որով կառուցել տվեց Էջմիածնի լիճը և տնկեց անտառ: Ներսեսն իր հայածանքները շարունակեց նաև Ախալցխայում: Նա բռնությամբ վերցրեց Կարապետ արքեպիսկոպոսի կառուցած առանձնատունը, Կարապետյան դպրոցի և Տալքի հոգևոր կառավարության դեկավարությունը: Հայածանքի էին եմթարկվում նաև Կարապետի քարեկամները: Հետագայում Ներսեսն զգաց իր սխալը և հիշաշարությունը, որին մղում էին նրան շրջապատող նախաձեռնարդիկ: 1850 թվականին Ներսես Աշտարակեցիին, հաշտվելու նպատակով, Մակար վարդապետին (ապագա Մակար կաթողիկոսին) ուղարկեց Ախալցխա՝ Կարապետ արքեպիսկոպոսին հրավիրելու Էջմիածին, բայց վերջինս հրաժարվեց ներկայանալ: 1852 թվականին Ներսես Ե կաթողիկոսն ստիպված ինքն եկավ Ախալցխա, իջևանեց Կարապետի տանը և նորից նրան հրավիրեց Էջմիածին: 1853—1856 թվականների ոռոգողական պատերազմը խանգարեց Կարապետ արքեպիսկոպոսին իրագործելու իր ուղևորությունը դեպի Էջմիածին: Այդ տարիներին նա օգնում էր ոռոսական զորքերին, որոնց հրամանատարն էր հայազգի գեներալ-լեյտենանտ Բ. Հ. Բեհրովսկին, պաշտպանելու Ախալցխան թուրքական զորքերի ներխուժումից:

Կարապետ Բագրատունին վախճանվեց 1856 թվականի հունիսի 3-ին, Ախալցխայում: Նա թաղված էր իր նախաձեռնություններով կառուցած Ախալցխայի սուրբ Փրկիչ եկեղեցու գավթում: Նրա կենսագիր Հովակիմ (Շղիշե Վարդապետ) Գեղամյանը 1876 թ. «Փորձ» ամսագրում գրում է, որ Ախալցխայի սուրբ Փրկիչ եկեղեցու գավթում գտնվում է մի անշուք գերեզման, որի շիրմի վրա չկա ոչ մի գիր և հիշատակություն: Այդ տապանաքարի տակ մինչև 1953 թվականը հանգչում էին «Կարապետ արքեպիսկոպոսի ոսկորտիքը»: Այդ, Կարապետ արքեպիսկոպոս Բագրատունու ոսկորները չարժանացան ավանդական դարձած «հանգրստություն» ոսկորների» մաղթանքին: Նրա աճյունը տեղափոխվեց և ամփոփվեց քաղաքային գերեզմանատանը: 1956 թվականին՝ մահվան 100-ամյակի օրը, Ախալցխայի երախտագետ հայությունը նոր հուշարձան կանգնեցրեց իր սիրելի, քաղմաշարչար «մեծավորի» գերեզմանին:

Ռուսական կառավարության և Էրզրումի

հայերի գաղթին մատուցած մեծ ծառայությունների համար 1830 թվականի հոկտեմբերի 20-ին Կարապետ արքեպիսկոպոս Բագրատունին պարգևատրվել է սուրբ Աննայի առաջին աստիճանի շքանշանով:

Անուրանալի է Կարապետ արքեպիսկոպոսի մատուցած ծառայությունները, վաստակը հայոց եկեղեցուն, ոռոսական կառավարությանը և մոտ 50 հազար Էրզրումի հայերի գաղթի կազմակերպման գործում: Նա հայ և ոռոս ժողովուրդների դարավոր բարեկամության առաջին ջատագույներից է: Նրան երախտագիտությամբ են հիշել և հիշում Էրզրումի գաղթականների բոլոր անցյալ և ներկա սերունդները, որպես մեծ հայրենասերի և իր հովվապետության հանձնած հոտի բարեկեցության, կրթական և հոգևոր-մշակութային գործին նվիրված անխոնջ գործչի:

Ամսագրային մեկ հոդվածում հնարավոր չէ ցույց տալ Կարապետ Բագրատունու քաղմամյա և քաղմաքեղում գործունեությունը: Մեր հոդվածն ավարտում ենք մեծ լուսավորիչ Խաչատուր Աբովյանի հայոց եկեղեցու մեծ երախտավորին ձոնած «Առ զալուստ նորին քարձր սրբազնության տեսուն Կարապետ արքեպիսկոպոս Վրաստանի և Տալք» հայտնի քանաստեղծության տողերով.


Շոհնչ հողմաձայն եմ երգ գովութեանց,
Որք Քեզ ձայնեցան ի խուն ամբոխից,
Անդ միայն յագուրդ հետաքննին աչաց
Էր նոր տեսութիւն հիւրոցդ եկամտից...

Պատուար փրկութեան ազգին վշտահար
Տեսուչ և պաշտպան անյոս զաւակաց,
Յորոց երկամբեր թիկունս նեղահար
Բեռնեալ՝ ճնշէ ձեռն ժանդ ժամանակաց...

Անմահից պատկեր, պսակ քո դարու
Հայցեմ լինել Քեզ հովիւ քաջազուն.
Թողույ յանմոռաց սիրտս շնորհակալու,
Ազգաշէն ճգանց՝ անջինջ աստ զարձան:

Մարդասէր սրտիդ Քում ձայն նեղելոց
Լիցի զգալի յաւէտ քան զնցայն,
Որք անկուշտ ըղձից, անձնագուրդ շահոց
Զոհեն անպատկառ զփառս ազգին
համայն...

Օրհնեսցին նորա սուրբ կամք գթառատ՝
Որ ընդ վիշտս ազգին խնամօք գթացեալ
Ընտրեաց զՔեզ՝ լինել Հայր երախտապարտ
Զնորայն համօրէն գորդիս որբացեալ:



ՎԵՐԱՆՈՐՈԳՈՒԹՅՈՒՆՆԵՐ ԹԲԻԼԻՍԻԻ ՀԱՅՈՑ Ս. ԳԵՎՈՐԳ ԵԿԵՂԵՑՈՒՄ

11 սեպտեմբեր 1978 թվականի պաշտոնական գրությամբ, ուղղված Վեհափառ Հայրապետին, վրահայոց թեմի առաջնորդ տ. Գևորգ եպս. Սերադարյանը ներկայացրել էր մի զեկուցագիր Թբիլիսիի հայոց ս. Գևորգ Մայր եկեղեցում մույն տարվա ընթացքում կատարված վերանորոգչական աշխատանքների մասին:

1978 թվականի փետրվար 21-ի գրությամբ առաջնորդ արքայազանը մանրամասնորեն Վեհափառ Հայրապետին էր ներկայացրել 1977 թվականին վրահայոց բոլոր եկեղեցիներում կատարված շինարարական աշխատանքները և ս. Գևորգ եկեղեցու տարվող հիմնական վերանորոգությունները (Տես «Էջմիածին» ամսագիր, 1978 թ., № Գ, էջ 62—63):

Ներկա զեկուցագրից պարզվում է, որ արդյունավետությամբ շարունակվել է ս. Գևորգ եկեղեցու վերանորոգությունը: Հիմնովին վերանորոգված և բարեկարգված են եկեղեցու հիմքերը, որոնք այլևս ամբողջությամբ պաշտպանված են խոնավության դեմ: «Եկեղեցի ներծծվող խոնավությունը լրիվ կասեցված է»: Վերանորոգվել է ամբողջությամբ եկեղեցու տանիքը մոր թիթեղներով:

Ներքին վերանորոգությունների ընթացքում հատնաբերված են չորս մեծադիր և երկու փոքր ծավալի որմնանկարներ: Մեծադիր որմնանկարները հետևյալներն են.

ա) Հարավային սյան վերևում՝ ս. Գարիել հրեշտակապետը՝ «Ավետման ծաղիկը ձեռքին, Հորդանան գետի տեսարանով»:

բ) Հյուսիսային սյան վերևում՝ ս. Միքայ-

լել հրեշտակապետը՝ «գինված սրով և վահանով»:

գ) Արևմտյան պատի հարավային մասում՝ «Ադամի և Եվայի դրախտային կյանքի տեսարանը, մեղանշումից առաջ»:



Ս. Միքայել հրեշտակապետ

դ) Արևմտյան պատի հյուսիսային մասում՝ «Աղամի և Եվայի դրախտից արտաքսման պատկերը՝ մեղանշումից հետո»:

Իսկ փոքր ծավալի որմնանկարներն են.


ա) Հարավային պան վրա՝ ս. Գրիգոր Նարեկացու «Մատենան ողբերգության» գիրքը բաց վիճակում:

բ) Հյուսիսային պան վրա՝ ս. Էջմիածնի Մայր տաճարը և Արարատ լեռը:

Բոլոր որմնանկարները մաքրված են և վերանորոգված: Այսպիսով, ս. Գևորգ եկե-

ղեցու նորահայտ որմնանկարների թիվը բարձրացավ 18-ի:


Վեհափառ Հայրապետին մատուցելով վրահայոց թեմի ժողովրդի որդիական ազնիվ զգացումներն ու հարգանքները, տ. Գեվորգ եպս. Սեբաստիայանը վերջացնում է իր զեկուցագիրը՝ նշելով, որ թեմը մշակում է «եկեղեցուն հարակից շինությունների վերանորոգության նոր ծրագրեր և», որոնք հանձնվելու են Նորին Սուրբ Օծության «բարձր նկատառմանը»:




Սաղմոսերգու Դավթի հաղածվելը Սափուղ թագավորից



Նարեկ





ԷԿՈՒՄԵՆԻԿ

ԿՅԱՆՔ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ
ԿԵՆՏՐՈՆԱԿԱՆ ԿՈՄԻՏԵԻ 31-ՐԴ ՆՍԱԾՐՋԱՆԸ
ՃԱՄԱՅԿԱՅՈՒՄ

Ծամայկայի Եկեղեցիների խորհրդի հրավերով 1979 թվականի հունվարի 1—11-ը, Կինգատոնի համալսարանական թաղամասում, Եկեղեցիների համաշխարհային խորհրդի Կենտրոնական կոմիտեի նախագահ ղոկտոր Էդվարդ արքեպ. Սկոտի և նախագահի տեղակալ տիկին Ժեան Սկյուզեի ղեկավարությամբ տեղի ունեցավ ԵՀԽ-ի Կենտրոնական կոմիտեի 31-րդ նստաշրջանը:

Նստաշրջանին Հայաստանյայց առաքելական եկեղեցու անունից մասնակցում էին ԵՀԽ-ի Կենտրոնական կոմիտեի անդամներ տ. Ծաֆե արքեպ. Աճեմյանը և տ. Արսեն եպս. Բերբերյանը:

Նստաշրջանին ներկա էին Հոռմեական կաթոլիկ եկեղեցու և համաշխարհային քրիստոնեական ալլ կազմակերպությունների ներկայացուցիչներ, խորհրդականներ, դիտորդներ:

Կենտրոնական կոմիտեի նստաշրջանի բացման նախօրյակին, 1978 թվականի դեկտեմբերի 31-ին, համալսարանի մատուռում ժամը 23-ին կատարվեց Նոր տարվա ծաներգություն:

Հաջորդ առավոտյան, նույն մատուռում, նստաշրջանի բացման առթիվ կատարվեց Էկումենիկ ծաներգություն, որից հետո լիա-

գումար միստերի դահլիճում կայացավ Կենտրոնական կոմիտեի սույն նստաշրջանի պաշտոնական բացումը:

Նիստի մասնակիցներին ջերմորեն ողջունեց Ծամայկայի Եկեղեցիների խորհրդի նախագահ հայր Սեմ Ռեդը:

Սկզբում լուծվեցին նստաշրջանի կազմակերպչական աշխատանքների հետ կապված հարցեր, ապա հաշվետու զեկուցումով հանդես եկավ Կենտրոնական կոմիտեի նախագահ ղոկտոր Էդվարդ արքեպ. Սկոտը:

Իր զեկուցման մեջ նա, մասնավորապես, շոշափեց մարդու քրիստոնեական կատարելության պրոբլեմները:

Զեկուցման մեջ մեծ տեղ էր հատկացված ճշմարտության քրիստոնեական հասկացությանը և նրա իմացության ուղիներին:

Նույն օրը զեկուցումով հանդես եկավ ԵՀԽ-ի գլխավոր քարտուղար ղոկտոր Ֆիլիպ Փոթըրը, որի զեկուցման մեծ մասը նվիրված էր ԵՀԽ-ի 30-ամյակին, այդ ժամանակաշրջանում նրա գործունեության արդյունքներին և հետանկարին: Զեկուցման մեջ լայն տեղ էր հատկացված ԵՀԽ-ի՝ ուսիզմի դեմ պայքարի ծրագրի հատուկ ֆոնդի գործունեությանը, ուսաբական ճնշման ենթարկված ժողովուրդներին և խմբերին

ԵՀԽ-ի անդամ եկեղեցիների և քրիստոնեական խմբերի կողմից ցույց տրված շոշափելի օգնությամբ: Դոկտոր Փոթըրը իր գեկուցման մեջ քննության առավ ևս եկուսեցիկ շարժման մեջ եկեղեցիների փոխադարձ պատասխանատվության, անդամ-եկեղեցիների և ԵՀԽ-ի միջև եղած փոխհարաբերությունների, ինչպես նաև հավատի դավանության միության հասանելու աշխատանքներում Աստուծո ժողովրդի մասնակցության վերաբերյալ հարցերը:

Հաջորդ օրը մատաշրջանի մասնակիցները քննարկեցին ԵՀԽ-ի գործունեության ծրագրերի վերանայման հատուկ կոմիտեի գեկուցումը և ֆինանսական կոմիտեի հաշվետվությունը:

Երեկոյան մատաշրջանի մասնակիցներին ուղղված մի ճառով հանդես եկավ ժամակայի պրեմիեր-մինիստր Մայքլ Մեմլին: Նրա ելույթը նվիրված էր Միջազգային Նոր Տնտեսական բարեկարգության հարցերին:

Չորեքշաբթի օրը, հունվարի 13-ին, ընտաշրջանի մասնակիցները քաժանկեցին խմբերի՝ չորս թեմատիկ կոմիտեներում աշխատելու համար: Դրանք են՝

«Հավատք և վկայություն»,

«Արդարություն և ծառայություն»,

«Կրթություն և բարեփոխություն» ծրագրային միավորների կոմիտեները, ինչպես նաև գլխավոր քարտուղարության կոմիտեն:

Այդ թեմատիկ կոմիտեներում քննության առնվեցին ԵՀԽ-ի ողջ գործունեության ծրագրերը:

Թեմատիկ կոմիտեների աշխատանքը շարունակվեց մինչև երկուշաբթի, հունվարի 8-ը:

Հինգշաբթի օրը, հունվարի 4-ին, երեկոյան, ժամակայի ընդհանուր նահանգապետ, մեծարգո Ֆլորիդել Գլասսպոլը «Կինգ Հաուզ» պալատում մեծ ընդունելություն կազմակերպեց՝ ի պատիվ Կենտրոնական կոմիտեի մատաշրջանի մասնակիցների:

Ուրբաթ օրը, առավոտյան, հունվարի 5-ին, պեննար միստում տեղի ունեցավ «Հույս և միասնություն» թեմայի քննարկումը, որը պատրաստել էր մատաշրջանի համար ԵՀԽ-ի «Հավատք և եկեղեցական կառուցվածք» հանձնաժողովը: Թեման ներկայացրին դոկտ.-պրոֆեսոր Ն. Նիսսիտիսը (հույն օրթոդոքս եկեղեցի) և հայր Տիլլարը (հռոմեական կաթոլիկ եկեղեցի):

Երկուշաբթի օրվանից մինչև հինգշաբթի, հունվարի 8-ից մինչև 11-ը, կայացան լիագումար միստերը:

Գլխավոր քարտուղարության կոմիտեի և մյուս 4 միավորների հաշվետվության կա-

պակցությամբ Կենտրոնական կոմիտեն ընդունեց համապատասխան որոշումներ:

Կենտրոնական կոմիտեն քննարկեց և ընդունեց նաև ֆինանսական կոմիտեի գեկուցումը ԵՀԽ-ի 1978 թվականի բյուջեի իրագործման, ԵՀԽ-ի 1978 թվականի ֆինանսական դրության և ԵՀԽ-ի 1979—1981 թվականների բյուջեի նախագծերի մասին: Կենտրոնական կոմիտեն անդամ-եկեղեցիների ուշադրությունը հրավիրեց ԵՀԽ-ի բյուջեի բացը կացնելու այն ուժեղացող դժվարությունների վրա, որոնք տեղի են ունենում ամերիկյան դոլլարի շարունակվող արժեքազրկման կապակցությամբ, և նորից կոչ արեց նրանց՝ ուժեղացնել իրենց ֆինանսական մասնակցությունը Միջազգային խորհրդի կյանքում:

Կենտրոնական կոմիտեն բազմաթիվ որոշումներ ընդունեց անձնական հարցերի շուրջը: Այդ որոշումներից մեկն էնք հետևյալները.

— ԵՀԽ-ի նախագահության անդամ, Լեմիգրադի և Նովգորոդի միտրոպոլիտ տ. Նիկողոսիմ սրբազանի մահվան կապակցությամբ Կենտրոնական կոմիտեն միաձայն որոշմամբ այդ պաշտոնին նշանակեց Համայն Վրաստանի Պատրիարք-կաթողիկոս Իլիա Բ-ին:

— ԵՀԽ-ի գլխավոր քարտուղարի տեղակալի պաշտոնին միաձայն որոշմամբ կոչվեց Սոֆիայի ա. Կլիմենտ Օխրիդսկու անվան հոգևոր կաճառի դասախոս, պրոֆեսոր Թոդոր Սաբելը (բուլղարական օրթոդոքս եկեղեցի):


— Կենտրոնական կոմիտեն հաստատեց 1-ին, 2-րդ և 3-րդ ծրագրային միավորների տնօրեններ՝ դոկտ. Լուկաս Ֆիշերի, դոկտ. Խիրապուտոն Իտտիի և տիկին Բրիգայի համի ԵՀԽ-ում տարած բազմամյա աշխատանքի ավարտումը ընթացիկ տարում:

— Կենտրոնական կոմիտեն միաձայն վերընտրեց իր ծրագրային կոմիտեն:

— Կենտրոնական կոմիտեն միաձայն և երախտագիտությամբ ընդունեց Կանադայի եկեղեցիների խորհրդի առաջարկությունը՝ ԵՀԽ-ի վեցերորդ համաժողովն անցկացնել 1983 թվականի ամռանը Վանկուվեր քաղաքում:

— ԵՀԽ-ի Կենտրոնական կոմիտեի առաջիկա մատաշրջանը տեղի կունենա 1980 թվականի օգոստոսի 14—22-ին Ժնև քաղաքում:

Կենտրոնական կոմիտեի մատաշրջանն ավարտվեց համալսարանական մատուցում կայացած էկումենիկ ժամերգությամբ:



Խաղաղության ԴԱՄԱՐ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ
«ԱՌԱՔԵԼՈՒԹՅՈՒՆ ԵՎ ԱՎԵՏԱՐԱՆԶՈՒԹՅՈՒՆ»
ՀԱՆՁՆԱԺՈՂՈՎԻ ԽՈՐՀՐԴԱԿՑԱԿԱՆ ԺՈՂՈՎԸ
ՊՐԱԳԱՅՈՒՄ

Սույն թվականի մարտի 26—30 օրերին Եկեղեցիների համաշխարհային խորհրդի «Առաքելություն և ավետարանչություն» հանձնաժողովը 1975 թվականին սուրբ Էջմիածնում գումարած իր ժողովից հետո այս անգամ իր հերթական խորհրդակցությունը անցկացրեց Պրագայում: Խորհրդակցությանը մասնակցում էին Սովետական Միության և Արևելյան Եվրոպայի սոցիալիստական երկրների 48 ներկայացուցիչներ:

Խորհրդակցությունը տեղի ունեցավ մայրաքաղաքի Յան Կոմենսկու անվան Բողոքական սեմինարիայի հանրակացարանի մեծ դահլիճում «Ավետարանչությունը սոցիալիստական հասարակարգում» թեմայով:

Հանուն Հայաստանյայց առաքելական եկեղեցու սույն խորհրդակցությանը իր մասնակցությունը քերեց Ծիրակի թեմի առաջնորդ տ. Նարեկ եպիսկոպոս Ծաքարյանը:

Խորհրդակցության պաշտոնական բացումից հետո, որը կատարվեց աղոթքով և ավետարանական ընթերցումով հանձնաժողովի նախագահ դոկտ. Էմիլիո Կաստրոյի նախագահությամբ, գլխավոր թեմայի շուրջ առանձին զեկուցումներով հանդես եկան Լեոնիդ Գրադի և Նովգորոդի միտրոպոլիտ Տ. Անտոնին և պրոֆ. Էրեքհարդ Ուինկլերը՝ Գ.Դ.Հ-ից:

Առաջին երկու օրերի լիագումար նիստերից և գլխավոր զեկուցումների քննարկումներից հետո խորհրդակցությունը շարունակեց իր աշխատանքները հետևյալ չորս աշխատանքային խմբերում:

Ա.—Քարոզչություն և ծես:

Բ.—Ավետարանչությունը մեծ և փոքր քաղաքներում:

Գ.—Անձից անձ եղած վկայությունը:

Դ.—Ավետարանչությունը աշխարհականացած սոցիալիստական հասարակարգում: Խորհրդակցության ավարտին աշխատանքային խմբերի՝ համապատասխան թեմաների շուրջ մշակած եզրակացությունների հիման վրա կազմվեց աշխատանքային մի փաստաթուղթ, որը մանրամասն քննարկման ենթարկվելուց հետո միաձայնությամբ ընդունվեց խորհրդակցության մասնակիցների կողմից:

Փաստաթղթում ընդգծվում է ԵՀԽ-ի «Ավետարանչություն» հանձնաժողովի առաքելությունը սոցիալիստական նոր ձևի հասարակության ընկերային կյանքի յուրահատուկ պայմաններում:

«Ավետարանչությունը,—ասված է փաստաթղթում,—մեր կոլեկտիվ հարաբերությունն է Աստուծո հետ՝ Հիսուս Քրիստոսի միջոցով, մի նոր հարաբերություն մեր փր-

կության ճանապարհին: Ահա թե ինչու ամեն մի եկեղեցի գործնականորեն պետք է ձգտի կատարելու այդ առաքելությունը, որ պատասխանատու և դժվարին մի գործ է, մանավանդ այսօրվա աշխարհականացած հասարակության կյանքի պայմաններում:


Գաղափարական, սոցիալ-քաղաքական, տնտեսական և այլ կարգի ազդակներ հակառակության առիթ չպետք է հանդիսանան ավետարանչության սուրբ գործի իրականացման ճանապարհին: Ավետարանչությունը մեր օգտակարությունն է մարդկության առաջադիմությանը՝ սոցիալ-տնտեսական կյանքի նոր պայմաններում, մեր պայքարն է պատերազմի դեմ: Եկեղեցին կարող է և պետք է պայքարի մարդկության


գարգացմանն ու առաջադիմությանը վնասող ամեն տեսակ երևույթների դեմ:

Ծարունակելով իր սուրբ առաքելությունը, — նշված է այնուհետև փաստաթղթում, — եկեղեցին պետք է օգնի մարդկանց՝ ժողովուրդների բարեկամության հաստատման, փոխադարձ վստահության, ազնվության, հավատարմության, ընդհանուրի համար եղած բարի գործերում:

Մարտի 29-ին, հանուն ՉՍՍՀ-ի կառավարության, խորհրդակցության մասնակիցների պատվին ճաշկերույթ տրվեց Չեխոսլովակիայի կրոնական գործերի տնօրեն Կարև Հրուզայի կողմից, մայրաքաղաքի «Մոսկվա» ռեստորանում:

ՆԱՐԵԿ ԵՊԻՍԿՈՊՈՍ ԾԱՔԱՐՅԱՆ





ՀԱՆՈՒՆ ԵՐԿՐԱԳՆԴԻ ԽԱՂԱՂՈՒԹՅԱՆ

«ՆՈՐ ԺԱՄԱՆԱԿ» սովետական շաբաթաթերթի 16-րդ համարում տպագրված է Վ. ՌՈԶԵՆԻ «ՀԱՆՈՒՆ ԵՐԿՐԱԳՆԴԻ ԽԱՂԱՂՈՒԹՅԱՆ» վերնագիրը կրող հոդվածը, որտեղ նշվում է, որ մարտի 27-ից մինչև 29-ը ԺՆԵՎՈՒՄ տեղի է ունեցել ՍՍՀՄ-ի և ԱՄՆ-ի եկեղեցիների ներկայացուցիչների խորհրդակցական հանդիպում՝ զինաթափման հարցերի գծով:

ՍՍՀՄ եկեղեցիների պատվիրակությունը գլխավորել է միտրոպոլիտ ՅՈՒՎԵՆԱԼԻՆ, իսկ ԱՄՆ-ի պատվիրակությունը՝ ՔՐԻՍՏՈՍԻ եկեղեցիների Ազգային խորհրդի նախագահ քապտիստ Մ. ՎԻԼՅԱՄ ՀՈՎԱՐԴԸ:

Հանդիպման մասնակիցները մեծ ուշադրությամբ են լսել Զինաթափման կոմիտեում ՍՍՀՄ-ի և ԱՄՆ-ի ներկայացուցիչներ Վ. Լ. ԻՍՐԱՅԵԼՅԱՆԻ և Ա. ՖԻՇԵՐԻ զեկուցումները: Ծառախոսները նշել են, որ ստորատեգիական հարձակողական զենքերի սահմանափակման մասին պայմանագիր կնքելը բարերար ազդեցություն կունենար ընդհանուր զինաթափման խնդիրների որոշման վրա:

Այդ հանդիպման ընթացքում ընդունվել է համատեղ մի հայտարարություն, որտեղ մասնավորապես ասվում է.

«Մենք համոզված ենք, որ սպառազինությունների մրցավազքում հնարավոր չէ հաղթել, այլ միայն կարելի է պարտվել: Մեր երկրագունդը կործանող ուժերի գոյությունը բազմակի անմտություն է, որի հետ չի կարելի հաշտվել: Մենք խոր մտահոգություն ենք արտահայտում ուժերի այն անհուսալի հավասարակշռության վտանգի առաջ, ո-

րը մարդկությանը հասցրել է միջուկային աղետի եզրին: Մենք գիտենք, որ ստեղծվում են է՛լ ավելի սարսափելի զենքեր, որոնք կարող են հասցնել վախի ու կասկածամտության ուժեղացմանը և, այդպիսով, սպառազինությունների է՛լ ավելի տենդագին մրցավազքի: Եվ դրա դեմ մենք միասին տալիս ենք մի պատասխան՝ «ոչ»:

Հանդիպման մասնակիցները կոչ են արել շուտափույթ կերպով ստորագրել սպառազինությունների սահմանափակման վերաբերյալ պայմանագիրը, լրիվ և համընդհանուր կերպով դադարեցնել միջուկային զենքի փորձարկումները, միջուկային զինամթերքների նոր սխառումների մշակումն ու տեղաբաշխումը, քիմիական և ռադիոլոգիական, ինչպես նաև մասսայական բնաջրնջման այլ զենքերի արտադրությունն ու կուտակումը:

«Սպառազինությունների մրցավազքը, — նշված է փաստաթղթում, — դժվարություններ և մահացու վտանգներ է առաջացնում ոչ միայն մեր երկու երկրների համար, այլև աշխարհի բոլոր ժողովուրդների համար: Դրա համար էլ բոլոր կառավարությունները... պարտավոր են գործունե մասնակցություն ունենալ զինաթափման պրոցեսին»:


ԺՆԵՎԻ վերոհիշյալ հանդիպումը լայն արձագանք է գտել եկեղեցական շրջանակներում: Այսպես, Մոսկվայի և Համայն Ռուսիո Նորին Արքեպիսկոպոս Պատրիարք ՊԻՄԵՆԸ Նորությունների մամուլի գործակալությանը մասնավորապես հայտարարել է.

«Մենք մեծ հույս ենք կապում սպառազինությունների սահմանափակման վե-

րաքերյալ պայմանագրի շուտափույթ ստորագրման և նրա՝ ուժի մեջ մտնելու հարցի հետ, քանի որ հավատում ենք, որ նրա պտուղները մեծ օգուտ կբերեն մարդկությանը: Պայքարելով զինաթափման համար՝ մենք ամենից առաջ պայքարում ենք միջուկային զինաթափման համար, քանի որ մասսայական բնաջնջման զենքը հանդիսանում է մարդկության գոյության հիմնական վտանգը և հիմնական արգելքը՝ լրիվ և համընդհանուր զինաթափման ճանապարհին»:

ԺՆԵՎՅԱՆ հանդիպումը կենդանի արձագանք է գտել նաև մարտի 31-ից մինչև ապրիլի 4-ը Մոսկվայում կայացած սոցիալիստական երկրների բապտիստների միությունների ղեկավարների սեմինար-խորհրդակցությանը, որը տեղի է ունեցել Եվրոպայի բապտիստների ֆեդերացիայի շըրջանակներում: Սեմինարի մասնակիցները Եվրոպայի բապտիստներին կոչ են արել հանդես գալ խաղաղության, զինաթափման ու ժողովուրդների համագործակցության օգտին:





ՄԱՀ ԵՐՎԱՆԻ ՀՅՈՒՄԻՍՅԱՆԻ (1888—1979)

Տարվույս փետրվարի 20-ին Իտալիայի Միլան քաղաքում, իր բնակարանի մեջ, 91 տարեկան հասակում, իր մահկանացուն կնքեց Մայր Աթոռ ս. Էջմիածնի հարազատ զավակ և ս. Հոփսիմե տաճարի վերանորոգության բարերար տիար Երվանդ Հյուսիսյանը:

Հակառակ նրա առաջացած տարիքին, նրա մահը մեծ կորուստ և մեծ վիշտ էր բոլոր նրանց համար, ովքեր ճանաչում էին նրան:

Հանգուցյալը ծնվել է 1888 թվականին Թուրքիայում: Նա իր աշխատունակ կյանքի ընթացքում հիմնականում զբաղվել է առևտրով և այդ առարկեզում հասել փալյուն հաջողությունների:

Լինելով, սակայն, գիտակից, ազգասեր մի հայ, նա չի սահմանափակվել միայն իր անձնական կյանքով, այլ ծավալել է ազգային-հասարակական, եկեղեցական, մշակութային օգտակար գործունեություն բոլոր այն երկրների հայ համայնքների մեջ, ուր նա ապրել է՝ Եթովպիա (1912—1941 թթ.), Եգիպտոս (1941—1945 թթ.) և ապա Իտալիա:

Նրա հասարակական գործունեությունը հիմնականում կախացել է հայ մշակույթի զարգացմանը և տարածմանը նրա սատար հանդիսանալու մեջ՝ ափսոսքով փայմաններում: Այդ նպատակով իր հնարավորությունների սահմաններում նա իր լայն նյութական օժանդակությունն է բերել ամեն

անգամ, երբ առիթը ներկայացել է: Անգամ չլինեին նրա կատարած բազմաթիվ բարեգործությունները, բավական կլինեին հիշատակել միայն Բեյրութում նրա ստեղծած Հայագիտական Հիմնարկը, որպեսզի նրա մասին կազմված դրական կարծիքը լինեիր արդար:

Երախտաշատ հանգուցյալը միևնույն ժամանակ հավատալիք էր միաժամանակ էր: Նա այդ ապացուցել է բազմաթիվ անգամներ թե՛ բարոյական և թե՛ նյութական իր աջակցությամբ, որպես Ամենայն Հայոց Հայրապետի մտերիմ բարեկամ: Ամենայն Հայոց Հայրապետը, գնահատելով տիար Երվանդ Հյուսիսյանի կատարած ազգանվեր, եկեղեցաշեն և բարեսիրական վաստակը, նրան պարգևատրել է «ս. Գրիգոր Լուսավորիչ» ականակոտ Ա. կարգի շքանշանով:

Հանգուցյալը երկար տարիներ եղել է Հայկական Բարեգործական Ընդհանուր Միության անդամ և 1960-ական թվականներին եղել է այդ Միության կորովի փոխնախագահը և իր այդ պատասխանատու հանգամանքով այցելել է ափսոսքով զանազան հայ կենտրոններ:

Հանգուցյալի նյութական օժանդակությամբ Բեյրութի մեջ հաստատվել է Հ. Բ. Ը. Միության անունով մի հիմնադրամ՝ ապահովելու համար արդարորեն իր անունը կրող Հայագիտական Հիմնարկի գործունեությունը:

Ստանալով տիար Երվանդ Հյուսիսյանի



ԵՐՎԱՆԻ ՀՅՈՒՄԻՍՏԱՆ
(Քանդակագործ՝ Նիկողոս Նիկողոսյան)

մահվան տխուր լուրը, Վեհափառ Հայրապետը Մայր Աթոռից նրա դստեր և փեսայի՝ Մարի և Զավեն Մանուկյանների անունով հղեց հետևյալ ցավակցական հեռագիրը՝ սիրովելու համար նրանց կրած ծանր կորուստի դառնությունը:

«Ժողովրդավարական կոմունիզմի ջերմ և անբողջ համայնքի սուգին: Սուրբ Էջմիածնի խորանին առջև կաղոթենք Ձեր անմահ հայրիկի՝ Երվանդ Հյուսիսյանի արդար հոգվուն համար: Հանգուցյալի բարի հիշատակը անմոռաց պիտի մնա իբրև հասարակական ազնիվ, իմաստուն գործիչ, իբրև իրավ հայրենասեր, իբրև ազգային բարերար, իբրև հոգատար հարազատ զավակ Մայր Աթոռի:»

Օրհնություն և լույս հանգուցյալի պաշտոն հիշատակին: Թող սուրբ Հոգին մխիթարե Ձեր վշտահար սրտերը և Ձեզի բոլորիդ պարգևե արևշատ օրեր:

Կիրակի հանդիսավոր պատարագ և հոգեհանգիստ Մայր տաճարի մեջ:

Օրհնությամբ՝

ՎԱԶԳԵՆ Ա


Կաթողիկոս Ամենայն Հայոց»:


Հանգուցյալի հուղարկավորության արարողությունը, ի ներկայության բազմահարյուր բարեկամների, տեղի ունեցավ փետրվարի 22-ին Միլանոյի հայոց ս. Զատասուն Մանկանց եկեղեցում՝ նախագահությամբ Արևմտյան Եվրոպայի հայրապետական պատվիրակ տ. Սերովբե արքեպ. Մանուկյանի և մասնակցությամբ տեղի հայոց հոգևոր հովիվ տ. Սարգիս քհն. Սարգսյանի:

Տ. Սերովբե արքեպիսկոպոսը, հանուն Վեհափառ Հայրապետի, անձամբ ցավակցություն հայտնեց հանգուցյալի հարազատներին և հուզիչ ու բովանդակալից մի դամբանականով վեր հանեց տիար Երվանդ Հյուսիսյանի եկեղեցանվեր, մշակութային, բարեսիրական և հասարակական գործունեությունը:

Փետրվարի 25-ին, Բուն Բարեկենդանի կիրակին, Մայր տաճարում, Հայոց Հայրապետի նախագահությամբ, տեղի ունեցավ հոգեհանգստյան արարողություն հանգուցյալի հոգու խաղաղության համար:

Հարգանք և երախտագիտություն եկեղեցասեր հանգուցյալի բարի հիշատակին:





Յ Ո Ւ Յ Ա Կ

ՄԱՅՐ ԱԹՈՒ Ա. ԷԶՄԻԱԾՆԻ ՆՈՐ ՍՏԱՅՎԱԾ ՁԵՌԱԳՐԵՐԻ*

ՀԻՇԱՏԱԿԱԳՐՈՒԹՅՈՒՆՆԵՐ

Թ. 6ր.—Եղբայր. լես շրջէ զե թուխտս և ապա գտցես զկարգ բանիս ըստ ծաղիկ նշանիս:

Թ. 7ր.—Ով սիրելի եղբայր. ծանիր որ թխտիս կ[ա]մ ս[տոր]ք գրոց ...դս սխալելի է. շոտ տուր Ղ թուխտ և ապա գտց... կարգ բանիս ծաղիկ նշանովըս:

Թ. 101ր.—Կաման Այ այս իմ գիր է մեղապա...: 2ԻԼ [այստեղ կա նույնանման ճինգ կրճատ ստորագրություն—Ն. Մ.]:

Յանուն Յի Քի որդոյն Այ Տն մերոյ:

Գիրաւջի ազգրմորնայնշան արաս...ոյնի. Թափուի թափու Ած փշրեայ ...գատմացնց իրօս իրց և զծնս կր... խրտէ Տր:

Թ. 208ա.—Ով Ած այս էր բարե քաղաք կարդացողք յիշե[ցէ]ք գատտանուն բանհանայնս զմեծ երեսիս ...փայլ աղա[ւ]թս և մեղաց թողութիւնին գրեց ... յիշեցէք

Ն 475

ԺՈՂՈՒԱԾՈՒ

Թերթերը՝ 374:—Պրակները՝ 32, յուրաքանչյուրը 12-ական թերթից, բացի ձեռնկալ պրակները՝ ԼԱ՝ 4, ԻԷ՝ 9, Ա՝ 10, Դ, ԺԲ և ԻԵ՝ 11, Ի՝ 18:—Մեծու-

* Շարունակված «Էջմիածին» ամսագրի 1964 թվականի ՆՆ ՆՆ Ը—Թ-ից, ԺԲ-ից, 1965 թվականի ՆՆ ՆՆ Ը—Ժ-ից, 1968 թվականի ՆՆ Է-ից, 1970 թվականի ՆՆ ՆՆ Դ—Ե-ից, Ժ-ից, ԺԲ-ից, 1971 թվականի ՆՆ ՆՆ Ե—Ը-ից, ԺԱ—ԺԲ-ից, 1972 թվականի ՆՆ ՆՆ Ա—Բ-ից, Դ-ից, 1973 թվականի ՆՆ ՆՆ Ա—Գ-ից, Ը-ից, 1974 թվականի ՆՆ ՆՆ Գ-ից, Է—Ը-ից, 1975 թվականի ՆՆ ՆՆ Ա-ից, Գ-ից, ԺԱ—ԺԲ-ից, 1976 թվականի ՆՆ ՆՆ Բ—Ե-ից, Է—Թ-ից, ԺԲ-ից, 1977 թվականի ՆՆ ՆՆ Գ—Ժ-ից, 1978 թվականի ՆՆ ՆՆ Ա-ից, Դ-ից և 1979 թվականի ՆՆ Բ-ից:

թյունը՝ 19.6×13.3×6.4 սմ.:—Նյութը՝ կրկնմն քարակ և կրկնմն էլ հաստ դեղնած և կեղտոտած թուղթ:—Կազմը՝ կաշեպատ տախտակ, քայքայված, առաջին երեսին՝ կաշին պատուված: Առաջին երեսի ներսում գունավոր և նախշավոր մի կտոր է կպցված, իսկ կոնակի ներսում քրեմ գույնի կտոր է կպցված: Կազմի կաշվի տակ կա կամաչ գույնի հաստ կտոր: Կաշվի վրա ճնշումով զարդեր են նկարված: Սկզբում կազմն ունեցել է երեք բունիչներ, որոնք հետագայում պոկվել և կորել են: Գրքի կազմողն է Հակոբի որդի Գրիգորը:—Վիճակը՝ անբավարար:—Գրությունը՝ միապուն:—Դատարկ թղթերը՝ 301ր, 347ր, 374ա և 374բ:—Տողերը՝ 24:—Գծումները՝ ճնշումով:—Գիրը՝ նոսրգիր:—Ջարդագրություն՝ ձեռագիրն ունի բավականին սիրուն զարդագրություն: Կան բազմաթիվ յուսանցազարդեր, զարդագրեր և թոչնագրեր: Կան նաև քիչ թվով զազանագրեր, ձրկնագրեր, խաչեր, գմբեթներ և թոչնոցներ: Որոշ տեղեր զարդագրություն չկա, իսկ այլ տեղեր էլ խաչեր են օգտագործված: Մատյանն ունի մի շարք կիսախորաններ՝ թթ. 108ր, 141ա, 222ա, 228ա, 231ր, 234ր, 240ա, 250ր և 261ա:—Գրիչը՝ Հարություն:—Պատվիրատուն՝ անհայտ:—Ծաղկողը՝ անհայտ:—Ժամանակը՝ 17-րդ դար:—Վայրը՝ անհայտ:—Ծանոթություն՝ ձեռագիրը նվիրել են Բաղդադից Գառնիկ և Ծաղիկ Արաթուն ամուսինները, Վեհափստ Հայրապետի 1978 թ. հունվար-փետրվար ամիսներին Իրաք կատարած Հովվապետական այցելության առթիվ: Նորին Սրբությունը ձեռագիրը Մայր Աթոռի Ձեռագրատուն հանձնեց 1978 թ. մարտի 2-ին:

ԲՈՎԱՆ-ԴԱՎՈՒԹՅՈՒՆ

Ձեռագիրն ունի սաղմոսներ, շարականներ, տաղեր, կանոններ, քարոզներ, աղոթքներ, ինչպես նաև մեջբերումներ ավետարաններից և առակաց գրքից:

ՀԻՇՍԱՏԱԿԱՐԱՆՆԵՐ

- Թ. 40թ.—Յս Քս օգնեա մեղաւորիս:
 Թ. 50ա.—Անետարան իւսի տամին կարդա և գիւ յիշե[ա]:
 Թ. 85ա.—...Դ գլուխն աւարտեցօ: Եւ զեղկելիս յիշեա ով ըմբերցող:
 Թ. 108ա.—Ով եղբայր վերջ ձայնիս ... Անետարան կարդա. սաղմոսն ի խորոց կարդացի ասայ ... Յործամ քաղոր եղանակէք. յիշեց[ե]ք զեղկ[ե]լի գրիչս:
 Թ. 134ա.—Ով եղբայրք ի զըլխաւորք օ[ր]հնութեանցն աւարտեցաք, ապաշխարութեան մարտիրոսաց և կամ այլ տօնից օ[ր]հնութիւն կամիս ասել ի մէջ սորա. գրած կայ. գիտ և ասայ:
 Թ. 140թ.—Ով ուսումնասէր, աւարտ եղև բանիս. ոմանք այսպէս կատարեն զտօնախմբութիւն երգ պաշտմանց ...
 Թ. 170թ.—Ով եղբայրք աղոմացիցն ոչ ասէ զայս երգս...:
 Թ. 214ա.—...երգ ուրբաթի ասայ և զանախտանս յիշեա:
 Թ. 217ա.—...Ով ըմբերցողք. կարդա և զեղկելիս յիշեա:
 Թ. 301ա.—Ապիկար Յարութիւնս յիշեա:
 Թ. 309թ.—Փառք քեզ Տ[է]ր Ած մեր: Գիտացիր ով ուսումնասէր եղբայր այս ը[նդ] փոխ անետարանս որ ես գրեցի...
 Թ. 328ա.—Այլ տաղ յարութեան ասայ ով սիրելի եղբայր:
 Թ. 368թ.—...մանաւանդ ևս առաւել ըստացող գրոյս և ըզգրչի ծրող սորայ. ամեն:

ՀԻՇՍԱՏԱԿԱՐՈՒԹՅՈՒՆՆԵՐ

- Թ. 81ա.—ասացուր:
 Թ. 140թ.—աւարտգ [գրչափորձ]:
 Թ. 347թ.—Ես Յակոբի որդի Գրիգորս այս գիրքն առի և կազմեցի վասն մեր[ո] կարդալ, էն:
 Թ. 358թ.—Յ. Ն. Թ. Հ.:
 Թ. 374ա.—Ընդ էրէ ընդունելի Եմէմբէ:

№ 476

ՊՐՈՍԵԹԵՆՈՍ

(Ողբերգութիւն)

Թերթերը՝ 50:—Պրակները՝ 8, որոնցից Ա՝ 17, Բ՝ 16 և Գ՝ 17 թերթից են:—Մեծութիւնը՝ 22×14.4×0.8 սմ.:—Նյութը՝ մաքուր գծավոր թուղթ:—Կազմը՝ կարմրավուն քարակ ստվարաթուղթ, որի երեսին անգլերեն գրված է հետևյալը. «The PR «Student» Copy-Book, Registered»:—Պահպանակներ՝ չունի:—Վիճակը՝ լավ:—Գրութիւնը՝ միասլուն:—Դատարկ թղթերը՝ 2թ, 3ա, 3բ, 4թ, 18թ, 19թ, 35թ, 40թ, 41թ, 43թ և 44թ:—Տողերը՝ 29:—Գծումները՝ թերթերը գծավոր են:—Գիրը՝ մուտրգիր:—Ջարդագրութիւն՝ չունի:—Գրիչը՝ Տիրայր վարդապետ Մելիք-Մուշկամբարյան (Տեր-Հովհաննիսյան), միաբան Մայր Աթոռ Ս. Էջմիածնի:—Ժամանակը՝ 1905 թ.:—Վայրը՝

Բոյոսել (Բելգիա):—Մանրութիւն՝ վեհափառ Հայրապետը սույն մատյանը Ջեռագրատուն հանձնեց 21 Ապրիլի 1978 թ.:

ԲՈՎԱՆԴԱԿՈՒԹՅՈՒՆԸ

Թ. 1ա.—

Ի. Ժիլկէն

Պրոմէթէոս

Zeus est l'éther, Zeus est la terre, Zeus est le ciel, Zeus C'est tout ce qui est au-dessus et enveloppe l'univers.

Eschyle

Թ. 1թ.—

Iwan Gilkin

Prométhée

Poème dramatique

Couronné

par

L'Académie Française

1900.

Թ. 2ա.—

Ի. Ժիլկէն

Պրոմէթէոս

Ողբերգական քերթում

Պսակում

Ֆրանսիական

Գիտութեանց Եմարանից

1900.

Թ. 4ա.—Պատկեր Ա.

Թ. 5ա.—Պրոմէթէոս.

Թ. 19ա.—Պատկեր Բ.

Թ. 20ա.—Պրոմէթէոս՝ առանձին.

Թ. 35ա.—Պատկեր Գ.

Թ. 38ա.—Ոլիմպոսի վերայ.

Թ. 41ա.—Պատկեր Դ.

Թ. 42ա.—Աստղագարդ երկինք.

Թ. 44ա.—Պատկեր Ե.

Թ. 45ա.—Ժայռերի մէջ կորած մի կիրճ: Անտառուտ դիրք:

Թ. 50թ.—(2085—չափածո տողերի քանակը):

ՀԻՇՍԱՏԱԿԱՐԱՆՆԵՐ

Թ. 1թ.—

Traduit en Arménien

Թ. 2ա.—Թարգմ. ֆրանս.

Տ(իրայր) Վ(արդապետ):

№ 477

ՊՐՈՍԵԹԵՆՈՍ

(Ողբերգութեան շարունակութիւնը)

Թերթերը՝ 50:—Պրակները՝ 8, որոնցից Ա՝ 17, Բ՝ 16 և Գ՝ 17 թերթից են:—Մեծութիւնը՝ 22×14.4×0.8 սմ.:—Նյութը՝ մաքուր գծավոր թուղթ:—Կազմը՝ կարմրավուն քարակ ստվարաթուղթ, որի երեսին անգլերեն գրված է հետևյալը. «The PR «Student» Copy-Book, Registered»:—Պահպանակներ՝ չունի:—Վիճակը՝ լավ:—Գրութիւնը՝ միասլուն:—Դատարկ թղթերը՝ 10թ, 18թ և 50թ:—Տողերը՝ 29:—Գծումները՝ թերթերը գծավոր են:—Գիրը՝ մուտրգիր:—Ջարդա-

գրություն՝ չունի:—Գրիշը՝ Տիրայր վարդապետ Մե-
լիք-Մուշկանբարյան (Տեր-Հովհաննիսյան), միաբան
Մայր Աթոռ Ս. Էջմիածնի:—Ժամանակը՝ 1905 թ.:—
Վայրը՝ Բրյուսել (Բելգիա):—Ծանոթություն՝ Վեհա-
փառ Հայրապետը սույն մատյանը Ձեռագրատուն
հանձնեց 21 Ապրիլի 1978 թ.:

Թ. 10ա.—Պատկեր Զ.

Թ. 11ա.—Ամենուրի մեջ.

Թ. 18ա.—Պատկեր Է.

Թ. 14ա.—Լեռան ամենաբարձր գագաթին:

ՀԻՇԱՏԱԿԱՐԱՆ

Թ. 50ա.—1905. Bruxelles.

№ 478

ԿՈՆԴԱԿ

(Վրացերեն)

Թերթերը՝ 1:—Մեծությունը՝ 62×24.6 սմ.:—Նյու-
թը՝ դեղնավուն հաստ թուղթ:—Կազմ՝ չունի:—Պահ-
պանակներ՝ չունի:—Վիճակը՝ լավ:—Գրությունը՝
միապայման:—Տողերը՝ 1ա՝ 46, 1բ՝ 32:—Գծումները՝
ճշումով:—Գիրը՝ արդի վրացական:—Զարդագրու-
թյուն՝ ձեռագրում կա մի հատ ծաղկավոր գլխա-
գարդ, ոսկեգույն խաչ, չորս հատ զարդագրեր և
երկու ծառ: Օգտագործված է կարմիր, կանաչ, կա-
պույտ գույները և ոսկեգույնը:—Գրիշը՝ անհայտ:—
Պատվիրատուն՝ Համայն Վրաստանի Կաթողիկոս-
Պատրիարք Ելիա Բ.:—Ծաղկողը՝ անհայտ:—Ժա-
մանակը՝ 30 Սեպտեմբերի 1978 թ.:—Վայրը՝ Թբի-
լիսի:—Ծանոթություն՝ սույն կոնդակը Ձեռագրատուն
հանձնված է Վեհափառ Հայրապետի կողմից 20 Նո-
յեմբերի 1978 թ.:

ԲՈՎԱՆԴԱԿՈՒԹՅՈՒՆԸ

Կոնդակը նվիրված է Վազգեն Ա. Վեհափառ Հա-
րապետի ծննդյան 70-ամյակի և գահակալության
23-ամյակի, ինչպես նաև Արևելյան Հայաստանը
Ռուսաստանի հետ միավորման 150-ամյակի երեք
տարեդարձների առթիվ:

ՀԻՇԱՏԱԿԱՐԱՆ

Թ. 1բ.— + Ելիա II (վրացերեն)

Կաթողիկոս Համայն Վրաստանի

30/IX. 1978 թ.

(Ստորագրության ձախին կա հայրապետական
կլոր կնիքը 5.2 սմ. տրամագծով):

№ 479

ՀՐԱՄԱՆԱԳԻՐ

(Պորտուգալերեն)

Թերթերը՝ 1:—Մեծությունը՝ 57.7×38.5 սմ.:—
Նյութը՝ մագաղաթ:—Կազմ՝ չունի:—Պահպանակներ՝

չունի:—Վիճակը՝ լավ:—Գրությունը՝ միապայման:—Տո-
ղերը՝ 8:—Գծումները՝ մատիտով:—Գիրը՝ լատինա-
սառ:—Զարդագրություն՝ ամբողջ հրամանագիրը
ըջանակված է մախազարդ մի շրջանակով, որտեղ
պատկերված են կարմիր ծաղիկներ և կանաչ տերե-
վեր: Վերևի և ներքևի մասերը նկարված են դեղին
գույնով: Վերևի մասի կենտրոնում կարմիր ֆոնի
վրա նկարված է մի սուր և երկու ճյուղեր, կողքը
գրված են S և P մեծատառ գրերը, որոնց վրա կա
հնգաթև մի աստղ: Այս բոլորը նկարված է արծա-
թագույնով: Սրանց տակը կարմիր մի ժապավենի
վրա սպիտակ տառերով գրված է լատիներեն՝
PRO-BRASILIA-FIANT-EXIMIA: Հրամանագրի
ներքևի մասում կա մի շրջանակ, որի մեջ գրված է
լատիներեն HONOR MERITUM-LAUDARE DIG-
NOS HONESTA ACTIO EST: Իսկ սույն գրության
կենտրոնում էլ մեծատառերով գրված է Վեհափառ
Հայրապետի անվան սկզբնատառերը այսպես՝
S S. V. I (Ն. Ս. Վ. Ա.):—Գրիշը՝ անհայտ:—
Պատվիրատուն՝ Բրազիլիայի Օսասկո քաղաքի քա-
ղաքապետ Օկտավիլիո ֆիրմինո Լոպես:—Ծաղկողը՝
անհայտ:—Ժամանակը՝ 27 Հունիսի 1968 թ.:—
Վայրը՝ Օսասկո (Բրազիլիա):—Ծանոթություն՝ սույն
հրամանագիրը Ձեռագրատուն հանձնված է Վեհա-
փառ Հայրապետի կողմից 20 Նոյեմբերի 1978 թ.:

ԲՈՎԱՆԴԱԿՈՒԹՅՈՒՆԸ

Քաղաքապետարանի սույն հրամանագրով Վազ-
գեն Ա. Վեհափառ Հայրապետին շնորհվում է Օսաս-
կո քաղաքի պատվավոր քաղաքացու կոչումը:

ՀԻՇԱՏԱԿԱՐԱՆ

MUNICIPIO DE OSASCO TITULO DE CIDADAO OSASQUENSE

A Câmara Municipal de Osasco, atendendo ao
que dispõe o Decreto Legislativo No, 7 de 1968,
concede a

S. S. VAZKEN I

Patriarca Supremo dos Armenios, o Titulo de
„CIDADAO OSASQUENSE“.

Câmara Municipal de Osasco, 27 de Junho de 1968.

Autor da Propositura

Presidente

(ստորագրություն)

(ստորագրություն)

André Bogasian
lo Secretario

Octacílio Firmino Lopes
Director da Secretaria

(ստորագրություն)

(ստորագրություն)

Clóvis Carrilho de Freitas

Ruy Leone Mayr

№ 480

ՈՍԿԵՄԱՏԵԱՆ

ՏՈՒՆՔԵՐԱԿԱՆ ԳՐԱԿԱՆՈՒԹԵԱՆ

(Պրակ 1)

Թերթերը՝ 89:—Պրակները՝ 1:—Մեծությունը՝ $33 \times 24.7 \times 0.5$ սմ.:—Նյութը՝ մի քիչ դեղնած դիմացկուն թուղթ:—Կազմը՝ բարակ ստվարաթուղթ:—Պահպանակներ՝ չունի:—Վիճակը՝ լավ:—Գրությունը՝ միապուն:—Դատարկ թղթերը՝ 1ա:—Տողերը՝ 84:—Գծումները՝ գործարանային գծավոր թուղթ:—Գիրը՝ շեղագիր:—Ջարդագրություն՝ չունի: Միայն կազմի երեսին փակցված է լրագրի մի թղթիկ, որ ցույց է տալիս ձեռագիրը գրողի լուսանկարը, որի տակ տպված է հետևյալը.—«Յոթելեար ուսուցչապետ Տիար Գեորգ Սիմքեշեան (1870—1951):—Ժամակնակը՝ 1930-ական թթ.:—Վայրը՝ Ստամբուլ:—Ծանոթություն՝ Ձեռագիր այս մատյանը, ինչպես նաև հաջորդ 26 պրակները, Մայր Աթոռի Ձեռագրատունն ստացել է Ստամբուլից 1976 թ. գրող-քանատեր Գեորգ Սիմքեշեանի ավագ որդի՝ Բժիշկ Նոյարի Սիմքեշեանի կողմից, ի հիշատակ իր հանգուցյալ հոր:

Գեորգ Սիմքեշեանը հանդիսացել է բազմալաստակ գրական և կրթական մշակ: Ավելի քան վաթսուն տարի Ստամբուլում զբաղվել է մանկավարժությամբ և գրականությամբ: Վարել է ուսուցչական պաշտոններ տեղի հայկական բազմաթիվ վարժարաններում, ինչպես նաև Օսմանյան համալսարանում: Ունի արձակ և ոտանավոր բազում գործեր:


Ներազանց իմացել է մի շարք արևելյան լեզուներ՝ թուրքերեն, արաբերեն և պարսկերեն, ինչպես նաև եվրոպական լեզուներ՝ ֆրանսերեն և անգլերեն:

Հսկայական գործ է կատարված կազմելու համար Ոսկեմատյանի 27 պրակները: Հայ հեղինակների գործերից դուրս օտար հեղինակների աշխատանքների գրեթե 90 տոկոսը թարգմանել է անձամբ Գեորգ Սիմքեշեանը: Բացի այդ աշխատության մեջ կան մեր հայաստակ գրողների հրատարակված և անտիպ գործերը: Որով հարմար ենք գտնում այստեղ տալ բոլոր հոդվածների վերնագրերն և հեղինակի անունը:

Կոթողական այս աշխատանքը պարունակում է թանկարժեք կտորներ հայ հայաստակներից և ժամանակակից գրողներից, ինչպես նաև ունի հայկական, եվրոպական և համաշխարհային գրականության ընտրյալ նմուշներ: Այստեղ կարելի է գտնել նմուշներ արաբ, պարսիկ, թուրք, ֆրանսացի, անգլիացի, գերմանացի, շվեդ, ռուս, ճապոնացի, իսպանացի, նորվեգացի և բազմաթիվ այլ ժողովուրդների գրականությունից, արձակ և ոտանավոր:

Ամբողջ աշխատանքում գրության ձախ կողմը կա երկու սմ.անոց մի լուսանցք, իսկ աջ կողմը գտնվող 7 սմ.անոց լուսանցքում հաճախ տրված են ծանոթություններ, զանազան տեղեկություններ, տեքստի հետ կապված բացատրություններ, ինչպես նաև օտար հեղինակների կրճատ կենսագրությունը:

(Ծարումակելի)



ԲՈՎԱՆ ԴԱԿՈՒԹՅՈՒՆ

Վեճափառ Հայրապետի քարոզը Փրկչի հրաշափառ և սուրբ Հարության տոնի առթիվ Մայր տաճարում	3
Փրկչի հրաշափառ և սուրբ Հարության տոնի առթիվ Ամենայն Հայոց Մայրազույց Պատրիարք և կաթողիկոս, Նորին Սուրբ Օծություն Ս. Տ. Վազգեն Ա Հայրապետի և քույր եկեղեցիների հոգևոր պետերի միջև փոխանակված շնորհավորական հեռագրերն ու գրությունները	6
Ամենայն Հայոց Վեճափառ Հայրապետի շնորհավորական գիրը Փրկչի հրաշափառ և սուրբ Հարության տոնի առթիվ՝ ուղղված Հայաստանյայց եկեղեցու նվիրապետական երեք Աթոռներին, թեմակալ բոլոր առաջնորդներին և եկեղեցական համայնքներին	9
1979 թվականի համամիութենական մարդահամարի նախնական արդյունքների մասին. Հայկական ՍՍՀ կենտրոնական վիճակագրական վարչության հաղորդագրությունը	11
Մայր Աթոռի պատվիրակությունը Հնդկաստանում	13
ՄԱՅՐ ԱԹՈՒՌՈՒՄ—Եկեղեցական թեմ. լուրեր	17
Այցելություն Իրաքի հայոց տիրախմամ թեմին	21
«Ա. Ներսես Օճորհայի» շքանշանի տվյալների հանդիսություն Մայր Աթոռում	23
ԳՐԻԳՈՐԻՍ ՎՐԴ. ԲՈՒՆԻԱԹՅԱՆ—Այց Սինգապուրի հայոց և Գրիգոր Լուսավորչի եկեղեցի	25
ԸՆՈՐՀԲ ԱՐԲԵՊԻՍԿՈՊՈՍ ԳԱԼՈՒՍՏՅԱՆ—Աստվածաշնչական սուրբեր	27
ԱՐԹՈՒՆ ՀԱՏԻՏՅԱՆ—Սուրբ Եպիփան հայրապետ Կիարացի	33
ՄԵԼԻՔ ՂԵՎՈՆԴԻ ԴԱՐԲՆՏՅԱՆ—Հայոց եկեղեցու մեծ երախտավորը	42
Վերանորոգություններ Թբիլիսիի հայոց և Գևորգ եկեղեցում	50
Եկեղեցիների համաշխարհային խորհրդի Կենտրոնական կոմիտեի 31-րդ նստաշրջանը ժամայկայում	52
ՆԱՐԵԿ ԵՊԻՍԿՈՊՈՍ ՇԱՔԱՐՅԱՆ—Եկեղեցիների համաշխարհային խորհրդի «Առաքելություն և ավետարանչություն» համաձայնագրի խորհրդակցական ժողովը Պրագայում	54
Հանուն երկրագնդի խաղաղության	56
Մամ Երվանդ Հյուսիսյանի	58
Ցուցակ Մայր Աթոռ և Էջմիածնի նոր ստացված ձեռագրերի	60

ԽՄԲԱԳՐՈՒԹՅԱՆ ՀԱՍՑԵՆ ՀԱՅԿԱԿԱՆ ՍՍՀ, ԷՋՄԻԱԾԻՆ «ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин. Редакция журнала «Эчмиадзин».
Rédaction de la revue «Etchmiadzine», Etchmiadzine, Arménie. URSS

Հանձնված է արտադրության 13.04.1979 թ.: Ստորագրված է տպագրության 28.05.1979 թ.:
Տպագրական 4 մամուլ+1 ներդիր, թուղթ 60×84¹/₂, պատվեր 330

Մայր Աթոռ և Էջմիածնի տպարան, 1979 թ.

